

# მწიგნობრის გზები



საქართველოს  
მწიგნობრის  
კავშირის  
გაზეთი  
№4 (259)  
1-31 მაისი  
2017  
ფასი 1 ლარი

გამომცემი  
თავიშვილი

## საქართველოს მწიგნობრის კავშირი - 100



I რიგი – დოდო ჭუმბურიძე, გურამ გოგიაშვილი, გივი შაჰნაზარი, ჯანსუღ ჩარკვიანი, მაყვალა გონაშვილი, რევაზ მიშველაძე, ემზარ კვიციანიშვილი, რეზო ადამია, ზურაბ ჭუმბურიძე.

II რიგი – გურამ ბათიაშვილი, ირმა კეკელიძე, ბალათერ არაბული, მანანა ანთაძე, ვანო ჩხიკვაძე, ზაალ ბოტკოველი, ბადრი ქუთათელაძე, მირონ ხერგიანი, თენგიზ ჩხაიძე, ვახტანგ ხარჩილავა, ლევან ბრეგაძე, ნანა ჭოჭუა, ბონდო არველაძე, მზია ჩხეტიანი, ნომადი ბართაია, ია სულაბერიძე, თამაზ ხმალაძე, ბონდო მაცაბერიძე, ოთო ფალიანი, ირაკლი შამათავა, ნაირა მარშანია, აკაკი დაუშვილი, ქეთი შენგელია, გელა სულაძე, მანანა დანგაძე, სოსო სიგუა, თემურ ჩალაბაშვილი, ედუარდ უგულავა, ქეთევან ნათელაძე.

### ილიას II

#### სწულთადა საქართველოს კათოლიკოს-პატრიარქი

თქვენ ბრძანდებით ქართული სიტყვის მსახურნი და ამდენად, დიდი მისია გავისრიათ, რათა ხელი შეუწყოთ ქართული აზროვნებისა და ცნობიერების დაცვას.

დღეს, როდესაც საქართველომ თავისი ადგილი მსოფლიო მასშტაბით უნდა მოიპოვოს, ძალიან მნიშვნელოვანია, თუ რა დონეზე იქნება

წარმოდგენილი ქართული მწერლობა, როგორ შეძლებს იგი, ერთის მხრივ, შეინარჩუნოს და ააღორძინოს ერთგული ფასეულობანი და, მეორეს მხრივ, პასუხი გასცეს დროის მოთხოვნებს.

მიუხედავად სერიოზული პრობლემებისა, მე მჯერა ჩვენი ქვეყნის ხვალისდელი დღის, მჯერა ჩვენი კულტურის, ჩვენი მწერლობის დიდი მომავლის.

ღმერთმა დაგლოცოთ და ერთგულად გამსახურეთ უფალს და სამშობლოს.



## კავშირი გულთა

საქართველოში თუ ვინმე პიროვნების ღირსებას იცავდა, ეს იყო საქართველოს მწიგნობართა კავშირი.

თუ ვინმე იბრძოდა კაცთმოძულეთა წინააღმდეგ, ეს იყო საქართველოს მწიგნობართა კავშირი.

თუ ვინმე ქვეყნად ჭეშმარიტებას აფრქვევდა, ეს იყო საქართველოს მწიგნობართა კავშირი.

ახლა ისიც ვთქვათ, მწიგნობართა კავშირი მხოლოდ მწიგნობართა სახლი არ გახლავთ, ეს იყო, არის და იქნება კავშირი გულთა შორის, ნიჭიერ მწიგნობართა თავშესაფარს ბევრი

განკითხვის დღე ჰქონია, ბევრი უნიჭო ებრძოდა ნიჭიერთა თავშესაფარს, მაგრამ ვერ იმარჯვებდნენ.

მწიგნობართა კავშირის სრულყოფილება იმდენად ნათელია, რომ ჭეშმარიტი მკითხველი ამაყობს მისი ჭეშმარიტებით. 100 წლის გახდა წუთისოფელში აღიარებული ჩვენი საყვარელი მწიგნობართა კავშირი და მე ვთხოვ დღევანდელ ხელისუფლებას დაუბრუნოს მწიგნობართა კავშირს მოძულეთა მიერ წართმეული სახელი. მე დიდი სიყვარულით მივესალმები 100 წლის მწიგნობართა კავშირს და ხმამაღლა ვამბობ: მწი-

გნობართა ბოხოქარი ცხოვრება თუ გადაარჩენს ჩვენს საქართველოს.

დიდი პატივისცემით,

ჯანსუღ ჩარკვიანი

საქართველოს მწიგნობართა კავშირის საპატრიარქო თავმჯდომარე, სახალხო პოეტი, რუსთაველის პრემიის ლაურეატი

# მწერლის საღმრთო მოვალეობა

ამ ნიგნიდან საუკუნე იმზირება, სავსე ომების, რევოლუციების, თავისუფლებისათვის ბრძოლის ქართველიანი დღეებით, მწერლის სულში გამოვლილი და ლექსებად, მოთხრობებად, რომანებად ქცეული საუკუნე.

„ერის სული მწერლობაში ლაპარაკობს, არავის არ აქვს მეტი უფლება ერის სახელით გამოსვლის, ეს მწერლების საღმრთო მოვალეობაა“ – წერდა 1917 წელს 22 წლის ტიცინი ტაბიძე.

მას მერე ასი წელი გავიდა, მწერლების საღმრთო მოვალეობა, ერის წინამძღოლობის მისია წუთითაც არ დაგინწყებიათ ქართველ მწერლებს, რომლებიც უკვე საუკუნეა ერთ ორგანიზაციაში, მწერალთა კავშირში გაერთიანდნენ. წუთითაც არ დაგინწყებიათ დიდ წინაპართა შეგონებანი, რომ მწერალი „ცისა და მინის შუაკაცია“ და „სიმართლის მსახური“ , „ღმერთთან მოსაუბრე, „რომ წარუძღვეს წინა ერსა“ , რომ ჭეშმარიტი პოეტი უფალს მადლს ასე უნდა სწირავდეს:

მადლობელი ვარ, დამბადებელო,  
ჩემიდან შეჰქმენ ისეთი გუნდა,  
როგორიც ამ დღეს საჭირო არის,  
სამშობლოს წყლულებს როგორიც უნდა.  
ეკლებზე ვწევარ, არაფერს ვამჩნევ,  
მაინც ღმერთს ვმადლობ, – ემშაკს შეჰმურდა.

### ვაჟა-ფშაველა

ვერ პატიობდნენ ემშაკის მოციქულნი მწერლებს ერის წინამძღოლობას და ამიტომაც, თუ ვინმეს საქართველოს სიკვდილი სურდა, მწერალს კლავდა, საქართველოს დამონება, მწერალს ათვინიერებდა, საქართველოს გადაჯიშება – ცდილობდა ცრუ ტელემწერლების აღზევებას და ჭეშმარიტი სიტყვის დიდოსტატების „ჩარეცხვას“ .

ჰო, ბევრჯერ ცა რისხვით შემოტრიალდა ჩვენი ქვეყნის თავზე, კაენის ჩრდილმაც არაერთხელ გადისრიალა, ხანმა უნდობარმა არაერთი მწერალი შეინირა, მაგრამ მართალი სიტყვა ვერ ჩაკლა, ვერ გააფერმკრთალა სიტყვა მწერალი.

როგორც ოთარ ჭილაძე ბრძანებდა:

ადამიანი იყო პოეტიც,  
ბევრჯერ წაექცა მასაც სხეული  
და მხოლოდ სული, დროშად ქცეული,  
ვერტიკალურად იდგა ყოველთვის.

დროშად ქცეულ სულზე ქვეყნის ავის მსურველებმა ვერ იქნა და ვერ წაშალეს მწერლის ხელით ამოტვიფრული, უწმინდესი სიტყვები: მამული, ენა, სარწმუნოება“ .

ვეჭვობ, საქართველოში და იქნებ მსოფლიოშიც, ბევრი ისეთი ორგანიზაცია იყოს, რომელსაც ასეთი საამაყო, დიდი და ტკივილიანი ისტორია აქვს, რომელსაც ამდენი რჩეული წევრი ჰყავდა და ჰყავს დღესაც, რომელმაც ასეთი ფასდაუდებელი ლიტერატურული განძი შესძინა დიდ ქართულ მწერლობას.

თუკი რაიმეს გამო ვარ ამაყი, უპირველესად იმიტომ, რომ ქართველი მწერალი მქვია, მეამაყება, რომ რუსთაველის დამბადებელი წიალიდან ვართ ჩვენ ქართველები, რომ ჩემი მცირედი წვლილი მეც შემაქვს მწერალთა დიდ ოჯახში, რომელსაც ასი წელი შეუსრულდა, რომ საუკუნემ, რომელმაც „უხვად მოიტანა სისხლი და ცრემლები“ , ყველაზე მტკივნეულად მწერალთა გულზე გადაიარა და წუხდა გული, „ვით სამრეკლო ცის უდაბნოში, წუხდა და უკვდავების სიტყვებად იქცეოდა.

წურავინ შეეცდება ამ დიდი ღვანლის გაუფასურებას, წურავინ უწოდებს ამ სახელოვან ორგანიზაციას „კომუნისტურ გადმონაშთს“ . ისინი, ვინც მწერლების სახელის დაკინებით არიან დაკავებულნი, ადრე ტყვიით, დღეს კი გულგრილობით ვინც კლავს ქართველ მწერალს, მალე თავად გაქრებიან ისტორიის ფურცლებიდან, ქართული მწერლობა კი იყო, არის და იქნება უკვდავების ბინადარი.

მაცვალა გონაპვილი

# კვლავ ეროვნულ პარიკადაზე

მწერალთა კავშირის არსებობის 100 წლიდან 60 წელი ამ ეროვნულ ტაძარში გამიტარებია.

დავწერე ეს სტრიქონები და თვითონვე შემეშინდა. რა დრო გასულა.

თექვსმეტი წლის ვიყავი, ლადო მრელაშვილმა რომ მიმიყვანა მწერალთა კავშირში. ჯერ რეზო კვერენჩხილაძეს ჩამოართვა ხელი და ბიბლიოთეკის ღია კარიდან პირდაპირ მწერალთა კავშირის ბაღში აღმოვჩნდი.

ძელსკამზე ორი კაცი იჯდა.

1957 წლის 11 სექტემბერი იყო.

ერთს, სიცხის მიუხედავად, მოშავო „პლენებიანი“ პიჯაკი ეცვა, უღალი წვერი მუჭში მოექცია, ფეხებთან პორთფელი ედო და თავზე ჭილოფის ქუდი ეხურა. მეორეს, მკაცრი გამომეტყველების ქუთუთობადაბერილ მოხუცს ევროპულად, პინკად ეცვა, ხოლო თავზე რატომღაც კრაველის ბოხობი ეხურა.

– ლადოს გაუმარჯოს! – ხელი გაუნოდა ბოხობიანმა.

წვეროსანს კი ჩვენი მისვლით დიდი აღფრთოვანება არ დატყობია.

– ჩემი ცოლისძმაა, – მგონი უფრო პაუზის დასარღვევად ჩემზე მოათითა ლადომ.

– რას ლაპარაკობ?! – თითქოს ძალიან გაეხარდაო, ხელი ჩამომართვა წვეროსანმა და მომეჩვენა, რომ წამოინია კიდეც.

– როგორ, ლადო, შენ ცოლი გყავს? – შეიცხდა კრაველის ბოხობიანმა.

– აბა, ცოლისძმა საიდან ეყოლება, შენი არ მიკვირს, ძამიკო?!

გადაიხარხარა წვეროსანმა და ძველი, ყავისფერი პორთფელი მუხლებშუა მოიქცია.

ასეთი იყო ჩემი პირველი მისვლა მწერალთა კავშირში და ჩემდა იღბლად პირველ მისვლაზევე ორ გენიოსს შემახვედრა ბედმა – კონსტანტინე გამსახურდიას და გალაკტიონ ტაბიძეს.

მალე უნივერსიტეტის სტუდენტი გავხდი და შემოდგომა დავიფიცო, იმ დღიდან დღემდე მწერალთა კავშირში, თუ კი ყურს მოვკრავდი, თითქმის ყველა ღონისძიებას ვესწრებოდი.

რას მოისმენდი უკეთესს, სად ნახავდი ასე ერთად შეკრებილ ქართული სიტყვის ოსტატებს, ერის ბრძენ მამებს.

მხოლოდ წიგნებიდან ვიცი, რა რუდუნებით შეიქმნა ამ ასი წლის წინ სრულიად საქართველოს მწერალთა კავშირი და როგორ დაისახა მან პირველი დღიდანვე მიზნად, ებრძოლა ქართული ეროვნული ცნობიერების გადარჩენისთვის – „არავითარი უნაპირო ინტერნაციონალიზმი და არავითარი პირმორღვეული კოსმოპოლიტიზმი! საქართველოში უნდა იყოს მხოლოდ ქართული ენის, ქართული კულტურის დომინანტი!“ – ხმის ჩახლენამდე ჰყვიროდა მწერალთა პირველ ყრილობაზე კონსტანტინე გამსახურდია.

მე მხოლოდ წიგნებიდან ვიცი, კაენის სულის აღზევების დროს როგორ გადაუმტვრიეს ხერხემალი ჯავახიშვილს და ტიცინს, როგორ მიიყვანეს თვითმკვლევობამდე პაოლო, როგორ დაუჭრეს პირველი წიგნი ლადო ასათიანს არტანუჯზე დაწერილი ლექსისათვის „ცინის სიზმარი“ .

მაგრამ მეც ბევრს რასმე შევესწარ და ის „ბევრი რამეა“, ამ უთანასწორო ბრძოლაში რომ მძლეობინებს, შუალამისას წამომადგებს და მაგიდასთან დამსვამს, რომ არ მასვენებს და ტინის მიბურღავს.

მასხოვს, გალაკტიონის გადაფრენა მეოთხე სართულიდან – პირველი ელდა ჩვენთვის და პროტესტის ყველაზე დიდი ყუმბარა უკვდავი პოეტის მიერ ხელისუფლების წინააღმდეგ ნასროლი.

მასხოვს, როგორ გადაიქცა 90-იან წლებში მწერალთა სასახლე ეროვნული მოძრაობის მთავარ შტაბად.

მასხოვს, 1978 წლის 10-14 აპრილს მწერალთა კავშირში ქართული ენის დასაცავად გამართული მიტინგები და თავგანწირული ერთსულოვნება.

მასხოვს, 1989 წლის 10 აპრილის დაზაფრული სხდომა, ნოდარ წულეისკირმა ცეცხლი რომ წაუკიდა კომუნისტური პარტიის მანდატს და ყველას თვალწინ საჯაროდ დანვა.

მასხოვს, ზვიად გამსახურდიას დაჭერის მეორე დღეს კოლხურ კოშკში მივედი და ჩემი ჭკუით ვანუგეშე ქ-ნი მანანა – ნუ გეშინია-მეთქი.

მე რისი მეშინია, რეზო, იმათ ეშინოდეთ, ვინც ზვიადი მწერალთა კავშირიდან ასე ერთსულოვნად გარიცხაო, მიპასუხა.

მასხოვს, რევაზ ჯაფარიძის გამოსვლა მწერალთა V ყრილობაზე, როცა „ანონილი სიტყვის“ ავტორმა, ყველასათვის მოულოდნელად, გრიგოლ რობაქიძის რეაბილიტაცია მოითხოვა.

მასხოვს, ციბირის გულაგებიდან ახალდაბრუნებული ჭაბუა ამირეჯიბის „დათა თუთაშხიას“ ბეჭდვის დანყება „ცისკარში“ , რის გამოც „ცისკარი“ პროკლამაციასავით ხელიდან-ხელში გადადიოდა.

მასხოვს, ზაურ ბოლქვაძის „ნიანგის“ ახალი ნომერი ნაცხრააპრილევს და ჟურნალის ყდაზე დახატული რუსი ჯარისკაცი ორლესული ნიჩბით ხელში.

მასხოვს, ლამის ჯვარს რომ აცვეს გურამ ფანჯიკიძე სამოციანი წლების ამკარა რევოლუციური რომანისათვის „თვალის პატიოსანი“ .

მასხოვს, სერგი ჭილაიას კაბინეტში გაცხარებული ქართული პროზის პატრიარქი – „ლანდებთან ლაციცი“ შემჩიერეს. მომეცი სასწრაფოდ ინაურის ტელეფონი. აღარ გათავდა ჩემი დევნა?!

მასხოვს, შოთა ნიშნიანიძის წინააღმდეგ აგორებული ინტრიგის ტალღა აქლემისა და ლექსის ქურდის პოეტური ალეგორიისათვის და იმ დროს დაწერილი მისი საბარეკადო ლექსი „ზიგ ჰაილ! ზიგ ჰაილ!“

მასხოვს, როგორ გამოვაპარეთ სტამბიდან ლევან სანიკიძემ და მე „უქარქაშო ხმლების“ უკვდავი ავტორის წიგნი-ბრალდება „ვაი რუსისაგან“ და მეორე დღესვე როგორ იზრუნა ხელისუფლებამ იმაზე, რომ წიგნის მთელი ტირაჟი სადღაც გამქრალიყო ისე, რომ ბიბლიოთეკებშიც ვერ იპოვიო – ლევანის ოჯახს შემორჩა, მე და ალბათ ლევანის ორიოდე მეგობარს.

რომელი ერთი გავისხენო.

პირველ გაბედულ, ეროვნულ სიტყვას მწერალი ამბობდა ყოველთვის, მწერალთა კავშირის ტრიბუნაიდან ნათქვამი მართალი სიტყვა მეორე დღესვე მთელ საქართველოს მოეფინებოდა ხოლმე და პირველ დარტყმასაც პირველად მწერალი იღებდა.

მარტო იმის ხაზგასმა რად ღირს, რომ XIX საუკუნის საქართველოს სულიერი მამა და უგვირგვინო მეფე სწორედ მწერალი გახლდათ და საქართველოს პირველი პრეზიდენტიც მწერალი იყო.

მწერალთა კავშირი დღესაც პირნათლად ასრულებს თავის ეროვნულ ფუნქციას – იგი ჯანმრთელი, ზომიერი ოპოზიციონერია და ამიტომაც ებრძვიან მას გააფთრებით; ხან ლიკვიდაციით ემუქრებიან და ხან შენობას ართმევენ.

დათვალეთ, აწონეთ საქართველოს გაღვიძებაში მწერლის მიერ შეტანილი წვლილი და მერე უწოდეთ, პატარა, მომხვეჭელო კაცუნებო, მწერალთა კავშირის „გადმონაშთი“ .

ზემოთ ვთქვი, 37 წელი არ მასხოვს-მეთქი, მაგრამ ახლა არანაკლებ მძიმე დროა ქართული მწერლობისთვის.

ილიას ლოზუნგი - „ჩვენი თავი ჩვენადვე გვეყუდნოდეს“ , დღის წესრიგიდან წუთითაც არ მოხსნილა.

ჩვენ ახლაც ბარიკადებზე ვდგავართ და ეროვნული სანგრებიდან ვუტევთ ჩვენი ნაციონალური სახის წასაშლელად გამოგზავნილ მანქურთებს.

რევაზ მიშველაძე

შაქაპიროზაძე - 60

60 წლისა შესრულდა ცნობილი ქართველი პოეტი და ჟურნალისტი ვაჟა ზიჭიკოს ძე მიროტაძე. ამის გამო საქართველოს მწერალთა კავშირმა იუბილარს მისალმება გაუგზავნა. მისალმებაში ნათქვამია:



ბატონო ვაჟა! საქართველოს მწერალთა კავშირი, თქვენი მეგობარი ქართველი მწერლები პატივის-

ცემით მოგესალმებიან და გილოცავენ დაბადების 60 წლისთავს.

თქვენი პირველი ლექსები 1972 წელს გამოქვეყნდა გაზეთ „ახალგაზრდა კომუნისტში“ და მას შემდეგ თქვენი ნაწარმოებები პერიოდულად ქვეყნდება ჩვენს სალიტერატურო პერიოდიკაში, გამოდის ცალკე წიგნებად.

თქვენი პოეტური და პროზაული კრებულები, ისეთები, როგორცაა „მონყენილი ოდა

და ერდო“, „ცრემლი გაცერილ მინას ვტირი“, „მინა მინა“. „მარტოობის სიმფონია“, „მესამე ზარის დარეკვამდე“ მშობელი ქვეყნისა და ხალხის უსაზღვრო სიყვარულითაა მირონცხებული და ამიტომაც ქართველი მკითხველის დამსახურებული მონონებით სარგებლობს.

ნაცადი ჟურნალისტი ბრძანდებით და წლების განმავლობაში მუშაობდით ჟიურის საქალაქო გაზეთის მთავარი

რედაქტორის მოადგილედ. 2003 წელს ლადო ასათიანის სახელობის პრემია მოგენიჭათ, რაც თქვენი ნიჭიერების აღიარება გახლდათ.

ბატონო ვაჟა! კიდევ ერთხელ გულითადად გილოცავთ საიუბილეო თარიღს ჩვენს კოლეგას, გისურვებთ დიდხანს სიცოცხლეს, ჯანმრთელობას და შემოქმედებით წარმატებებს.

საქართველოს მწერალთა კავშირი

ვაჟა მიროტაძე

კოტე კობრიძისათვის რომ გეკითხათ, შენ უფრო ადრე მოხვედი ამ სადალაქოში თუ მეორე კოტეო, ყელს გამოიბღვინდა, შაფაქიძე რას მიქვია, კაცს კი არადა, ყვავსაც კარგად არ ეხსომება ჩემი აქ მოსვლაო,- იტყოდა ხოლმე სიამაყით...

ახლა მეორე კოტეს ნაეკიდებოდა, სახეზე აღმურ: რა კობრიძე, რის კობრიძე, მე და პიმენა უფრო ძველები ვართო...

პიმენ დვალი კახინის გარდაცვლილია და, რა თქმა უნდა, მონმედვერ გამოადგებოდა შაფაქიძეს, ამიტომ ვერ გაერკვიათ ამ შემთხვევაში კობრიძე იყო მართალი თუ შაფაქიძე.

სიმართლეს მეც ვერ გეტყვით, რადგან თბილისში რომ ჩამოვედი და უნივერსიტეტის სტუდენტი გახვდი, სადალაქოში უკვე ორივე კოტე მუშაობდა.

საპარიკმახეროს ორთაჭალაში, სამსართულიანი კომუნალური სახლის პირველ სართულზე ერთი მოზრდილი ოთახი ეჭრა, დანარჩენში ფოსტატელეგრაფი, ბიბლიოთეკა, პირველადი მოთხოვნების სასურათო-სამეურნეო მაღაზია და ფესხაც-მელების შემკეთებელის სახელოსნო იყო.

სადალაქოში კარებზე გაკრული აბრის ქვეშ ვიღაცას ნითელი საღებავით მიენერა: ორი კოტე.

დალაქებს თავიდან ერთი-ორჯერ მაინც წაშალათ ეს წარწერა, აქაოდა კანტორიდან ვინმე ინტრიგანი არ მოგვადგეს და არ დაგვსაჯონო, მაგრამ წარწერა შაფაქიძე-შაფაქიძე კარზე ისევ ჩნდებოდა და ორივე კოტე თანდათან შეეგუენ ამ ამბავს. შეეგუენ კი არადა, გულში კიდევ უხაროდათ, რომ ხალხის სიყვარული დაიხსახურეს.

დასჯის რა მოგახსენოთ, მაგრამ „ზემოდან“ რამდენიმეჯერ შენიშნაც მიიღეს ამის გამო, თუმცა მერე და მერე, როცა მათთან შეივლიდნენ, წარწერას თვალს არიდებდნენ, თითქოს ვერ ამჩნევდნენ, ვერ დაენახათ. სამაგიეროდ კლიენტურა იყო მაღლიერი. ასეთი ბევრი ჰყავდათ სენიან დალაქებს. დღე არ გავიდოდა ამ პატარა, დაბალჭერიან სადალაქოში, რომელიც პელეს, მაცოლას, იამინის, მესხის და მეტრეველის სურათებით იყო აჭრელებული, ზურგის კედლიდან კი იშვიათი მომხიბვლელობით „ნეიზესტანია“ იმზირებოდა, ვინმე ბოზოლა პარტიული ან სამეურნეო მუშაკი არ შემობრძანებულიყო გასაკრეჭად.

ახლავე, ბატონოო, მყისვე დაფაცურდებოდა კობრიძე...

ასეთ დროს შაფაქიძე კეთილი შურით გადახედვდა კოლეგას. კობრიძეს რას გამოაპარებდი, ყველაფერს ხვდებოდა, თუმცა არ იმჩნევდა და ყოველი თვის ბოლოს, როცა ყველაფერს მოიანგარიშებდნენ: ეს სახელმწიფო გეგმაო, ეს შავი ანგარიშებით, ცერათითდასველებული კიდევ ერთხელ გადაითვლიდა მთელი თვის ნაღვან

თანხას და ზუსტად, თანაბრად გაუყოფდა შაფაქიძეს.

კოტე შაფაქიძემ კარგად იცოდა, რომ შემოსავლიდან ლომის წილი კობრიძეს ეკუთვნოდა, რადგან თითქმის ყველა კლიენტი კარგად უხდიდა კობრიძეს, მაგრამ ოპ, არა, არაო, ერთი-ორჯერ იუარებდა, მერე მადლობელი, მადლობელი და შეთავაზებულ თანხას საბოლოოდ მაინც აიღებდა.

მადლობა მერე იყოს, ოჯახი დროზე შეჭქმენიო, მერამდენედ დაარიგებდა ერთი კოტე მეორე კოტეს. თვითონ კობრიძეს სამი შვილი ჰყავდა, ორი გოგო და ერთი ნანატრი,ნაბოლარა ვაჟი, მათზე ამოდიოდა მზე და მთვარე, სულს ლევდა ოჯახისთვის, შრომაც უხაროდა და ცხოვრებაც.

კოტე შაფაქიძეს მშობლები ადრე გარდაცვლილი და დედისერთას ახლა ცხოვრების კალი მარტო უნდა ელენა, ორმოც წელს გადაცილებული ოჯახს არ ეკიდებოდა, თუმცა რასაც შოლოზადა კაპიკ-კაპიკ შეჭქონდა შემნახველ სალაროში.

თავიდან თითქოს არაფერი, მერე ისე შეეჩვივნენ ერთმანეთს, რაღა ისინი და რაღა ალალი ძმები, ერთმანეთს არაფერს უშალავდნენ.

შაფაქიძე კოტე ხშირად სტუმრობდა კობრიძე კოტეს და სამეურნეო საქმეებში ეხმარებოდა, (კობრიძეს კი მოზრდილი ბაღჩა და ბალ-ვენახი ედგა ორთაჭალაში).

კობრიძეს უყვარდა ფიზიკური შრომა, შაფაქიძეს არც იმდენად, მაგრამ მეგობრის ოჯახში ბოლომდე იხარჯებოდა, რთველი უყვარდა განსაკუთრებით, რთვობას დალაქი უჩვეულოდ აღტაცებული დაგემოვნებით კრეფდა ჩამკვრახულ-ჩამაქრებულ მტკვლებს, რაღაცნაირი დანანებით გაჰყურებდა გაღმა, მტკრის ფერდობებზე სიყვითლემუშპარულ დიდრონ ხეებს და უცნაურად სევდამორეული სანაწილში ნელი, მონიტორული მოძრაობით ჭყლეტდა შემოდგომის მზით სავეე ბუდეშურ მტკვლებს.

ჩუხჩუხა ბადაგით ქვევრებს რომ აავსებდნენ (კობრიძეს ერთი ოც-ფუთიანი ქვევრიც ედგა სხვა პატარა ქვევრებთან ერთად) საჭურჭლე-სათარე ტკბილს შეინახავდნენ, ქართულ გულაბს, ჩაყვითლებულ ხიდის-თაურ ატამს, უტკვებს ხომანდულს, აჩაღულ სიმინდს, ორშიმო გოგრებსა და ყოველგვარ ნაამაგარს რომ დააბინავებდნენ, მოყვარე მოკეთებებს და უძახებდა წლის მოსავლის დასალოცად მასპინძელი.

თამადა ასეთ დროს კოტე იყო, შაფაქიძე.

ხომ შუალამდე ლხინობდნენ, რაღა თქმა უნდა, დილას თავისტიკო-ლაყოლებულები, მაგრამ სამსახურში მაინც არ დიოვიანებდნენ, აუგს არავის ათქმევინებდნენ.

ჯერ კობრიძე მიადგებოდა სადალაქოს, დიდ, იტალიურ ფანჯარას გამოაღებდა, ქოთნის ყვავილებს გულმოდგინედ მორწყავდა, თუნუ-

ორი კოტე

ქის ლუმელზე სათლს შემოდგამდა, ოთახში გაბმული ჭრელზოლებიანი თოკიდან წინადაღს გარეცხილ-გაქათებულ საფენებს ჩამოსხნიდა, გააუთოებდა, კლიენტს მოხერხებულად ჩაუფენდა, ხაზის რადიოს აუწევდა და მუშაობას იწყებდა.

დაგვიანება არც შაფაქიძეს სჩვეოდა. უყვარდა ცვაბმთენია ჩიტების უღურტული, მსუბუქ ქარბორიში სიარული, ფეხით გადმოსჭრიდა ხოლმე პარალელურ ქუჩას და ათიოდე წუთში სადალაქოში იყო...

- როგორ ხარ? ეკითხებოდა კობრიძე...

- კარგად, კარგად...

- მგონი ზედმეტი მოგვივიდა წუხელ...

ასეთ დროს შაფაქიძეს ელიძებოდა, ელიძებოდა და არაფერს ამბობდა.

მერე მუშაობდნენ, მუშაობდნენ, სალაპარაკოდაც ვერ იცლიდნენ. როცა ხალხი შეხალავდებოდა ან სულაც მილი შეხალავდებოდა, მაშინ თუ გაახსენდებოდათ, რომ სადილობა კაი ხნის ჩავლილი იყო.

ამ დროს ერთ-ერთი მიდიოდა ძია იორამასთან (იორამა ჭოხონელიძე რაჭველი კაცი, მათ გვერდით სასურათო-სამეურნეო მაღაზიის სურსათის სექციაში მუშაობდა გამიფრეულად) იღებდა ნახევარ კილოგრამ ძეხვს, „კილკას“ ტომატის სოუსით, კომბოსტოს, ნივრის, კიტრის, წინაკის მწნილულს, პურს, ცოტა ყველს, შედარებით იაფფასიან არაყს, საგულდაგულოდ გადანმენდნენ კუთხის მაგიდას, გადააფარებდნენ ზედ ალაგ-ალაგ ჩრჩილისაგან შეჭქულ გაცრეცილ გადასაფარებელს, გადმოალავებდნენ თევზებს, ჭიქებს და, ღმერთო, შეგვეწიეო, - პირვერისწერით გატეხდნენ ლუკმას.

სადილს ტრადიციულად იორამა უძღვებოდა. ენაყლიანი კაცი იყო, ძველი ბულალტერი, ომში და ათას დარჯაკში გამოვლილს, ცხოვრებისაგან უღმერთოდ ნაუფრ-ნაგვემ კაცს ცალი ფეხი ქერში დაუტოვებინა, ფეხი კი არა და ახლაც უკვირს საერთოდ როგორ გადაურჩა იმ მესხატეხას.

მიდით, ნაწუქარი სიცოცხლის სადღეგრძელოდ დავლითოო, - იტყოდა ძია იორამა და თვალბზე ცრემლი მოადგებოდა...

კლიენტს აღარ აწუხებდათ და ძია იორამაც კოტეებთან პურობას გააგრძელებდა, მარტო მე და ერთი ჯველი ვუცდიდით დალაქებს.

ჩაუფინეო, - ჭიქას ბოლომდე მივსებდა კობრიძე... შეგერგებო, - კვერს უკრავდა შაფაქიძე...

ეუარობდი, ლექციებზე ვიყავი ნასავლელი, სადამოს დასწრებულზე ვსწავლობდი.

იორამას გული საგულეში ჰქონდა. ერთ თვეზე მეტია პრაქტიკაზე გოგონა გამოუგზავნეს. ის დალოცვილი ისე მალე და კარგად გაერკვა ყველაფერში, იორამა არსად არ ჩქარობს, დარწმუნებულია, რომ მისი შემცველი

საქმეს არ გააფუჭებს.

კოტე! - მიუბრუნდება იორამა ძია შაფაქიძეს:

შეირთე, შვილო, ნათელა (იმ პრაქტიკანტზე ეუბნებოდა) ანგელოზია და ანგელოზი...

კოტეს ელიძებოდა და ამით მთავრდებოდა ყველაფერი.

ჯველი კი ბოლომდე ცლიდა იმ ჭიქას, იმ ჭიქას და მომდევნოსაც.

პოეტი ხარ, წუ დალევ, ისე გვიტხარი რამეო, - ყელს მიწევდა შაფაქიძე.

მიდი უთხარიო, - მხარს აუბამდნენ იორამა ძია და კობრიძეც.

ბონდოია, ბიჭო, მარწყვი დამნიფებულა,

შენს საფლაგზე, ბონდო, წუხელ განვიძებულა...

ჩვენი საამაყო ძმა ხარო, - აღტაცებას ვერ მალავდნენ თვალცრემლიანი დალაქები და გულში უმცროსი ძმასავით მიხუტებდნენ.

ის ჯველი გაცივებული მიყურებდა, შურინადაც...

მე ვიჯექი შეზარბოშებული კოტე შაფაქიძის სადალაქო სკამზე, ჩემს გვერდით ის ჯველი მოკალათებულიყო და ელექტრომანქანის ლულუნში სულს ორი კოტეს სევდიანი სიმღერა მიფორიაქებდა, რა არის ჩვენი სიცოცხლე, ჩიტვით გავგოფრინდებოდა...

ასეთ დროს რაღაცნაირი ჩემი სევდით ვითვრებოდი-ვითენებოდი და მიყვარდა, ძალიან მიყვარდა ძია იორამა და ორივე კოტე.

კვირა არ გავა, დალაქებს არ მივაკითხო.

- მოვიდა ჩვენი ბულბულიო, - ერთხმად მომძახებდნენ და მერე დანვრილებით გამომკითხავდნენ, რას ვჭამ, რას ვსვამ, ხომ არაფერი მიჭირს, ხანდახან კი ვითომ შემთხვევით, ფულს სიძველისგან გახუნებულ-გაქუცულ პალტოს ჯიბეში ტაქტიანად ჩამიცურებდნენ.

თბილისიდან რუსეთში სამუშაოდ ისე წავედი, მეგობრებს ვერ დავემზვიდობე.

უცხოეთში ხშირად მახსენდებოდა ორივე კოტე და ძია იორამა, მით უმეტეს თუ საპარიკმახეროში მოვებდებოდი.

წლების მერე დავბრუნდი საქართველოში.

ძირულად შეცვლილი დამხვდა თბილისი, უცხო, მონყენილი ხალხით და უსიხარულო სახეებით.

სიყვარულის დეფიციტი იგრძნობა დედაქალაქში.

სადალაქოში ნასვლა გადავწყვიტე. მაშინ ორმოცს გადაცილებულები იყვნენ. ნეტავ ახლაც თუ მუშაობენ, როგორ გამოიყურებიან, როგორ ცხოვრობენ, შერჩათ კი ის სიმხნევე და სიხალისე?

ამ ფიქრში ვარ და სადალაქოს კარიც ვშვალე.

დალაქს თავი არ აუწევია, კლიენტს ემსახურება, მგონი მისალმებაც ვერ გაიკონა.

შეგხედე, კოტე უნდა იყოს კობრი-

ძე, ძალიან შეცვლილი სჩანს, დალოლი, გამძდარი, წვერმოშვებული, მარტო შუბლზე გარდგარდმო დამწნეული ნაიარევით თუ მიხვდები, რომ სწორედ ეგ კაცია შენი ძველი მეგობარი.

მეორე სკამი თაღი სამოსითაა შემოსილი...

ჩავახველე...

მაინც არ იხედება.

მივედი და ცუდის მოლოდინში მხრებზე კანკალით დავადე ხელი.

გაჩერდა, შემკრთალმა შემომხედა.

თქვენ, კოტე ხართ, კობრიძე? - ხმა ამიკანკალდა.

კი მე ვარ, - მითხრა დაბნეულმა და ხელი გამომიწოდა, ვერ გიცანიოთ, მოაყოლა შეცხუნებულმა.

მეორე კოტე?

მეორე კოტე, ეე, ეგერ მარჯვნივ... კედელზე დაკიდებული შაფარჩიანი სურათისკენ გამახედა და თვალბოდან კურცხალი მოსწყდა.

მუხლმოკეცილი კოტე შაფაქიძის დაობლებულ სკამზე დავემვი.

მერე კარგახანს ვიჯექი იმ სკამზე და სამოცნელსგადაცილებული, ჭალარამორეული კობრიძე მიყვებოდა თუ როგორ დაიღუპა ამ ერთი თვის წინ უშვილძიროდ გადაგებული შაფაქიძე ავარიამი, ისე, რომ კობრიძეს ცოცხლისთვისაც ვერ მიესწრო საავადმყოფოში.

უბედურ შაფაქიძეს წლების მანძილზე ნაშოვნი და ნაწალიჩევი თანხა ანდერძით კობრიძისთვის დაეტოვებინა.

აგი წინათგრძნობა ჰქონოდა: ამიტომაც ანდერძს, შესაბამის საბუთებს და მეგობრისადმი მიწერილ ბარათს თან ატარებდა:

მე ვერ ვივარგე, შენზე ახლობელი ვინ მყავს, დედას გაფიცე, ეს ფული ჩემს სახელზე შენს ოჯახს მოახმარეო...

ამ წერილს რომ მიკითხავდა ბავშვით ზღუტუნებდა კოტე კობრიძე, - დროული კაცი.

ძია იორამა?

კვირას დავეკრძალეთ, კოტესთან ახლოსაა მისი საფლაგი...

გული მომეწურა, კლიენტი გაკვირვებით გვიყურებს ქე და კობრიძეს, გაკვირვებით და თანაგრძნობით.

დრო გადის. არ ვიცი რა ვქნა, მოულოდნელი ელდით ზარდაცემულმა.

იმოქმედე! დარეკა გულმა.

ბევრი არ მიფიქრია, ძია იორამას ველე მაღაზიაში შესვლა გადავწყვიტე: ავიღებ პურს, ყველს, ძეხვს, მწნილს, არაყს და ისე როგორც ჩემს უფროს მეგობრებს უყვარდათ, სადალაქოში, ისევ კოტე კობრიძეს მივაკითხე, მერე ცალად დარჩენილი კოტე მიმეგზურებს და ქალაქის განაპირა, მოკრძალებულ სასაფლაოზე კოტე შაფაქიძისა და ძია იორამას ობოლ საფლაგებს მოვეფერები, მოვეფერები და ძალიან, ძალიან დავთვრები, რომ როგორმე მეგობრების არყოფნა სიმთვრალეთა და ამ მოთხრობის წერით გამოვიგლოვო.

# ღარღი, როგორს უნდა უქმედება

## ნიკა წერეთელი

\*\*\*

რაღაცისთვის ვიბრძობდი... ვცდილობდი, რაღაც ღირებული შემეძინა... რა სფეროში აღარ ჩავყავი ინტერესის ცხვირი... ცხოვრების რამდენიმე ეტაპზე შევიცვალე აზრი, მიზანი და საზრუნავი... უმეტეს სფეროში მივალნიე სანადელს და იმდროინდელი „ჭია“ გავიხარე კიდეც... იყო წინსვლა. უკუსვლა. მოკლედ ყველაფერი, რაც ცხოვრებას სხვადასხვა ეტაპზე შეეფერება... არ ვარ უკმაყოფილო ჩემი ბედითა და იღბალით, მაგრამ გაუწერებლობის გრძობით ტანჯული ისევ ვაგრძელებ საკუთარი თავის ძიებას... რისთვის ეს ყველაფერი? რა გვზდის ცხოველებს ადამიანად? ბედნიერების შეგრძნება მარტო ჩვენ გაგვანაჩნია? ანდა რა არის ბედნიერება? არის საერთოდ? კარგი უნივერსიტეტის დიპლომი, მსოფლიო ჩემპიონობის ტიტული, შესაფერისი სამსახური და მიწიერი საზრდოს უღვევი მარაგი... ესაა ბედნიერება? ასე მარტივია? ასე ადვილად ვხვდებით ბედნიერებას? არა! მე სულ სხვას ვგრძნობ და განვიცდი... ეს ცხოვრების აუცილებელი კრიტერიუმებია, რომელიც ჩვენი ქვეცნობიერის მიღწევებია და არა ჩვენი. როგორ შეიძლება რაიმე წარმატებით იმ ბედნიერების მოპოვება, რაც სხვადასხვა დროს, სხვადასხვა „წარმატებულმა“ ადამიანებმა წაგვართვეს... და ჩვენ ხომ ყველას რაღაცას ვართმევთ... ჩვენ ხომ ერთმანეთის წართმევით ვცდილობთ იმ „ბედნიერების“ მოპოვებას... სხვის უბედურებაზე აგებულ ცხოვრებას არამგონია ბედნიერება ერქვას. ახლა ხომ დროებით გვიყვარს, ახლა ხომ დროებით ვუმჯღავნებთ ერთმანეთს ყალბ სიტოზს, ახლა ხომ სისხლით ნათესაობაც დროებითია... თურმე 23 წელი გახდა საჭირო მივხვდებოდი... ბედნიერება ეს ის ცნებაა, რაც ნახულ სამყაროში არ არსებობს... არ ვწერ ამას იმისთვის, რომ ვინმეს რაიმე გავაგებინო, ვინმეს ჩემი სიმართლე დავანახო, ანდა თავი უბედურად ვაგრძნობინო... უბრალოდ ვწერ იმისთვის, რომ ჩემი ბედნიერება ყველას გაგაგებინო... ბედნიერი ვარ, რომ ბევრი რამ აღარ მჯერა. აქ ყველაფერი დროებითი და საკუთარ მიზნებზე დაფუძნებული ქმედებებია... წარმატებები ჩვენ, ყველას ამ უსასრულო მართონში... სოციალური ქსელი უბრალოდ უმარტივესი გზაა დახარჯვის... ასობთან ხომ ყველანი თამამები ვართ?! უფლის რწმენა და მიწიერ ცხოვრებაში სიკვდილის ხსოვნა თუ გვაქცევს ადამიანად... სპორტი... ჩვენი ქვეყნისთვის ეს ცნება ხომ მხოლოდ მარტივი ცხოვრების სტილის არჩევას ნიშნავს?! აქ ხომ წიგნიერება პირველ საფეხურზეა აყვანილი და დიპლომომანია უმთავრესი ელემენტია ელევანტური სასიძოს მისაღებად?! მესმის მე ჩემი ტკბილი ერის... კუნთის სიძლიერე გონების განვითარების უკუპროპორციულია... ალბათ გამორჩა რომელიმე დიად ფიზიკოსს ეს საკითხი, თორემ რომელიმე ფიზიკური ანდა ქიმიური პროცესით დაამტკიცებდა ამ უკანასკნელს... ოხ, ეს სპორტი... რა უაზრო შეგრძნებებითაა აღსავსე... რაღა დროს შიშველი ხელებით ბრძოლაა, მაშინ როდესაც კალმისტრის ეპოქაში უნდა ვცდილობდეთ ფრთების გაშლას... რომელიღაცა ცნობადს უთქვამს, ყველაზე საშიში ქვეყნისთვის ის შვილიაო, რომელსაც ცოდნა და განათლება უსაზღვრო დოზით მივეცით და სიყვარულის შთაგონება კი სულ გამოგვრჩაო... წესით სახელიც უნდა მახსოვდეს, მაგრამ მეც ხომ უვიცი სპორტმენი ვარ... სიყვარული და რწმენა რომ გამქრალია, ამას ჩვენი ქვეყნის პოლიტიკური და სოციალური საკითხები ყოველდღე ნათლად აჩვენებს... დღეს განათლება საკუთარი თავის საზოგადოებაში რეალიზების მიზნადაა ქცეული და ამიტომაცაა, რომ პოლიტიკა ყველაზე ნათლად ასახავს ჩვენი ერის ადამიანობის დონეს... ადამიანებს, როგორც წესი, მიწაში ვდებთ და მერე მომავალ თაობას მათზე

ისტორიის სწავლით სკოლის ასაკში ვუშრობთ სისხლს... საბოლოოდ კი ისინი სწავლობენ არა იმას, თუ როგორები უნდა იყვნენ, არამედ იმას თუ როგორები არ უნდა გახდნენ იმისთვის, რომ დროზე ადრე არ დაასრულონ სიცოცხლე... აი, ისევ, ოხ, ეს სპორტი.. რა ხდება სპორტში? ძველი საბერძნეთიდან მოყოლებული ფიზიკური ჭიდილი, როგორც სანახაობრივი, ასევე იმპერიების შექმნის ერთ-ერთი მთავარი ელემენტი იყო... სპორტი ის ერთადერთი სფეროა, სადაც ბინძურმა ეპოქამ თავის ბინძური ხელები ვერ ჩარია... ამ ცნებამ ეპოქებს გაუძლო და დღემდე ძველებური სახით მოაღწია... თუმცა, რას გელაპარაკებით ახლა? ნიციუს და დოსტოევსკის ნაკითხვა ხომ ნებისმიერ სპორტსმენობაზე უფრო ღირებულია... ვერ მიხვდებით, მოკვდავნი, რას გრძნობს ადამიანი მსოფლიოს კვარცხლბეკზე მდგარი საკუთარი ქვეყნის ჰიმნის ჰარმონიით ტკბობისას... შენს გვერდზე მდგარი ევროპისა და მსოფლიოს წამყვანი ქვეყნის წარმომადგენლები შურით გიყურებენ დაბლითა საფეხურიდან და სპორტული სპეტაკი ზიზლით მომავალ წელს იმ იმედით ელოდებიან, რომ სპორტული და მკაცრი გზით შენს ადგილს ისინი დაიკავენ... ჩვენ, უვიცი სპორტსმენები, ვადიდებთ ქვეყანას ჩვენი დაბებერებული ხელებით და სანაცვლოდ არც თანამდებობას და არც ხალხის მოჩვენებით სიყვარულს არ ვითხოვთ... მისწავლია მეც, მეგობრებო, ჩამიბარებია ნანატრ უნივერსიტეტშიც და ჩემი გაუნათლებლობით არასდროს შემირცხვენია ჩემი ოჯახი და საგვარეულო, მაგრამ ის, რაც ჩემპიონობის დროს მიგრძენია სხვა წარმართ საკითხებზე შედარებადაც კი არ ღირს... ბოლო-ბოლო, მეგობრებო, საფლავის ქვაზე მსოფლიოსა და ევროპის ჩემპიონობას ტვიფრავენ და არა ბაკალავრის და მაგისტრის დიპლომებს... პატივი ვცეთ ჩვენს დიად სპორტსმენებს, რომლებიც მიყოლებით გუნდურ ჩათვლაში რამდენიმე სახეობაში მსოფლიო ჩემპიონები ხდებიან იმის ფონზე, რომ საქართველო განათლების დონით ას განათლებულ სახელმწიფოთა შორისაც კი ვერ შედის... ე. ი. თქვენ განათლებულნი, ათეულ ნიშნულს მიაღწევინეთ ქვეყანას და იმ სპორტებში მოპოვებულ ოქროს მედლებს მერე გაუტოლდით... ეს ჩემი უმისამართო წერილი არ ეხება მათ, ვინც არ თვლის საჭიროდ მსგავსი საკითხის წინა პლანზე წამოწვას... მე პატრიოტები მიყვარს... ის პატრიოტები, რომელთაც განათლება და კუნთი ერთ არსად აქვთ ქცეული და მათ მიერ შეკრული მუშტი ყველაზე ძლიერი დარტყმის მქონეა მსოფლიოში... ქვეყნის სიყვარული თუ გააერთიანებს განათლებას და ჩემპიონობას და მხოლოდ მაშინ თუ მიეცემა აზრი სწავლასაც და განათლებასაც... მიყვარს ეს ჩემი უბედური და დაჩაგრული ქვეყანა და რა ვქნა, ღმერთმანი?!

\*\*\*

ქართველობა-ცხოვრებისეული ტიტული თუ თანდაყოლილი წყევლა?! ისტორიაზე საუბარიც რომ დასაჯინი გახდა... ამ ცვილის ტრიბუნებისკენ ლტოლვამ ხომ საბოლოოდ დაგვრია ხელი... ეს ერთმანეთის ჯინაზე ბედნიერებისკენ ლტოლვა რაღა უბედურებაა?! როგორ მეზარება ყველაფერი... ერთადერთი ტრიუმფისკენ სწრაფვის მომენტი ყველაზე ტკბილი... ბოლო რომ ისეთი გგონია, როგორც წარმოგადგენია და ამ წარმოდგენაში ყველა გზაზე შემხვედრ ხელისშემშლელ გარემოებას ისე თმობ და თელავ, რომ საკუთარი სიძლიერის შეგრძნებას კიდე ერთხელ უსვამ ხაზს... ბოლოს კი გამარჯვებას და დამარცხებას ერთ გროზად აფასებ და ყოველთვის დაკარგულში ეძებ განცხრომას... ბოლოს, ცოტა განტვირთვისთვის, დაპატიჟებულ წვეულებაზე ნახვალ და სუფრის თამადა ვინმე ჯემალი, ორი ხელით ჩამოასხამს ლიტრიანი დოქიდან კახურ ღვინოს და სიჩუმისკენ მოწოდებით,

გორგასლის ხმლის სადღეგრძელოზე მის მარჯვენას საკუთარი 50 კილოიანი სხეულის მარჯვენით შესვამს და სალამოთი instagramze იმდენ ლაიქს მოაგროვებს, რომ ყველა გოგოებზე მონადირე მის თანამემამულეს შეშურდება... მერე... მერე დაქოქავ მანქანას და გულის გადასაყოლებლად შორი გზით ნახვალ სახლისკენ... გზაში ვიღაცის სიგნალი შეგანუხებს და ვინმე იარაღიანი სამართალდამცველი საკუთარი უფლებების დაცვის მცდელობაში აღმოჩნდება შენს წინ... ამჯერად კი ნაჭამი და ფერხორციანი ახალგაზრდა ძია კაცი, ხმამაღალი ხმით პრავის მომცემს მოიკითხავს დასისხლიანებული ცხვირის ფონზე „თუ ახლობელი იყავის“ ძახილით კუდამოძუებული გზას გაუყვება და დადარდიანებული, ოჯახში დახვედრილ ცოლს ახლობლებსაც და მშობლებსაც კიდე ერთხელ მოუკითხავს... ამ დავიდარაბის შემდეგ დაბრუნდები სახლში და იმ ტელევიზორის დამტვრევაც მოგიწდება, საიდანაც მხოლოდ იმის გარჩევის ხმა ისმის, ვის უფრო მეტად მიუძღვის წვლილი ქვეყნის დანგრევასა და გაუბედურებაში... ბოლოს ჩაჯდები სავარძელში და დაფიქრდები, რა გაბრკოლებს და გაკავებს, ჯერ კიდეც ამ ქვეყნის მოქალაქე და ამ ქაოსის მონანილე რომ ხარ... მოინდომებ წასვლას, ჩაალაგებ ბარგსაც, დაივიწყებ ყველაფერს, იფიქრებ მხოლოდ ოცნებების მხარეზე, აიღებ ვიზასაც, მოიგებ კონსულის გულსაც, იყიდი ბილეთებსაც, შემოხაზავ კალენდარზე გაფრენის თარიღსაც და მიაღწევ სანადელსაც... ნახვალ იმ ნანატრ კუთხეშიც, იშოვნი იმ უშოვნელს, გაილამაზებ ცხოვრებას, გადაადგებ ანდროიდს, გადმოწერ იოსს და ბოლოს მაინც მიხვდები, რომ არ მოიქეცი სწორად... მხოლოდ მაშინ თუ მიხვდები, რა ყოფილა ნამდვილი სიყვარული და მონატრება... აი, ის თამადაც რომ მოგენატრება, აი, იმ ე. წ. „ვაჟნიკის“ ჩახუტებისთვის რომ ყველაფერს გაიღებდა, იმ ბინძურ ქუჩებში, რომ ნაგვის სუნი ყველანაირ დონალტის სურნელს გირჩევნია... ეკლესიის ზარები რომ დააკლდება შენს სულს და ერთი ქართული საგალობელი რომ ყველაზე მიუღწეველი გახდება შენთვის... მხოლოდ მაშინ მიხვდები, რომ შენ ქართველი ხარ... შენ განსხვავებულად გრძნობ... შენ განსაკუთრებულად აღიქვამ ყველაფერს და რაც მთავარია საკუთარი ცუდი და ამაზრზენი გიყვარს და გირჩევნია მთელს დაღაგებულ გალაქტიკას... არა, მეგობრებო... ქართველობა ეს ტიტულია... ის ტიტული, რომელიც გაურკვეველი ლოტოტრონის წყალობით მხოლოდ ჩვენ გვერგო... მთავრობებიც, პრობლემებიც და ყველა სხვა დანარჩენი დამახინჯებული ქმედებები წამრავალია, მაგრამ ქართველობა უკვდავია... ქართველობა ძენელი, მაგრამ აუცილებელი ცნებაა... რა მორიელის თვე, რა ტკბილი ნოემბერი, ხალხო?! ილია გვაჩუქა ამ თვეს უფალმა და ჩვენს ამის დავინყება უფრო მარტივად მიგვანჩნია, ვიდრე რაღაც წარმავალი საკითხების აქტუალურ თემად გცევა... ილია მთელი საქართველოა, ილია ჩვენ სწორი გადაწყვეტილებაა, ილია ის საძირკველია, რაზეც ჩვენი თაობა უნდა იდგეს... თუ კიდეც ვარსებობთ, თუ კიდეც სული გვიდგას და ზნედაცემულმა და ღირებულებადაკარგულმა ეპოქამ ბოლომდე ვერ მოგვიღო ბოლო, ილიასი და მისნაირი ხალხის დამსახურებაა... ილია სიამაყეა, ილია მიზეზია ამ ქვეყანაში ცხოვრების და მოღვაწეობის, ილია ჩვენი ვალდებულებაა... ამაზე ფიქრში დღევანდელია მახსენდება და ცოტა დაბნეული ბოლოს მაინც ვპოულობ პასუხს... ჩვენ თუ ვართ ერი, რომელმაც ილია შვა ამ ქვეყანაზე, ასევე ვართ ერი, რომელმაც მისი მკვლელებიც დაბადა და ისტორიის გვერდზე სირცხვილის ფურცელიც გადაფურცლა... ნუ ვიქნებით ილიას მკვლელების შთამომავლები, ილიას შვილობა თუ გვაქცევს ერად და იმ გზაზე დაგვაყენებს, რასაც ეს უკანასკნელი შეენირა... წმინდა ილია მართალო, დალოცე შენი ერი და უშველებელი გვიშველე...

ნარდგენილია ნობელის პრემიაზე

სოქონი წიგნი

ვახტანგ ჭანკოტაძე

ქ. გორის საპატრიო მოქალაქე, მეცნიერებათა დოქტორი, საქართველოს მწერალთა კავშირის წევრი, ღირსების მედლისა და აკაკი წერეთლის პრემიის ლაურეატი

ექვსიოდე წლის წინ ნავიკითხე რევაზ მიშველაძის საკმაოდ სქელ-ტანიანი წიგნი „ჩურჩულს გადაჩვეული კაცი“.

ახალი რომანის („ციყვი ბორბალში“) გამოცემით რევაზ მიშველაძე ცდილობს უფრო ძლიერი მაკურნებელი მალამოთი მიესალმოს დაუძლეველ ერს, გამოაღვიძოს იგი და აღუდგინოს ღირსების გრძნობა.

წიგნის პროლოგის ფინალში ბატონი რევაზი (წიგნის მკითხველთა კატასტროფული სიმცირით შენუხებული) მიმართავს მკითხველს – „იქნებ დაატანოს თავს ძალა და თავიდან ბოლომდე წაიკითხოს“.

ჰოდა, ყოველგვარი ძალადატანების გარეშე ნავიკითხე რამდენჯერმე.

მალამო-პანაცეა არ არსებობს. პირდაპირი დანიშნულების მალამო-მკურნალი, კი. ჰოდა, ვინც ერთხელ მაინც (გულდასმით) წაიკითხავს რევაზ მიშველაძის ახალ რომანს „ციყვი ბორბალში“ ადვილად მიხვდება და ირწმუნებს, რომ ეს რომანი გახლავთ სწორედ მალამო-მკურნალი თავგაბანული და უკიდურეს გაჭირვებაში მყოფი ერისათვის, რომელსაც გაუნადგურეს პროგრესულად მოაზროვნეთა მთელი არმია და მათ „ჩარეცხილები“ უწოდეს.

ამ წიგნის პირდაპირი დანიშნულება გახლავთ ერის გამოთავისუფლება ჯადოსნური ბორბლის შიდა სამყაროდან, რომელშიც მოაქციეს ციყვი (ანუ საზოგადოება). ციყვი (საზოგადოება) ამაოდ ცდილობს სწრაფი ნაბიჯებით დააღწიოს თავი ჯოჯოხეთს, მაგრამ ამაოდ. დრო გადის და ციყვი (საზოგადოება) ეჩვევა (ეგუება) შექმნილ ვითარებას.

რევაზ მიშველაძის ახალი რომანი მოუწოდებს საზოგადოებას ირწმუნოს, რომ „ეს ცხოვრება ცირკი სულაც არ არის“ და რომ საჭიროა ჯადოსნური ბორბლის შიგნიდან გამომტრევა და ახალი „ბორბალის“ მშენებლობა. არადა ქვეყანაში სრული ქაოსია. ცხოვრების ყველა სფერო თავდაყირაა დაყენებული. არაკომპეტენტურობამ და მასშტაბურმა უვიცობამ წაღებულ ქვეყანა. ზეიმობს: უსამართლობა, დაუსჯელობა, მომხვეჭელობა, ძალადობა და ნეპოტიზმი.

რევაზ მიშველაძის ახალი რომანი უთუოდ დიდ როლს ითამაშებს ეროვნული სულიერების განმტკიცებაში და ბანგით გათიშული და მიძინებული ერის გამოფხიზლებაში საჭირო იქნება ფართო საზოგადოებრივი განხილვები, რაშიც ერთ-ერთი მთავარი როლი უნდა შეასრულოს ე. წ. რეგიონალურმა მწერლის სახლებმა.

მართლაც რომ საოცარი რომანის ავტორი მთელი პირდაპირობით და არგუმენტირებულ რეალური ფაქტების საამუქარაოზე გამოტანით გამოსატყავს თავის არამართო პროფესიონალურ, არამედ ადამიანურ სულიკვეთებას ერის (მთლიანად) და ცალკეული ადამიანების ტრაგიკულ მდგომარეობასთან მიმართებაში.

ბუნებრივად ისმის კითხვა – როგორ უძლებს საზოგადოება ამდენ სიბილნესს, სიცრუეს და რაც მთავარია – უპერსპექტივობას.

ყურადღებებიანი მკითხველი სტრიქონებს შორისაც ამოიკითხავს ბევრ საგანგაშო ამბავს.

წიგნის ავტორი, თანამედროვეების კლასიკოსი-პროზაიკოსი, საოცარი ტექნიკითა და პასაჟების დიდოსტატური გამოყენებით, ფართოდ მიმოიხილავს ბოლო 60-70 წლის პერიოდს და ჰარმონიული გადასვლებით გვიხატავს იმ უმძიმეს რეალობას, რა პირობებშიც უწევს ქართველ კაცს ცხოვრება (თუ ამას ცხოვრება ჰქვია).

რომანი „ციყვი ბორბალში“ მოგვინოდებს არ შევეგუოთ, არ შევეჩვიოთ საშინელების ბორბალში უაზრო ტრიალს, რომ ეს არ მოგვიტანოს სიკეთეს.

მსურს ვისარგებლო რეზო ემილიანე ადამიას წერილიდან („მწერლის გაზეთი“. 2016. 12. IX). ამონარიდით „...ახალი რომანის კითხვისას მომავლის იმედი გეძლევა და წელში იმართები. ბატონი რეზო, როგორც მწერალი-ქადაგი, გემოდღვრავს ისევე როგორც პლანეტის დიდი მწერლები, ნებისმიერი ნობელიანტები და ღვთივკურთხეული, შეუდარებელი სხვა ოსტატები, რომელთა ნაზრევი უსასრულო და უხილავ აზრთსაცავში ჩაედინება. იდუმალებიდან ამოსული რევაზ მიშველაძის შემოქმედება, საკვირველ იდუმალებასვე წარმოშობს; ეს რომანი საუკუნეებს გაუძლებს“...

დაბოლოს – ბევრს კარგავს ის, ვისაც ჯერ კიდევ არ წაუკითხავს (თუნდაც ერთხელ) ქართული პროზის რაინდის რევაზ მიშველაძის, უკვე ბესტსელერად ქცეული, ახალი რომანი „ციყვი ბორბალში“, რომელიც სრულიად სამართლიანადაა წარდგენილი ნობელის პრემიაზე.

თაქარ ჯაჯანიშვილი – 80

80 წლისა შესრულდა თვალსაჩინო ქართველი მწერალი, ქალბატონი თამარ გრიგოლის ასული ჯაჯანიშვილი. ამის გამო საქართველოს მწერალთა კავშირმა იუბილარს მისალმება გაუგზავნა. მისალმებაში ნათქვამია:

ქალბატონო თამარ! ჩვენო საყვარელო კოლეგავ!

საქართველოს მწერალთა კავშირი, თქვენი მეგობარი ქართველი მწერლები მოწინებითა და სიყვარულით მოგესალმებიან ქართული სამწერლო ოჯახის ღირსეულ წევრს და გილოცავენ დაბადების 80 და ლიტერატურულ-შემოქმედებითი მოღვაწეობის 60 წლისთავს. ეს წლები სათნოების, სიკეთის, კეთილშობილების, სინამდისა და ერთგულების ემბაზში განბანილი წლებია და ყველას შეახსენებს, რომ თქვენი სახით საქართველოს არამარტო ერთი მშვენიერი პოეტი ჰყავს, არამედ დიდ ქართველ ბანოვანთა ბრწყინვალე შთამომავალიც...

თქვენი პოეტური ნათლობა 1957 წელს შედგა, ზუსტად 60 წლის წინ, როდესაც ჩვენი დედა-უნივერსიტეტის ახალგაზრდა მწერალთა აღმანახ „პირველ სხივში“ გამოქვეყნდა თქვენი პირველი ლექსები.

თქვენი პოეტური კრებულები „ლექსები“ და „სანამ გვახსოვს“, უპირველეს ყოვლისა, დიდი ადამიანური სევდით გამოირჩევა. ეს არც არის გასაკვირი. თქვენ ხომ მაცხოვარივით ჯვარცმული ქვეყნის შვილი ხართ, მარადიული ტანჯვისა და გვემისთვის განწირული ქვეყნის შვილი, რომლის მახსოვრობის უღრანებში ის შემზარავი სურათები შემორჩენილა, დღესაც რომ გვაფორიაქებს და მოსვენებას გვიკარგავს.

დაიხ, თქვენი მშვენიერი ლექსები ბუნებრივობით და უშუალოდ, დიდი გემოვნებით და ნატიფი პოეტური კულტურით გამოირჩევა. მართლაც რომ დახვეწილი, კოლორიტული, ფიქრიანი შემოქმედებით ხართ; თანაბრად ფლობთ როგორც ტრადიციულ, კლასიკურ ფორმებს, ასევე თავისუფალ ლექსსაც და ორივე შემთხვევაში, უპირველესად, ქართველ პოეტად რჩებით...

ვლადიმერ ლორია – 70

პოეტი, ექიმი და კარგი კაცი!

მოსკოვში მცხოვრებ ცნობილ პოეტსა და ექიმს ვლადიმერ ლორიას 70 წელი შეუსრულდა. იგი არის სახელგანთქმული ექიმი და შესანიშნავი პოეტი, არაერთი პოეტური კრებულისა და ლექსის ავტორი. წერს რუსულად (გარემოებათა გამო მთელი ცხოვრება რუსეთში აქვს გატარებული). მიუხედავად ამისა, იგი სულითა და გულით ქართველი ადამიანია და ამასთან კაცური კაცი, შემოქმედი, მოღვაწე, რუსეთის დამსახურებული ექიმი, ყველას დამხმარე, მკურნალი და მეგობარია. რამდენიმე ათეული წელი მუშაობდა ლიტვონდის ცნობილ პოლიკლინიკაში ექიმ-თერაპევტად, იყო არაერთი გამოჩენილი მწერლის მკურნალი და მეგობარი. ძალიან უყვარს საქართველო. მისი ლექსების უმრავლესობა და მთლიანად ლექსთა ციკლები კი ამ ქვეყანას ეძღვნება.

მოსკოვში გამომავალმა პრესტიჟულმა ლიტერატურულმა ჟურნალმა „პოეზია“ მთელი გვერდები უძღვნა მის ქართულ წარმომავლობას, მის წინაპრებს. ასეა, „კაცი იყავ კაცური და სადაც გინდა, იქ ილოცე!“

ვლადიმერ ლორია ხშირად მონაწილეობს მოსკოვში გამართულ საქართველოსადმი მიძღვნილ ლიტერატურულ ღონისძიებებში. მისი არაერთი ლექსია ქართულად თარგმნილი. უკანასკნელ წლებში საქართველოში დაიბეჭდა მისი ლექსების მრავალი გონაშვილისეული თარგმანები, რომლებმაც მკითხველთა ყურადღება დაიმსახურეს. სერგეი მიხალკოვის სახელობის საერთაშორისო ლიტერატურული პრემიის ლაურეატი მაცვალა



თქვენი პოეზიის საუკეთესო ნიმუშები ითარგმნა ინგლისურ, რუსულ, პოლონურ ენებზე. გამოქვეყნდა უახლესი ქართული პოეზიის ანთოლოგიაში.

წლების განმავლობაში მუშაობდით თბილისის კინოგაქირავების სარეკლამო ბიუროში მთარგმნელად, კინოკორპორაცია „ქართული ფილმის“ აღსადგენი და სადუბლიაჟო ფილმების შემოქმედებითი გაერთიანების რედაქტორად და მუდამ ქართული ხელოვნების, ქართული კულტურის წინსვლასა და განვითარებას ემსახურებოდით.

მონიჭებული გაქვთ ანა კალანდაძის სახელობის პრემია. გვიხარია, რომ სულ ახლახან ქართული პოეზიის ბერძნული გიორგი ლეონიძის სახელობის პრემიით დაჯილდოვდით.

როგორ შეიძლება ხაზგასმით არ აღინიშნოს, რომ ჭაბუა ამირეჯიბის, ქართული მწერლობის კლასიკოსის, ტრიუმფალური წარმატებები წარმოუდგენელი იქნებოდა, თქვენი სახით უერთგულესი მეუღლე და თანამებრძოლი რომ არ ჰყოლოდა.

ქალბატონო თამარ!

კიდევ ერთხელ გულითადად გილოცავთ საიუბილეო თარიღს დიდებულ პოეტსა და ქალბატონს, დღეგრძელობასა და მხეგრძელობას გისურვებთ.

საქართველოს მწერალთა კავშირი

გონაშვილი დღესაც აგრძელებს ვ. ლორიას ყურადღებამისაქცევი ლექსების თარგმნას და ჩვეულო პროფესიონალიზმით ეკიდება ამ საქმეს.

აქვე სიტყვამ მოიტანა და ისიც უნდა აღინიშნოს, რომ თავად მაცვალა გონაშვილის ლექსების თარგმანებიც დიდი მონონებით სარგებლობს რუსეთში, იბეჭდება იქაურ ჟურნალ-გაზეთებსა და აღმანახებში. გამოდის ცალკე წიგნებად. მის ლექსებს თარგმნაან გამოჩენილი რუსი პოეტები, მთარგმნელები და დიდი წარმატებითაც.

მაცვალა გონაშვილის ლექსების შესაბამისი ბნკარედული თარგმანები გვთხოვეს (სტრასბურგში, მწერალთა და გამომცემელთა საერთაშორისო სიმპოზიუმზე, კონგრესმენტა სასახლეში ჩემი გამოსვლის შემდეგ, სადაც, სხვათაგან ერთად, იმხანად ახალგაზრდული მისი რუსულენოვანი პოეტური კრებულები (წარვადაგინე) ფრანგულ და ფინურენოვანმა პოეტებმა და მთარგმნელებმა და ჩვენც სპეციალისტების დახმარებით მალე მათ პარიზსა და ჰელსინკიში გადავავსავთ.

გამოდის, რომ ქართული პოეზია იფართოვებს თავის საზღვრებს და მალე, ალბათ, ჩვენი მოკრძალებული მცდელობით, ბევრ უცხოურ გამოცემაში შემოვიღებთ და დავამკვიდრებთ მუდმივმოქმედ რუბრიკებს - „ქართული პოეზია - საზღვრებს გარეშე!“ - რუსთაველის ქვეყანა ამას იმსახურებს!...

ბაჰჰან ნამიჭიძიშვილი

P.S. რედაქცია სულითა და გულით ულოცავს ბატონ ვლადიმერ ლორიას საიუბილეო თარიღს და გთავაზობთ მაცვალა გონაშვილის მიერ თარგმნილ ვლადიმერ ლორიას ლექსს:

Table with 3 columns: Poet's name, Translation, and Commentary. Includes names like Vasker Shervaza and Vladimer Lorias.

### გოდერძი გოდერძიშვილი

(განდევილი ბერი გიორგი)

#### გამი

ცის კაბადონზე მიაპობ ტალღებს,  
 გამონაღწევი შტორებს და გრიგალს,  
 წმიდა მისიის შენს თავზე ამღებს,  
 აურაცხელი სიმდიდრე მიგაქვს.  
 ვიცი, საღამოს მოჰყვება დილა,  
 წარსულს შეერთვის ნუთები თმენის,  
 დარია თუმცა, იყავი ფრთხილად,  
 ნაპირზე დაფნის გვირგვინი გელის,  
 დაგლოცავ უფლის კარნახით მავალს,  
 საოცარია განგების ძალა,  
 გადაგარჩინა განსაცდელს მრავალს,  
 კვლავ უძლეველი იქნები ხვალაც.  
 ნუ გაიხსენებ წყლით სავსე ტრიუმს,  
 უმწეოდ აწვდილს, მთრთოლვარე ანძას,  
 ყური მიუგდე მომავალ ტრიუმფს,  
 სულში სიმართლის ჭეშმარიტ ხანძარს.  
 უმტკიცესია შენი ბუნება,  
 შენი გზა-კვალის კომპასი, მკაცრი,  
 ის მხოლოდ ზენიტს ემსახურება,  
 უარყოფელი მტერისა და ნაცრის,  
 შენ, ჩემო იდო, თეთრო ხომალდო,  
 უფლის კურთხევა გფარავდეს მარად,  
 შენ სვე-ბედი ცამ მე მომანდო,  
 ლოცვად და სანთლად,  
 ხანჯლად და ფარად.  
 მიესალმები როდესაც ნაპირს,  
 ასწვდება ზეცას შენი ბუბუნნი,  
 გადაეშვება ბორტიდან ტრაპი,  
 შტორმებს და გრიგალს  
 შთანთქავს  
 უკუნნი.

#### პოეტი თუ ხარ

პოეტი თუ ხარ,  
 ვიზიარებ შენს მწუხარებას,  
 რკინის სანოლზე  
 ქვა რომ გიდევს  
 ბალიშის ნაცვლად,  
 რომ დაგატყვევა  
 ქრისტეს რჯულმა და სახარებამ,  
 გულს რომ გინვალებს  
 ასი ფიქრი, ათასი განცდა.  
 დაგიძიმდება რკინის სული,  
 ხვნიშით ატარებ,  
 შენი ნამება  
 სალოცავად ავა ღმერთამდე,  
 ადამიანის გაექცევი, –  
 სულით პატარებს,  
 ღამის ზღაპარიც  
 რომ დაითვლის ათასერთამდე.  
 თუ ხარ პოეტი –  
 ფოლადივით დარეკე ზარი,  
 გაუძელ ტანჯვას,  
 მოკვდი ასჯერ, –  
 მხოლოდ იცოდე:  
 ერთი ნაბიჯი,  
 გადადგმული –

ფლიდი და მცდარი,  
 შენ მოლაღატეს,  
 არაპოეტს,  
 ლაჩარს გინოდებს.  
 შეგაძლებინოს ღმერთმა  
 მძიმე ტვირთის ტარება,  
 ეკლიან გზაზე  
 ზეციური ფიფქი გათოვდეს,  
 პოეტი თუ ხარ, –  
 ვიზიარებ შენს მწუხარებას,  
 ბალიშის ნაცვლად,  
 ქვა რომ გიდევს,  
 რკინის სანოლზე.

#### მე მჯერა

მე მჯერა, რომ შენ არსებობ სადღაც,  
 ჩემს დედულეთში ან უფრო იქით,  
 თავზე ნათელი გვირგვინი გადგას,  
 სივრცეში ხედავ ჩემს ფიქრებს ფიქრით.

მარტოობაში ვპოვე სავანე,  
 და გავითხარე სამარე ცოცხლად,  
 შენ დააფეთებ მტკრიან ტრამალებს,  
 და მომავალში ნამდვილად მოხვალ.

უშენოდ მიჭირს ქაჯეთთან ომი,  
 (ვიბრძვი კი, თუმცა, მთელი ბუნებით),  
 ვესაუბრები ვარსკვლავებს ცთომილთ  
 და გამარჯვებას ვემსახურები.

საიდან მოხვალ ის მე არ ვიცი,  
 მოჰყვები ქარს თუ ორთვალა ურმებს,  
 ვიცი, რომ დიდხანს, მშვიდად დაგიცდი,  
 რადგან ლექსს დედაც სჭირდება თურმე.

მე მჯერა, რომ შენ არსებობ სადღაც,  
 ჩემს დედულეთში ან უფრო იქით,  
 თავზე ნათელი გვირგვინი გადგას,  
 სივრცეში ხედავ ჩემს ფიქრებს ფიქრით.

#### მეორედ მოსვლა

თითო ქვა ყველამ გესროლა, ალბათ,  
 იყვნენ ისინიც, – ვინაც ტიროდა,  
 როცა ანაზად – ნაგილო წყალმა,  
 გადმოგცქეროდნენ სანაპიროდან...  
 მეორედ მოსვლის იმედით, ტანჯვით,  
 მიუყვებოდი უვალ ბილიკებს,  
 უსაზღვრო იყავ – სიკეთის ხარჯვით,  
 პასუხად – მწარედ გაგაქილიკეს.  
 დედა ღვთისმშობლის ცრემლების მიღმა,  
 მოსვლა – პირველი გინათებს წარსულს,  
 გახედავ კრძალვით – გარდასულ სიზმარს,  
 ხეს კეთილისას, სრულყოფილს, ზრდასრულს.  
 მოხველ მშვიდობით, მკაცრი ღიმილით,  
 გზად თან მომყოლი, მცირედი ტვირთით,  
 გადაივინყე სულის კივილი  
 ნარ-ეკლიანი, დიდი გზის იქით.  
 საფანტეზივით მოფრქვეულ ჭორებს,  
 ჭეშმარიტების სხივით ანათებ,

აღარ დაუფენ მარგალიტს – ღორებს,  
 აღარც მიუპყრობ ყვრიმალს ჯვალათებს.  
 ღმერთია შენთან ან და მარადის,  
 ყოველი წამით – მისია ნება,  
 ის საიდუმლო რასაც ვფარავდით,  
 მეორედ მოსვლის კანონით ხდება.

#### ვერ დავიჯერებ

ვერ დავიჯერებ,  
 რომ ამ პლანეტას  
 და გალაქტიკებს  
 პატრონი არ ჰყავს;  
 ვერ დავიჯერებ,  
 გვამთან ერთად  
 კვდებოდეს სულიც,  
 არ ჰქონდეს ძალა  
 და მიზანი  
 ძველთაძველ საყდარს,  
 მხოლოდ ჭამა-სმა არსებობდეს,  
 ქალი და ფული.  
 ბოროტთა ბოსი  
 რომ მოუგებს  
 გადამწყვეტ ჭიდილს,  
 სიკეთის გზათა მსახურების  
 წმიდა ლიდერებს,  
 რომ გაიმარჯვებს,  
 ვინც სამშობლოს  
 ორ გროშად ჰყიდის,  
 რომ უაზროა  
 ეს სიცოცხლე,  
 ვერ დავიჯერებ...

#### ნუ გამახსენებ

ნუ გამახსენებ  
 მოჩვენებას,  
 ღამის ფერიას,  
 გარდასულ სიზმარს,  
 აცრემლებულ  
 ტირიფს დაშვებულს,  
 ბალის ხეები  
 მის დანახვას  
 დღესაც ელიან,  
 ბრწყინვალე ხილვას,  
 ღვთიურ ნათელს,  
 გაკაშკაშებულს;  
 სულის ფოლადი  
 დიდ სიმძიმეს  
 ველარ გაუძლებს,  
 ძველი ხილვები -  
 ფიქრს დღევანდელს  
 სევდით ავსებენ,  
 რამე მსუბუქზე  
 გამაცინე,  
 გამესაუბრე,  
 თავდახრილ  
 ტირიფს,  
 ატირებულს,  
 ნუ გამახსენებ.

# ნომადი ბართაია

## დაკით აღმაშენებლის ეხთი დამსახურების შესახებ ქართული ეხის წინაშე

### ეს მოხდა 632 წელს

ვიდრე უშუალოდ საკითხს შევხებოდეთ, მიზანშეწონილად მიგვაჩნია, ზოგადად წარმოვაჩინოთ XII საუკუნის მახლობელ აღმოსავლეთსა და საქართველოში მომხდარი პოლიტიკური და კულტურულ-ლიტერატურული პროცესები.

ორმოცი წლის იყო მუჰამადი ხილევები რომ დაეწყო და - სამოცდაორის - რეალობად რომ აქცია ისინი. სულ რაღაც ოცდაორი წელიწადში მან შეძლო არაბეთის ნახევარკუნძულზე მიმოფანტული მრავალმეტრიანი არაბული ტომები ერთი ღმერთის გარშემო შემოეკრება და ისლამის დროის ქვეშ დაეწინაურა.

დას, ის-ის იყო მუჰამადმა დარაზმა არაბები ისლამის დროის ქვეშ, არაბეთის ნახევარკუნძულიდან გასასვლელად და დაპყრობითი ომების სანარმოებლად, მაგრამ სწორედ მაშინ მოუწია მას გასვლა ამ სოფლიდან. ეს მოხდა 632 წელს.

632 წელი გახდა მახლობელი აღმოსავლეთის, მათ შორის ირანელი ხალხებისთვის ახალი ერის დასწყისი. იმავე წელსვე დაარსდა ხალიფატი. ხელოსუფლეს სათავეში მოვიდნენ ომაიანები. დაიწყო მუჰამადის იდეის განხორციელება და არაბები ელივისებურად დაეპატრონენ მთელ მახლობელ აღმოსავლეთს. მათ ერთდროულად შეუტყეს ერთმანეთთან ბრძოლებში დასუსტებული ირანისა და ბიზანტიისა და უკვე მეშვიდე საუკუნის მეორე ნახევრის დასაწყისისთვის გამარჯვება მოიპოვეს ირანზე, ხოლო ბიზანტიას ჩამოაცილეს აღმოსავლეთის პროვინციები - სირია და ეგვიპტე. ამავე დროს ამიერკავკასიაში გაავსეს მარბილი ლაშქრები.

მოხდა წარმოუდგენელი რამ, მსოფლიოს ერთ-ერთმა უდიდესმა იმპერიამ, ოთხსაუკუნოვანმა სასაზღვრო ირანმა, უცებ დაკარგა ცამეტსაუკუნოვანი ზოროასტროლი რელიგია, მშობლიური აზნანი და სალიტერატურო ენა, სანაცვლოდ მიიღო ისლამი, არაბული აზნანი და სალიტერატურო ენა - არაბული. (ამ დროს ქართულენოვანი, იმავე დამპყრობთა ხელში ყველაფერი შეინარჩუნა).

ჩაბარდა წარსულის ირანის სახელმწიფოებრიობა, რომელიც, თუ არ მივიღებთ მხედველობაში მათე საუკუნეში, ქვეყნის აღმოსავლეთ ნაწილში, სამხედრო საუკუნეში, ქვეყნის აღმოსავლეთ ნაწილში, სამხედროს მიერ დამოუკიდებლობის ნაწილობრივ აღდგენას, ირანს, ცერა საუკუნე, სეფიანი შაჰების მოსვლამდე, სახელმწიფოებრიობა დაკარგული ჰქონდათ.

არაბები, შედარებით ირანელებთან, პოლიტიკურად და კულტურად განვითარების დაბალ საფეხურზე იყვნენ, ამიტომ ისინი, ამ მიმართულებით, წარმატებით იყენებდნენ ირანულ რესურსებს. ირანელებიც ყოველმხრივ აქტიურად ჩაებნენ არაბთა იმპერიის სამსახურში, პოლიტიკური კუთხით იქნებოდა ეს თუ კულტურული. განსაკუთრებით კი კულტურის სფეროში გამოიჩინეს თავი ირანელებმა.

არაბული ენის პირველი გრამატიკის ავტორი ირანელი იბნ ალ-მუყაფაა და ასე უნდა დავიხსენოთ არაბებმა დაიწყეს თარგმნა ცივილური სამყაროს მონაპოვრებისა, აღმოსავლურიდან თუ შუამნიშნარული ძეგლები შემოედინებოდა თარგმანის გზით, დასავლურად უსტყ და საბუნებისმეტყველო მეცნიერებანი მოიკვლევდა გზას.

ასე ჩაისახა და დაიწყო განვითარება კულტურამ, რომელიც არაბულ-მუსლიმური კულტურის სახელით დარჩა ისტორიაში.

### მხოლოდ ერთი შეხედვით

ერთი შეხედვით, ირანელები გააბრბდნენ, მაგრამ მხოლოდ ერთი შეხედვით. გარეგნულად მოუსხამთ თურქი ირანელებს არაბული მანტი. აღმოჩნდა, რომ ირანელებში არ ჩამქრავდა ეროვნული სული, რომელსაც გასაქანი მიეცა 750 წლიდან, ირანული ორიენტაციის მქონე აბასელთა დინასტიის მოსვლის შემდეგ.

სახალიფოს პირველი საუკუნე, ანუ ომაიანთა ბატონობის ხანა, მძიმე იყო ირანელთათვის, რადგან ომაილები ზემოთი უყურებდნენ დაპყრობილ ხალხებს. აბასიდების დროს კი ისლამი გახდა საერთაშორისო რელიგია და ნაიშნულა ეთნიკური ზღვარი არაბებსა და არა არაბებს შორის, რაც კიდევ უფრო მძიმე ტვირთად დაანება გლეხობას, იმ მიზეზით, რომ „იყო ომაილების დროს მათ მარტო არაბები „ქამდნენ“, ახლა ირანელი და ადგილობრივი ფეოდალებიც მიემატნენ და გლეხი აუტანელ დემომარეობაში აღმოჩნდა“ (ვ. გაბაშვილი, ნარკვევები მახლობელი აღმოსავლეთის ისტორიიდან, ვ. გაბაშვილის რედაქციით, გვ. 106, თბილისი, 1957).

ყოველივე ამას მოჰყვა გლეხთა აჯანყებანი, რომელთა დასაყრდენ ძალას წარმოადგენდნენ სახალიფოს პოლიტიკურ ასპარეზზე დანიშნული ირანელი და შუა აზიელი ფეოდალები

აბასიდების ხალიფებზე თანდათან ნომინალურ მმართველად იქცნენ და იმპერია IX საუკუნიდან საამიროებად იხსნება დაიშალა.

დაიწყო ანტიარაბული სახალხო ინტელექტუალური მოძრაობა. ირანელთათვის მამოძრავებელი ძალა აღმოჩნდა შემდეგი: „ჩვენ ვეწმინდის ჩამომავლები ვართ, არაბს კი თვისი პაპის სახელიც არ ახსოვს“ (გაბაშვილი 1957: 107).

ასე დადგა დღის წესრიგში ირანის სახელმწიფოებრიობის აღდგენის სკიოთი. მალე ეროვნულმა დინასტიებმა ნამოპყვეს თავი, თაჰირიდების, საფარიდებისა და სამანიდების სახით და საბოლოოდ, როგორც ვეიქის დარმსტეტერი წერს: „სამანიდებთან ერთად ტახტზე სპარსული ენაც ავიდა“ (ვ. დარმსტეტერი, სპარსული

პოეზიის სათავეებთან, თარგმანი ფრანგულიდან ბაჩანა ბრეგვაძისა, გვ. 9, თბილისი, 1985).

ასი წელი გასტანეს სამანიდებმა. ამ დროს ახალ სპარსულ ენაზე შეიქმნა დიდი ლიტერატურა, რომელზედაც ფართოდ გაიშალა და დგას დღემდე დიდი სპარსული მწერლობა.

არსებობის საუკუნის თავზე, ბუიდეებთან მრავალწლიან ბრძოლაში დასუსტებული სამანიდები მათსავე კარზე მონობიდან სულთნობამდე აღზევებულმა სამხედრო პირმა, თურქმა მაჰმუდ ლაზნელმა დაამხო.

თურქები ანტიირანული განწყობისანი იყვნენ. მაჰმუდ ლაზნელმა სცადა სპარსულის ნაცვლად ისევ არაბული ენის დაბრუნება ირანში, მაგრამ სპარსულ ენაზე აწყობილი სახელმწიფო სტრუქტურების გადაყვანა სხვა ენაზე არც თუ ისე ადვილი აღმოჩნდა. ამავე დროს, ლაზნელელები სამანიდების კარზე იყვნენ აღზრდილები, მათ სმენას სპარსულზე არანაკლებ ატკბობდა ტკბილხმოვანი სპარსული ყასიდები, რამაც ერთგვარად ხელი შეუწყო სპარსულის დარჩენას თავის ფუნქციებში.

მაჰმუდ ლაზნელმა იჩნდეთი დალაშქრა, სადაც შეიღანა ისლამი და სპარსული ენა, რითაც სპარსულ ენას მეტი ასპარეზი მიეცა. თუმცა ნამდვილი ასპარეზი მას, როგორც ენახათ, თურქსელუჯუტა ბატონობის ხელში მიეცა.

### ორქიანი გვირგვინი

ნახევარ საუკუნემდე გაძლეს ლაზნელებმა, რომლებიც მერე თურქსელუჯუტმა შეცვალეს. სელჩუკთა დინასტიის დამაარსებელმა თოღრულ-ბეგმა 1055 წელს აიღო სახალიფოს დედაქალაქი ბაღდადი. მას თავზე ორქიანი გვირგვინი, ნიშნად აღმოსავლეთისა და დასავლეთის მფლობელისა, თვით ხალიფამ დაადგა.

თურქსელუჯუტმა დაპყრობილ ირანში, სპარსული ენა დატოვეს თავის ფუნქციებში.

ახალი დამპყრობლები ირანის დაპყრობით არ შემოფარგლულან. ისინი მოედნენ მთელ მახლობელ აღმოსავლეთს მოედნენ, შექმნეს იმპერია და სპარსულ ენას, ძალაუფლებურად, არანაბლად ასპარეზი მიეცა.

ამგვარად, მოხდა ისე, რომ პოლიტიკურად დაპყრობილ ირანმა კულტურულად დაიპყრო არა მარტო დამპყრობელი თურქსელუჯუტები, არამედ მთელ მის იმპერიაში შემავალი ხალხები.

ასე რომ, მახლობელ აღმოსავლეთში არაბებს პოლიტიკურად ჩაენაცვლნენ თურქსელუჯუტები, არაბულ სალიტერატურო ენას - სპარსული, ხოლო არაბულ-მუსლიმი კულტურას - ახალ თვისობრივ რანგში გადასული სპარსულ-მუსლიმური კულტურა - გაგრძელება არაბულ-მუსლიმური კულტურისა.

ბუნებრივია, თურქსელუჯუტთა იმპერიაში შემავალ ყველა ხალხს ჰქონდა თავისი კულტურა, ასევე ბუნებრივია, რომ მათგან გამოსულ ყველა შენაკადს შეჰქონდა რაღაც თავისი საერთო სპარსულ-მუსლიმური კულტურის ოქენეუმი. სწორედ ამიტომ „გარეგნულად ირანულ ფორმაში გამოხვეულ კულტურაში (შუა აზიიდან ეგვიპტემდე) გამჭვირვალედ მოჩანს თურქსელუჯუტთა მიერ დაპყრობილი ხალხების თავისთავადი, ადგილობრივ ნიდაგზე განვითარებული კულტურა, ხელოვნება, მწერლობა“ (ვ. გაბაშვილი, ნარკვევები მახლობელი აღმოსავლეთის ისტორიიდან, ვ. გაბაშვილის რედაქციით, გვ. 137, თბილისი, 1957).

აი, რატომ არის სპარსულ-მუსლიმური კულტურა, კერძოდ, მისი ერთ-ერთი დიდი შემადგენელი ნაწილი - ლიტერატურა - მსოფლიოში სახელგანთქმული.

აქვე უნდა აღინიშნოს, რომ ეს პროცესი გაგრძელდა ირანში მონღოლთა და თემურლთა ბატონობის ხანაშიც, რამაც განაპირობა ის, რომ დღეს მთელ მახლობელ აღმოსავლეთში მიმოფანტულა სპარსულენოვანი მხატვრული სიტყვის ისეთ დიდოსტატთა საფლავები, როგორც არის ნიშანი განვლელისა (XII) - აზერბაიჯანში, ჯვლად ედღინ რუმისა (XIII) - თურქეთში, ხოსრო დეჰლევისა - ინდოეთში (XIII-XIX), აბდ ორ-რაჰმან ჯამისა (XV) - ავღანეთში და სხვა.

ამ დროს ტერმინი „სპარსი“ ქართველთათვის გახდა სინონიმი ზოგადად მაჰმადიანისა და კულტურისანი ხალხისა.

აქვე შენიშნავთ, რომ მონღოლთა ხანიდან სპარსს, უარყოფითი შინაარსით, ჩაენაცვლა მათარი, რამაც შეზღუდა ის იმიჯი, რომელიც გააჩნდა მათ ქართველთა წარმოდგენაში თურქსელუჯუტთა ბატონობისას.

ეს მცირე ექსკურსი იმიტომ გავაკეთებ, რომ დაახლოებით ზოგადად წარმოგვეჩინა თუ რა სახის კულტურასა და ლიტერატურასთან ჰქონდა შეხება ქართულ მწერლობას XII საუკუნეში.

### საქართველოში ამ დროს

საქართველოშიც ამ დროს მოხდა ასევე მნიშვნელოვანი მოვლენა. დავით მეფისთვის, რომელსაც ხალხმა მერე უწოდა აღმაშენებელი, მათე საუკუნიდან - ბაგრატ მესამედან დაწყებული საქართველოს გამორჩენასთან პროცესი ბოლომდე მიიყვანა და შექმნა ისეთი დამოუკიდებელი ძლიერი სახელმწიფო, რომელიც თავდაცვითი ომებთან თავდასხმით ომებზე გადაიყვანა.

რა თქმა უნდა, თურქსელუჯუტები გულცივად არ დაუწყებდნენ ცქერას საქართველოს და 1080 წლიდან ქვეყნის სამხრეთ-აღმოსავლეთ ნაწილში იწყება მათი თარეშიც. „თურქები შემოსევა არსებითად განსხვავდებოდა ბიზანტიელებისა თუ არაბების ბატონობისგან. თურქები მომთაბარე-მეფეოვნი იყვნენ. ისინი გადმოსახლებით მოდიოდნენ და დაპყრობილ ქვეყნებში თავი

სი მუერწნობისათვის საჭირო მიწებს იჭერდნენ. დავით აღმაშენებლის ისტორიკოსი ნაზვასმით აღნიშნავს, თუ როგორ შეუთავსებელი, როგორ ერთმანეთის გამოზრცხველი იყო ორი მუერწნობა - თურქულ-მომთაბარული და ქართულ-ფეოდალური“ (ნ. ბერძენიშვილი, საქართველოს რუსეთთან შეერთების ისტორიული მნიშვნელობისათვის, მნათობი, 6, გვ. 123, თბილისი, 1954).

ოთხი ათეული წელი გასტანა საქართველოში თურქთა თარეში, რასაც ბოლო მოუღო დავითმა და რომელიც 1121 წელს დავითის მიერ თბილისის არაბთა ოთხსაუკუნოვანი ბატონობისგან განთავისუფლებით დაგვირგვინდა.

### იმ მრავალ ქმედებათაგან

იმ მრავალ გარდამტეხ ქმედებათაგან, რომელიც განხორციელდა დავითმა, ამ შემთხვევაში გამოეყოფდით ორს: ქვეყნის შიგნით ტოლერანტიზმის დამკვიდრებასა და ქვეყნის გარეთ - შირვანთან მჭიდრო ურთიერთობების დამყარებას.

ტოლერანტობაზე ნათლად მეტყველებს არაბ ისტორიკოსთა ცნობები. აი, ზოგი მათგანი:

„ალ-ფარაბი: დავით IV-ემ „მოაგო მუსლიმებს უდიდესი პატივი, მეცნიერებს, ღვთისმეტყველებსა და სუფიებს ისეთი ღირსება და პატივი ჰქონდათ, რაც არ ჰქონდათ [თვით] მუსლიმებთანაც კი“;

„ალ-ჯაუზი: დავით IV და მისი ვაჟი დემეტრე I საჯაროდ გამოხატავდნენ თავიანთ პატივისცემას ისლამისადმი. ისინი პარასკეობით დადიოდნენ მეჩეთში, ისმენდნენ ზუტებას და ყურანის კითხვას, ასაჩუქრებდნენ ბატონსა და მუაზნინებს“;

„ალ-ფარაბი: „მე ვნახე ალიმები, მქადაგებლები, დიდებულები, სუფიები, მლოცველები, რომელთაც მეფე (დემეტრე I) პატივით იღებდა და ასაჩუქრებდა. ის კეთილად ექცეოდა [მათ], რისი მზავსიც არ არსებობს. მე ვნახე [იქ] ისეთი პატივისცემა მუსლიმებისა, რაც ბაღდადშიც კი არ ექნებოდათ“;

სხვა ცნობით, დავითმა „ააშენა ქარვასლები სტუმართათვის და სახლები მქადაგებელთათვის, სუფიებისა და პოეტებისთვის დაანესა მათთვის სტუმართმოყვარეობა“ (ვ. ჯვარციხე, საქართველო და მახლობელი აღმოსავლეთის ისლამური სამყარო, გვ. 242, თბილისი, 1995).

შირვანთან მჭიდრო ურთიერთობაზე კი ის მოთითებს, რომ დავითმა იგი პოლიტიკურად ვასალურ ქვეყნად გაიხადა, ხოლო დინასტიური ქორინებით - დაინათესავა - თავისი ქალიშვილი თამარი შირვანშაჰ მანუჩარ მეორეზე დაქორინა.

პოლიტიკურთან ერთად, გაიღო კულტურული ხიდი ორ ცივილურ სამყაროს - ქრისტიანულსა და ისლამურს შორის.

### მნიშვნელოვანი ცვლილება

არაბთა ხალიფატის დაშლის პროცესი დღევანდელი აზერბაიჯანის ტერიტორიაზე მცხოვრებ ხალხებსაც მოეწე.

შირვანზეც ისე თარეშობდნენ თურქსელუჯუტები, როგორც საქართველზე, რომლებთან ნინაზმდეგ ბრძოლაში დავითმა მოჰპოვრებდა გაიხადა შირვანშაჰები. სწორედ შირვანის დაპყრობის შემდეგ აიღო თოღრულ-ბეგმა ბაღდადი და დაიდა იმპერიის გვირგვინი თავზე. თურქსელუჯუტთა მიერ ჩრდილოეთ ირანის, დღევანდელი აზერბაიჯანის, დაპყრობას, პოლიტიკურ-კულტურულთან ერთად, მოჰყვა ეთნიკური ცვლილებები. მოხდა ადგილობრივი ირანული ტომის მოსახლეობის გათურქება, რასაც მოჰყვა საშუალო სპარსული ენის თურქული ჩანაცვლება.

სახალიფოს დაშლამდე, ამ ტერიტორიის მოსახლეობის სახელმწიფო და კულტურის ენა იყო არაბული, რომელსაც თურქსელუჯუტთა ბატონობისას, მას ჩაენაცვლა სპარსული.

### ადგილმონაცვლითა

### ლიტერატურულ ცენტრთა

სამანიდებს ტახტი შუა აზიის ქალაქ ბუხარაში ედოთ. სპარსული ლიტერატურის ცენტრიც იქ იყო, რომელიც ხელოსუფლებში ლაზნელთა გამოჩენასთან ერთად, ლაზნაში გადავიდა, ხოლო თურქსელუჯუტთა მოსვლის შემდეგ, მოუხდევად იმისა, იმპერიის სატახტო ქალაქი ისპაჰანი იყო, მისი გადასაცვლება აღმოსავლეთიდან, ჩრდილოეთ ირანში, კერძოდ, შირვანში მოხდა. შეიქმნა სპარსული ლიტერატურის შირვანის სკოლა, სადაც განვითარების ახალ საფეხურზე ადის სპარსული ლექსი, რომელიც შემდეგ ტონის მიმცემი ხდება შემდეგ სპარსული პოეზიისადმი.

სპარსულ მწერლობაში ცნობილია სამი სტილი, სამი მშვენიერა სპარსული ლიტერატურისა: ხორასნული (XIIს.) - იგივე სამანიდური, ერასული (XII-XVსს.) - იგივე აზერბაიჯანული და ინდური (XVI-XVIIIსს.) - იგივე ის-ფაშანური. ანუ იმის თქმა გვინდა, რომ ერთ-ერთი თვისობრივად განსხვავებული სტილი, რომელიც მოიცავს სპარსული კლასიკური პერიოდის ლიტერატურის უდიდეს პერიოდს (XII-XVIIIსს.) შირვანის ლიტერატურული სკოლიდან იღებს სათავეს.

### ერთიანი სივრცე

ასევე მოხდა საქართველოშიც, პოლიტიკური ცენტრ-

რის ადგილმონაცვლითა დასავლეთიდან აღმოსავლეთში მოჰყვა ლიტერატურული ცენტრის მონაცვლითობაც, რის გამოც ორი კულტურის ცენტრი - შირვანისა და საქართველოსი, რომელიც მდებარეობდა თბილისში, გეოგრაფიულად დაუახლოვდა ერთმანეთს.

იმასაც თუ გავითვალსწინებთ, რომ შირვანი ამ დროს საქართველოს ვასალური ქვეყანა იყო, რომელიც 1124 წლიდან შემოიერთა დავითმა, იმისი თქმაც შეიძლება, რომ სპარსული ლიტერატურული ცენტრი ქართულ პოლიტიკურ და კულტურულ სივრცეშიც კი მოექცა, რამაც ხელი შეუწყო ქართულ-ქრისტიანულ და სპარსულ-მუსლიმურ კულტურათა ურთიერთ დაახლოებას.

### როგორც წყალი მივხვებული წისქვილის ღარზე

მიმდინარე პოლიტიკურ ცვლილებებს მოჰყვა ლიტერატურულ ცენტრთა ურთიერთობანი და როგორც წყალი მიმხვეული წისქვილის ღარზე, ისე დაიწყო შემოდინება სპარსულმა ლიტერატურამ ქართულ მწერლობაში.

სამწესაროდ, მათგან მხოლოდ „ვისრამიანის“ უზადლო თარგმანმა მოაღწია ჩვენამდე, დანარჩენთა არსებობის შესახებ ქართულ მწერლობაში (ფირდოუსის შაჰნამე, ნიზამისა და ონსორის პოემები, ქილილა და დამანა...) ქართულმა ისტორიულმა წყაროებმა შემოგვინახეს მხოლოდ ცნობები.

ასე მაგალითად: ქართლის ცხოვრებაში მემტანე ერთ ფრაზაში გიორგის „შაჰნამეს“ ოთხ გმირს ადარებს, ესენია: ქიხოსრო, სპანდიარი, თაჰამთა (როსტომი) და საიაომი: „შაჰნამე ძითურთ ძე ტკბულ, შემეფარე მამისა“ (ქართლის ცხოვრება, ანა დეკოფლისიუსული ნუსხა, ს. ყაუხჩიშვილის რედაქციით, გვ. 3, თბილისი, 1942), რაც იმას მოწმობს, თუ რაოდენ ნაცნობი და ახლობელი ყოფილან ჯერ კიდევ XII საუკუნში „შაჰნამეს“ გმირები ქართველთათვის.

თითო მაგალითი „ვეფხისტყაოსნიდან“ და „ვისრამიანიდან“:

„ისრითა მოკლის ნადირი, როსტომის მკლავს უგრძესისა“ (მ. რუსთაველი, ვეფხისტყაოსანი, სტრ. 196/3, თბილისი, 1966).

„ნეტარნი, თუმცა ცხენსა ზედა მჯდომი მამურალი ვნახო, რომელ პირი ჩემკენ ექმნას და ზურგი მარაგისკენ! ნეტარ ვერ ვნახავ ჩემთვის მოსრულსა ჭაბუკად როსტომის საბატონოსა“ (ფაზლ ედღინ გორგანელი, ვისრამიანი, აღ. გვახარაძისა და მ. თოდუას რედაქციით, გვ. 113, თბილისი, 1962).

საინტერესოა აღინიშნოს, რომ „ვისრამიანიში“, სპარსულიდან ნათარგმნი ძეგლიც კი, როცა დედანში არ არის ნახსენები „შაჰნამეს“ პერსონაჟი როსტომი, თარგმანში მოხსენებულია, რაც იმის მაუწყებელია, თუ როგორი მახლობელი იყო მამის ეს სახელი ქართველი კაცისთვის.

ასევე იმდენად მახლობელია ნიშანი განვლელისთვის ქართული სემიარა, რომ „ხოსრო-შირინიანიში“ პროტოტიპებად თამარისა და რუსუდანის სახეები იკვეთება (ვ. ფალავა, ნიშანი, გვ. 109, თბილისი, 2014).

ამ დროს ქართულ-სპარსულ ლიტერატურულ ურთიერთობებზე მთუთიბებს ის ცნობაც, რომ დემეტრე მეფის დაკრძალვაზე თბილისში ჩამოსულან ორი დიდი შირვანელი პოეტი ხაყანი და ფალაქი.

ეს ის ხაყანი შირვანელია, რომელიც ერთ-ერთ თავის ყასიდში წერს: ბაგრატიონთა კარი ჩემთვის ყოველთვის ღიაა.

ეს ის ხაყანი შირვანელია, რომელის შემოქმედება, ნიშანის პოეზიასთან ერთად მიბაძვის საგნად იქცა მთელი მახლობელი აღმოსავლეთის მხატვრული სიტყვის ოსტატთვის.

მას მერე რაც დავითმა ეკლესია დაუმორჩილა სახელმწიფოს და სამეფო კარი საერო კულტურულ-ლიტერატურული ცხოვრების ცენტრი გახდა, ასეთი ცნობები მოულოდნელი არც არის.

ამ დროის საკარო ლირიკაც, რომელიც, სამწესაროდ, მხოლოდ ფრაგმენტების სახით არის მოღწეული ჩვენამდე, თავისი პოეტური ორგანიზებულობით, ნათლად მეტყველებს იმაზე, თუ რა დახვეწილი და მაღალი დონის ნეობილსიტყვაობა გვექონია XII საუკუნეში.

მაშინ, როცა შირვანის ლიტერატურულმა სკოლამ დიდი გავლენა მოახდინა მთელი მახლობელი აღმოსავლეთის ლიტერატურაზე, რა თქმა უნდა, იგი გარკვეულ ტონის მისცემი იქნებოდა ქართული მხატვრული აზროვნებისთვისაც.

ჩვენი აზრით, შექმნილმა ვითარებამ დიდად შეუწყო ხელი ქართული საერო მწერლობის აღმოცენება-განვითარებას, რომელსაც, ამდროისათვის, მოყოლებული გრიგოლ ხანძთელიდან, საკმაოდ ჰქონდა მომზადებული ლიტერატურული ნიადაგი.

რაც შეეხება ნიადაგის მომზადებას, უფრო შორსაც წავალთ, როგორც ცნობილი ირანისტი ალექსანდრე გვახარია წერს: „დავით აღმაშენებლის ეპოქის საქართველოში სასცენო იყო შემზადებული ნიადაგი კლასიკური სპარსული კულტურის ასათვისებლად, რადგან კარგად იყო ცნობილი მისი ძველსპარსული დ ფალაქური (საშუალო სპარსული) საფუძვლები“ (ა. გვახარია, ნარკვევები ქართულ-სპარსული ლიტერატურული ურთიერთობების ისტორიიდან, II, გვ. 131, თბილისი, 2001).

(გაგრძელება შემდეგ ნომერში)

# ლოლო ჭეჭეჭიძის ახალი კრებული

## თამილა გოგოლაძე

რა ბედნიერება მოაქვს პოეზიას? რა შეუცნობე-შეცნობილი ჯადო ძალა იმალება გართიმული ლექსის უმშვენიერეს სტრიქონებში? იქნებ ეს ჩვენ სულში დაბუდებული, სიტყვადაუდებელი, უნაზესი ფიქრია, თესლიდან მწვანე ბალახად ამოწვერილი საოცრად მომხიბლავი პოეტი ქალის, მეცნიერის, ქალბატონ დოდო ჭუმბურიძის მორიგ ულამაზეს კრებულში („სინათლე ბალახის თესლიდან“) რომ ამოლივლივდა. ეპითეტი აქ უძღურია იმ განცდის აღსაწერად, რომელიც მოხდა, რასაც ეს კრებული ინვესტს მკითხველში.

დ. ჭუმბურიძის ლექსების ნაწილი თარგმნილი და გამოცემული სხვადასხვა უცხოურ ენაზე. ლადო ასათიანის პრემიის ღირსეული ლაურეატი.

პოეტი ქალები არსებითად განსხვავებულ ფენომენს ქმნიან. მათ განცდის სინთეზი, ფიქრის ოცნების-მიერ მარმამის საბურველში გახვევა, თუ ხშირად ძლიერი, ქალურად ძლიერი ნოტიო აჟურება ახასიათებთ. თანამედროვე პოეზიის თაროზე ჭუმბურიძის უმშვენიერესი, ინტელექტუალური და ამავდროულად უაღრესად ქალური, კრებულის გამორჩევა კიდევ ერთი სინათლეა ერის შემეცნებაში ჩაბუდებული გონისა...

რატომაა მშვენიერი ეს კრებული? იქნებ იმიტომ, რომ მას მარადიული, ნორჩი, ახლადმოაწვერილი ბალახის სურნელი ახლავს, თავისი განუმეორებლობა და სილადე.

ქალბატონი დოდო ისტორიკოსია, მეცნიერი, მსოფლიო ცივილიზაციის კერების მონახულების წყურვილით აღვსილი, ისტორიულ ანალებშიც თავისი ენერგიული, მართალი სიტყვით კვლევისა და მეცნიერულ შრომებად გამომდევნი. მეცნიერი, მაგრამ პოეტიც, უნაზესი ქართული პოეზიის ქურუმქალი.

„ეს გზა, დაფარული გვიმრით, დროში მიდის, არქაულში, ასე წავა, ასე ივლის, ხან დუმილში, ხან ხმაურში. გარინდულა ცა და მიწა ნისლით სავსე ტომარაში, გადადიან ერთმანეთში, – მომავალი მომავალში...“

რატომაა ასე მშვენიერი თითოეული სტრიქონი მისი ლექსებისა, იქნებ იმიტომ, რომ მას არ შეხებია ის აღმავალი ტალღა დეიდელიზაციის, დეესთეტიზაციისა, რაც ასე ჭარბობს არც თუ ხშირად თანამედროვე ქართულ პოეზიაში. ამის აცილება ძალზე ძნელი უნდა ყოფილიყო, მაგრამ ეს შეძლო პოეტმა ქალმა:

ზოგი რას იტყვის, ზოგი რას, ერთად არ არის, რაც გვსურს, ან ვინაც გვსურდა, მარადიული რა არის ნეტავ, რომ ვიპოვოთ და მივიკრათ სულთან“.

(„გამიტყდა სარკე“) სულთან პოეტ ქალს მთელი სამყარო აქვს მიკრულ-მითვისებული: უპირველესად, მამული მისი წარსულით, ანწყობი და ტყვილი-სიხარულით, ქართველი ადამიანი თავისი უცნაური გამორჩეულობითა და ქართველობით. სიყვარული და იმედგაცრუების სევდა თუ მარადქალური სურვილები, და, რაც ყველაზე მთავარია, სინათლე გამოსჭვივის ჯერ თვით ლექსის სათაურიდან, სინათლე

ლადი, გულწრფელი, სხვისი გამათბობელი ამქვეყნიურ არსებობაში: („ფარდაგი, რომლითაც მიწა დაფარა ღმერთმა“, „დიოსკურია“, „შევეჩვიე დარდებს, ჩუმად მოსულთ, უზღვევთ“, „ცხოვრება ჩემი არის ქალის გამოცდილება“, „ელვამ გაჰკრა და აცისკრდა ხომლი“, „მოხრილი ქედები შორეთს გაქცეულან“, „ველარ მოვერიე კლავიშების გროვას“ და სხვ.).

ბევრია ლექსი უსათაურო, მაგრამ მრავლის მთქმელი დასაწყისით, მშვენიერ სამყაროში პირველქმნილი დედამიწა ნათდება და მაცოცხლებელი მდინარეებით იკვალდება, ჩიტები ჭიჭიკებენ და ერთ ბუდეს შეხიზნული კაცობრიობა თრთის მომავლის წინაშე, პოეტის სულს კი

„მარწყვიანი მდელი სურნელებას მაფენს, სანვიმარი ნისლის გადაცურდა შორეთს, ვერ ვანელებ დარდის უსასრულო მორევს. ფეხაკრეფით მოსულ შეღამების მცველი – ვარსკვლავი ჩანს ერთი ტყე-ღრეების მიწიყი და თუმცა პოეტი ქალი თავისებურად ჩივის:

„ვერ მოვახერხე ჩამალვა ვერსად, ვერ მოვიპარე ჩიტის ხმა ტყეში, ვერ დავამარცხე შური ლიტონი გზა ვარსკვლავამდე ვერ დავიტოვე“. თუმცა არა აქვს ქალბატონ დოდოს ამის თქმის საბაბი: მისი ლექსი იმ ჩიტის კვნესის გამოძახილიცაა, იმ შურის დამმარცხებლისა და პოეზიის ზეალსვლისა, რამდენადაც სიყვარულითაა გამსჭვალული მისი პოეზია, ადამიანებისადმი ლადი, ბუნებრივი სიყვარულით, მასთან დრო თითქოს ჩერდება, იძინებს მცირე ხანს და მერე მორაკრაკებს თავისი ქარტეხილებით. მისი სული მიისწრაფვის თავისუფლებისაკენ, იქ, სადაც უცხო სამყარო და უცხო ნაპირი, მაგრამ თავისი შენაპირით, ამიტომ

„გაზაფხული ცისფერ წყლებს რომ აატირებს, გამოვათლევინებ მეტივეებს ტივებს და ერიპა, სულო, საითაც გასურდეს, გასწი“ („გაზაფხული“) მისი სული მარად ახალგაზრდაა და მშვენიერი, თუმცა უწყის, რომ „ჩვენც მალე, მალე წინაპრებად გადავიქცევით („წინაპრები“), რომლებსაც იგი თავყვანისცემით იხსენიებს, გრძობს მათთან კავშირს, რადგან ადამიანი წარსულის ნაწილია მარად, რადგან სინათლე, მის ლექსებს, რომ ახლავს, ესეც ბალახის ფესვიდან მოდის, დედის ლოცვიდან:

„იმ ლოცვას ვუსმენდი როცა, მინდვრის ყვავილების ლაშქარში, ტკბილფესვას სურნელის თანმდევის, სინათლე მწვებოდა კაშკაშა – ბალახის ფესვიდან თამამდე“.

(„სინათლე ბალახის ფესვიდან“) და სინათლედ იღვრება კვალად მისი პოეზია, უმშვენიერესი პოეზია. ლექსების კრებულს უძღვის ცნობილი ლიტერატურათმცოდნის, ამ ნიგნის რედაქტორის, ფილოლოგის მეცნიერებათა დოქტორ ავთანდილ ნიკოლეიშვილის წინათქმა: „თანამედროვე ქართული პოეზიის მნიშვნელოვანი შენაკადი“, რომელშიც სიღრმისეულად მიმოხილულია პოეტი ქალის შესანიშნავი შემოქმედება.

# მოკა ცხოვრება სანგრიძი ლილა

## მურმან თავდიშვილი


პატრიოტობა უძვირფასესი გრძობაა. პატრიოტის (ერია თუ ბერია) რელიგია მამულის სიყვარულია. ამ თვალსაზრისით, დიდი ილიას კვალზე შემდგარი მრავალი ქართველი მოღვაწეობდა 1921 წლის შემდგომ დედაქალაქსა და პროვინციებში. მათი სახელები მკაფიო ასოებითაა ჩანერილი საქართველოს ისტორიაში. ერთი ასეთი გახლდათ დეკანოზი იროდიონ ოქროპირიძე, რომლის მისიონერული საქმიანობა გამოწველითი განხილვის საგნად უქცევია პროფესორ ალექსანდრე მღებრიშვილს. მონოგრაფიულ გამოკვლევას ასე ეწოდება: „მღვდელი იროდიონ ოქროპირიძე და ქართველთა შორის წერა-კითხვის გამავრცელებელი საზოგადოების მოღვაწეობა ცხინვალში“ (გამომცემლობა „უნივერსალი“, თბილისი, 2017).

პროფესორი ალექსანდრე მღებრიშვილი მშვენიერი მოქართულე გახლავთ, რომელიც წლების მანძილზე იკვლევს ცხინვალის რეგიონის კულტურულ-შემოქმედებით ცხოვრებას, იმ პირთა საქმიანობას, რომლებიც ამ მხარეში ენერგიულად და თავდადებით მოღვაწეობდნენ. ახალ წიგნში ყურადღება კონცენტრირებულია ოთხი ძირითადი მიმართულებით: ა) ხუროთმოძღვრული ძეგლები და ანტირელიგიური კამპანია ცხინვალში; ბ) ცხინვალის რელიგიური ცხოვრება და ქართულ-ოსური ურთიერთობანი; გ) ქართველთა შორის წერა-კითხვის გამავრცელებელი საზოგადოების მოღვაწეობა ცხინვალში; დ) იროდიონ ოქროპირიძის მისიონერული ღვაწლი ცხინვალსა და საინგილოში.

ეგ საინტიერესო და აქტუალური საკითხები საკმაოდ დაწვრილებით არის გამოძიებული და გამოტანილია საყურადღებო დასკვნები, ხოლო ტექსტს ყურადღებით გასცნობიან რედაქტორი ს. სიგუა და რეცენზენტები თ. გოგოლაძე, ზ. ოქროპირიძე.

თავში საკითხის ისტორიის გარკვევის მიზნით დასახელებულია ცნობილი ავტორები პლ. იოსელიანი, ს. ბეზსონოვი, ს. ჯიქია, ი. მეგრელიძე, დ. ქორიძე, ო. ჯაფარიძე, ბ. კუფტინი, მ. ცოტინაშვილი, ს. მაკალათია, გ. სოსიაშვილი და სხვები, მოყვანილია მათი მოსაზრებები და მითითებები კულტურულ ძეგლთა და ღირებულ საგანმანათლებლო კერათა შესახებ; ნაჩვენებია ამ მხრივ არსებული რეალური სურათი; ჩამოთვლილია ძირითადი ძეგლები და მოცემულია მათი ლოკალიზაცია. მკვლევარს საჭიროებისამებრ მოუხმია მკვლევარების რ. თოფჩიშვილის, პ. ნაფუდინის, გ. თოგოშვილის, კავკასიის არქეოგრაფიული კომისიის ცნობილი აქტების მასალები; მკაფიოდ არის წამოსახული ამ თავში ქართულ-ოსთა საყოფაცხოვრებო და კულტურულ-ლიტერატურული ურთიერთობანი, აქაურ ოსთა რაოდენობა, ხასიათი, ცხოვრების წესი, რელიგიური მიდრეკილებანი და იდეური სულისკვეთება (15–30); მკვლევარი ფართოდ მსჯელობს აქაურ სკოლებზე, აჩვენებს ოსურ სკოლათა ხვედრით ნილს საგანმანათლებლო პროცესში (31–32); განსაკუთრებით აღსანიშნავია, რომ ღრმად და ფართოდ არის გამოკვლეული მეტრძოლ უღმერთთა კავშირების აღმოცენების, გაძლიერებისა და დამანგრეველი მოქმედების ამბები.

სწორედ იმ დროს ჩავიდა რეგიონში სამოღვაწეოდ იროდიონ ოქროპირიძე, როცა იქ აქტიურად მოქმედებდნენ უღმერთთა კავშირები. აქვე ნაჩვენებია ამ საეკლესიო მოღვაწის აუცილებელი ბიოგრაფიული შტრიხები. 1904 წლიდან ცხინვალის ღვთისმშობლის ეკლესიის წინამძღვარი საგულდაგულო ჩანანერებსაც აკეთებდა, რომელსაც საგან-



გებოდ იყენებს და იხილავს პროფესორი ალ. მღებრიშვილი; შთამბეჭდავად არის მოთხრობილი ამ დოკუმენტში ქართველთა ერთი ჯგუფის დატყვევებაზე ოსების მიერ და შემდეგ მათს გათავისუფლებაზე (53–68); დეკანოზი აქტიურად ყოფილა ჩართული საქართველოს ავტოკეფალიის აღდგენისათვის გაშლილ ბრძოლაში. ამ მხრივაც საინტერესოა მისი ჩანაწერები, რომელიც განთავსებულია წიგნში (71–86). ტექსტს თან ახლავს კომენტარები, აუცილებელი შენიშვნები, განმარტებანი. საგულისხმოა, რომ მკვლევარს მოუპოვებია და წიგნი უფრო საინტერესო გაუხდია ფოტომასალით, საოჯახო არქივებიდან ამოღებული სურათების ბეჭდვის ხარისხი ძალიან კარგია, ასევე დაწვრილებით არის მოთხრობილი ცხინვალში წერა-კითხვის საზოგადოების საქმიანობაზე, დასახელებულია გამგეობის წევრები, თარიღები, სარევიზო კომისია, ადამიანთა ყოველგვარი საქმიანობა აღნუსხულია, ნაჩვენებია ყოველწლიური შემადგენლობა და საქმეები; საკითხავადაც, ისტორიული წყაროებისა და დოკუმენტების მომარჯვებითაც, თანდართული სიებითა და დანართების რაოდენობითაც ერთობ საინტერესო გამოსულა IV თავი – ოქროპირიძის მისიონერობა საინგილოში (2891 წლიდან). ფართოდ არის მომარჯვებული მისიონერი მღვდლის ჩანაწერები. ბარემ აქვე შევნიშნოთ: იროდიონ ოქროპირიძე წერს გამართული, ლაღი ქართულით, აქვს სტილის გრძობა, რაც ბევრ თანამედროვე მწერალს შეშურდებოდა (129–175). აქვე ისიც ვთქვათ, რომ მას ჰქონია შესანიშნავი ხელრთვა, ასოები ისე გამოჰყავს, თითქოსდა მამულს ელაციცებოდეს. ხელნაწერი დასტურყოფს, რომ ბარათის ავტორი მტკიცე ნებისყოფის პატრონია.


საკმაოდ ხანმოკლე გამოდგა დეკანოზის ამქვეყნიური ცხოვრების გზა, მაგრამ ხანგრძლივია მისი დიდება.

წიგნს ერთვის ვრცელი რეზიუმე რუსულ ენაზე, ახლავს გამოყენებული ლიტერატურის ვრცელი სია.

გამომცემლობა „უნივერსალს“, როგორც ყოველთვის, ახლაც უმარჯვია და ეს ნაშრომიც მტკიცედ შეკრული და გემოვნებით გაფორმებული წარმოუდგენია მკითხველი საზოგადოებისათვის. წიგნის ბოლო გარეკანზე დაბეჭდილია ავტორის ბატონ ალექსანდრე მღებრიშვილის ფოტოსურათი. არ იქნებოდა ურიგო, აქვე ჩამოწერილი ყოფილიყო ის მთავარი ნაშრომები ავტორისა, რომლებიც მას დღემდე მოუქვეყნებია და მათი თარიღები. ამას იმიტომ მოგახსენებთ, რომ მწამს: რაკი მკითხველი ამ საინტერესო ნარკვევებს ნაიკითხავს, მას უსათუოდ გაუჩნდება ინტერესი მკვლევარის სხვა ნაშრომების მიმართაც.



### ზურაბ მამულაშვილი – 75



75 წლისა შესრულდა ცნობილი ქართველი პოეტი ზურაბ ილიას ძე მამულაშვილი. ამასთან დაკავშირებით საქართველოს მწერალთა კავშირმა იუბილარს მისალმება გაუგზავნა. მისალმებაში ნათქვამია:

ბატონო ზურაბ!

საქართველოს მწერალთა კავშირი, თქვენი მეგობარი ქართველი მწერლები გულითადად მოგესალმებიან ქართული მწერლობის თვალსაჩინო წარმომადგენელს და გილოცავენ დაბადების 75 წლისთავს.

1966 წელს გაზეთ „სამგორში“ გამოაქვეყნეთ პირველი ლექსი „შენ მომავალი გეძახის“, რომელიც დიდ შოთა რუსთაველს ეძღვნებოდა. მას შემდეგ თქვენი ლირიკული და საბავშვო პოეტური ლექსები პერიოდულად ქვეყნდება ჩვენს სალიტერატურო ჟურნალ-გაზეთებში, გამოდის ცალკე წიგნებად.

თქვენი პოეტური კრებულები „მეორე დაბადება“, „ქალი, ქალი და კიდევ ქალი“, „ხსოვნა გულისა“, „გმადლობ, უფალო“, „ამ წუთისოფლის გზაზედა“ სიმართლითა და უშუალოებით გამოირჩევა. ამ კრებულებში შესული ლექსებიდან სიცოცხლის დაუოკებელი წყურვილი და ხალისი გამოსჭვივს. მათი ავტორი ხომ თუნდაც იმითაა ბედნიერი, რომ იმ ქვეყნის შვილია, საქართველო რომ ჰქვია სახელად, იმ ქვეყნისა, ღვთისმშობლის მადლით რომაა ცხებული, ბედნიერია, რომ ცოტნე დადიანის, ქეთევან დედოფლის, ბერი თევდორეს შთამომავალია...

თქვენი არაერთი ლექსი ითარგმნა უცხო ენებზე.

თქვენს კალამს ეკუთვნის საბავშვო ლექსების წიგნი „აჭია და ბაჭია“.

წლების განმავლობაში მუშაობდით გამომცემლობა „საბჭოთა საქართველოს“ ლინოტიპისტად, გაზეთ „თბილისის“ კორესპონდენტად, გაზეთ „იმერეთის ნიავის“ პასუხისმგებელ მდივნად; ხელმძღვანელობდით მაქსიმ გორკის სახელობის კულტურის სახლის ლიტერატურულ წრეს...

წმინდა ილია მართლის საზოგადოებამ მოგანიჭათ ქართული ელიტის პოეტისა და წლის საუკეთესო პოეტის ნობელი, წმინდა ილია მართლის ორდენი, გაზეთ „ივერიის“ პრემია. დაჯილდოებული ხართ აგრეთვე გიორგი ლეონიძის სახელობის პრემიით.

ძვირფასო ზურაბ!

კიდევ ერთხელ გულითადად გილოცავთ საიუბილეო თარიღს, გისურვებთ დიდხანს სიცოცხლეს, ჯანმრთელობას და შემოქმედებით წინსვლას.

საქართველოს მწერალთა კავშირი

### ზურაბ მამულაშვილი

#### ამ წუთისოფლის გზაზედა

ამ წუთისოფლის გზაზედა  
დარდით და ბოლმით რა ივლის,  
სიხარული თუ გენვია  
ისიც ერთ წამში გაივლის.  
სანამ ფიქრი და ოცნება  
ტანს იმედებში აიყრის,  
მანამდე ჩვენი სიცოცხლე  
ნაკადულივით ჩაივლის.

#### ბერი გაბრიელის საფლავზე წასაწერი ეპიტაფია

რა ძალით, რა რწმენით,  
რა ცრემლით, აქ არის  
იბერთა დამცველი,  
რა ქალით, რა კაცით,  
რა ბავშვით,  
ქაქანით, ხან მთაში  
ხან ბარში.  
მზე სწვავდა, თოვდა  
თუ აწვიმდა,  
ხსოვნაში ის დარჩა  
არნივად.  
ილოცა, იღვანა  
იმგვარად, რომ ერმა  
შერაცხა წმინდანად.

#### ტყვია, რომელიც აცდა სამიზნეს

ლამაზ ქალივით ჩაიარა  
ნასროლმა ტყვიამ,  
ტყვია, რომელიც აცდა სამიზნეს,  
იქნებ ამიხსნათ, ამას რა ჰქვია?...  
გავჩუმდეთ? – იქნებ უფრო განვრისხდეთ.  
გვესროლეს, რადგან  
ალარ უნდოდათ  
თავისუფლების გვეგრძნო სიამე,  
ჩვენს გადარჩენას ალარ ელოდნენ  
რა დღეებიც ჩვენ გამოვიარეთ.  
ერთი რამე კი ვერ გაიხსენეს,  
ამ საქმეში ვართ გამოცდილები,  
რომ დღეს მსოფლიო ისტორიიდან  
სულმთლად არა ვართ ამოშლილები.  
მჯერა, სულ მალე დაიბნევიან,  
მტრები თავიანთ ჭკუამცირედით,  
ჩვენს მამულში კი დაიზრდებიან  
კვლავ ქართველებად ჩვენი შვილები.  
ლამაზ ქალივით ჩაიარა  
ნასროლმა ტყვიამ,  
ტყვია, რომელიც აცდა სამიზნეს,  
იქნება რაღაც გამართლება აქვს  
და ყველაფერი კარგად აგვიხდეს.

#### მხოლოდ ერთს ბთხოვდით

არც სახლი მინდა, არც კარი,  
არც ფული, ოქრო, ფარჩები,  
სულ უთვისტომოდ კი არა

მიუსაფარი დავრჩები.  
ამ ქვეყნად ვივლი ეულად  
სამართალგანუკითხავი,  
მხოლოდ ერთს გთხოვდით, რაიმე –  
ქართული ლექსი მითხარით.  
ბნელოდეს, წვიმდეს, გრიგალი  
ქროდეს ოთხივე კუთხიდან,  
ვერ შემაშინებს მთის ქარი,  
თავისი ურვა-მწუხრითა.  
პირიქით, გავიბადრები,  
გულს გავხსნი, როგორც ცისკარი,  
მხოლოდ ერთს გთხოვდით, რაიმე –  
ქართული ლექსი მითხარით.  
სატანა ფაფარაშლილი  
მართმევედეს სულს და გონებას,  
ირგვლივ არ იყოს საშველი,  
ვისმენდე წყევლა-გოდებას.  
ოთხივე კუთხით მიმზერდეს  
ბოროტი, ავი მტრის თვალი,  
გავუძლებ, მხოლოდ ქართული,  
ქართული ლექსი მითხარით.

#### ერს ისტორია თუ არ ექნება

ალარ ხერხდება დროის შეგრძნება,  
ვინ საით მიდის ველარ გავიგე,  
ვინც კი დაკარგა თურმე შეგნება,  
წავა და ხვალზეგ ლარად აიღებს.

ქალი-ქალთან და კაცი-კაცთანო,  
ამ ქვეყანაზე რას არ გაიგებ,  
ოღონდ ეგ არა და ჩემს სიცოცხლეს  
დაუფიქრებლად დღესვე გავიღებ.

სად გაგონილა უდემამოდ  
რომ გაზრდილიყოს ძე და ასული,  
ასეთი ერი დასაგმობია,  
გარყვნილია და წრეგადასული.

ჩვენი დროების უღმერთოები,  
კვლავ დახობავენ, როგორც კუები,  
მათ გამოჩენას ან გვერდით დგომას,  
მე უკვე ალარ შევეგუები.

არც ტყვია მაკრთობს და არც წარსული  
და არც ვკანკალებ ვინმეს მუქარით,  
თუ ცოტა ხანში ჩემი მამული,  
მართლა ვერ ვნახო თავისუფალი.

ამ სიბერეში ავიღებ მუხის,  
დიდ კეტს და წინა ხაზზე დავდგები,  
ყველა გარეწარს და ყველა უღირსს,  
ვფიცავ კაცობას ძალით გავდევნი.

რომ ჩემს კოლხურ სისხლს არ შეერიოს,  
უცხო ტომელის ერთი ბაცილაც,  
ასე რომ იყო, იმიტომ არის  
უფალმა დღემდე გადაგვარჩინა.

ოქროში სცვლიან ჩვენს დიად წარსულს,  
ალარ ხერხდება დროის შეგრძნება,  
რა თავში ვიხლით, დიდებას ან ფულს,  
ერს ისტორია თუ არ ექნება.

# თავისუფლება თუ „სულ სხვა“

## დომენტი სოზაშვილი

რამდენი გვითმენია უამსიტყვოდ იმ გამოგონილ დროში. სიტყვის თავისუფლება რომ არა გვქონდა, თურმე სულ ეს კი გვქონია სათქმელი - რევოლუცია, განთავისუფლება გვინდა, ამისთვის მეტი მოგვიწყვია - თქვით ახლა თავისუფლებმა - რა მაგარია სექსი! აი, როგორც ის გოგო გვიყვება ახლა პრესტიჟულ საქვეყნო „ალსარებაზე“, - უბრალო, პარადოქსულად მოპასუხე, მშვენიერი „მოქმეული“.

ვინ არის-მეთქი, რომ შევეკითხე ტელევიზორს მიჩერებულ ტელევიზორით მყოფებს, მითხრეს სახელით და გვართ; მხრების აჩეჩვა, მიმიკით რომ ვაჩვენე - რა ვიცი-მეთქი - ისო, რაღაც ახალი სიმღერა რომ შეასრულა ძალიან მოკლე კაბიანმაო... მაინც რა ვიცი, გავიგე, აღარ გინდათ-მეთქი, ევროპის პირველმერცხალთაგანი ჩანს, იქაურობა რომ უნდათ აქ, ჩვენთან. თავისი სამყარო იქედან გადმომღები, შემქნელი; სკოლის დროს ერთხელ, რა ნაღდი იყო პიკნიკის შემდეგ მთელი ღამის სექსი მსუბუქი ავტომობილის სახურავზე... დიახ, ავტომობილის სახურავს, ალბათ, რაღაც უცებ გამონახული საფენი რომ ახურავს, იმაზე... ასეთ თრობა-ტკბობაში!... რა სჯობს მშობლებს გარიღებულ სამყაროს!...

ამდენი ხნის პირშეგუბებულებს როგორი შვება გასჩენიათ, ამ სიტყვის ლეგიტიმაციით უხერხული კითხვების ისეთი სახერხული პასუხები ხერხდება პიკანტურობა ხომ ყველაზე მოსახელთებელია! მაინც, ბიჭების გამაგიჟედ ყოფნა ხომ ყველაზე მეტია. გვხიბლავს თავისი გახსნილობით - არ მახსოვსო, სექსის რამდენი პარტნიორი მეყოლებოდაო; უფრო იციო... თუ მეტი არაო(!) (ეჭვობს). გათხოვებითაც ამისთვის გავთხოვდი 15 წლის ასაკში (ვითომ სიყვარულითო) მღერის თუ მოცეკვავეა ეს „მგონის ცნობილი“ - შეუვალად ჰყვება ისევე ქალთან სექსზე. ორგაზმის იმიტაციაზე... რა აზრი აქვს ახალ პარტნიორთან ყოფნას, თუ ყველაფერი ამოიწურაო... ან ჩემთვის, ან იმისთვის (პარიტეტს იცავს). ტრადიციებით იზღუდება თურმე; უფალი უნდა, მაგრამ ეს „ფორმა“ არ აკმაყოფილებს; შეიძლება შეიცვალოს რელიგია უფრო სათავისო-იდუმალით; მაგ. ტიბეტურით, იქეთ თუ მოხვდებოდა... ათიდან რომელ ცნებას დაიცავდიო, უეჭველად და „არა კაც კვლაო“ - პასუხობს. „არა იმრუშო“ - ამისთვის ხმას არ იღებს. ვფიქრობ, სოდომისა და გომორის ცოდვისთვის გოგირდის ცეცხლით რომ მოაშთეს. ისეთი არ უნდა.

კაი გაძლება მოგვცა ახლა - ყველამ ერთად აიშვა. ყველამ გაინთავისუფლა თავი. თურმე რა დღეში ყოფილან! ვინ იცოდა. იბრძვის ყველა და ახლა, როცა ასე გვიჭირს ათასნაირად საქართველოში - „ყველა ქართლის მტერი იყო“. მიბაძვა უნდოდათ ესე, რუსი, სლავი ქალების გამოფენა არ იყო? მე შენ გეტყვი, საბჭოთა მენტალიტეტი უშლიდათ, თუ რუსეთის ქალიშვილობის ინსტიტუტი. ამ ევროპულობით წაიღეს ნამეტანი!... ეს LGBT-ეებიც ჩვენთანა ყოფილან ასეთი ტანჯული-დისკრიმინებული! - ვინ რას ეუბნებათ, იყონ როგორც გაუთხოვარი ქალებიო, - ამბობენ მათზე დაფიქრებული ქალები აქ. - რა ქვეყანას ჰყრიან - უფლება, უფლებათ!...

მრუშობა, „სიძვის დიაცი“ ყოფილა ჩვენთან და ეს ერქვათ ამათ. ევროპის პირველ მერცხალთ უნდათ ისეთ საზოგადოებად ვიქცეთ. ისეთ თავისუფლად, რომ როგორც ახლა სიტყვა „სექსია“ თავისუფალ ხმარებაში, ისე თვით სექსი იყოს მათსავით, „ცივილიზაციის“ ჩვეულებრიობა აღარ ითვლებოდეს „იმნაირობად“, ეს მოწონებით შეხვედრები, „ბოიფრენდი“ და მორჩა. თუ ეს, „თავის სამყაროიანები“,

ევროპულის გამარჯვებულობაშიც მაინც სხვანაირები იქნებოდნენ თავისი „ჩვეულებრივი“ განსაკუთრებულობისთვის; ეს ამათთვის ხომ პირველი ვნებაა - იყონ „სულ სხვა“ - საკითხავია კიდევ.

რა გინდა, ეს ახალი თაობის პრობლემაა, გაანებე, თვითონ იცინაო. ვითომ გავანებოთ უნდა!... ერის სიცოცხლის საკითხს როგორ გავანებოთ, სამარიდანაც რომ არ განებდება!

მართლა კი არიან განსათავისუფლებელი ჩვენი ქალები ჩვენთან? ყველას უნდა სინმინდე-სისპეტაკე, ოლონდ მართლა წმინდა რჩება წლების მიმდინარეობაში სხვადასხვა ცდუნებათა განმრიდე, აი, პატიოსნების მხოლოდ მოსურნე, ფსევდო სუფთა კი პატიოსნებას პირობითი, მორგებული ადათ-წესებით მოახერხებს. ასე კარგად ნაჭყუმპალები იხვივით ამოდის მშრალი ყველაფრის დაშვება-პატიება შეიძლება, თუ ასე გსურს! წინა საუკუნის ბოლო დროის ერთ რუსულ გაზეთში წაკითხული მახსენდება ახლა; თავიანთ პრობლემაზე ერთი რუსი ექიმი ქალბატონი გვიყვებოდა: - 14 წლის გოგონა მოვიდა გასინჯვაზე და ორსული აღმოჩნდაო. რომ დაინტერესდნენ ვინ იყო ბავშვის მამა, იმან განუცხადათ: - არ ვიცი, ვისგან ვიქნები - „Мы играли ромашку“ - კლასში ბიჭებსა და გოგონებს უთამაშიათ წრიულობა, „გვირილა“ - რაც ნიშნავს თურმე, რომ ყველა ყველასთან წვება(!) დამეთანხმებით, ძნელია, მართლაც აქ გაარკვიო მამა.

იქნებ ამისთანა პრობლემებს სჯობდეს ჩვენში თურმე არსებული „გენდერული უთანასწორობა“, როცა არ არსებობს შანსი შენი საპატარძლო „ромашка“ - გამოვლილობისა. აქვე ვიტყვი, რომ, როგორც გვეუბნებიან, რუსებს მამის სახელით მიმართვა მარტო ზრდილობიანობის გამო არ დაუნყვიათ, უფრო მონღოლების ბატონობის დროს. მათ ქალებს რომელი შვილი რომლისგან ჰყავდათ, იმის აღსანიშნავად იმ მამის სახელს უხსენებდნენ და ასე მერე მტკიცედ დაუმკვიდრდათ საპატრისაცემო მიმართვა.

თავისუფლებისთვის როცა ლაპარაკობენ საქართველოში - ქალებისათვის, ფაქტიურად „ღია კარების მტკრევა“ აქვთ. ჩადრიანი ქალების ქვეყნებით გარშემორტყმული, ხშირად იმათით იავარქმნილი ჩვენი სამშობლო მაინც იმათებზე თამამი და ლაღი ქალების ქვეყანა არ იყო?! ქართულ ცეკვებში რომ ჩანს, როგორ ელამაზებიან და ეკრძალებიან ვაჟკაცი ქალთა კდემით, სინაზით, სიკეკლუციტ მოსილ მშვენიერ ასულთ. ან ესენი/ თავისუფალი ქალიშვილი, როგორ ლაღობენ, ხარობენ მატყვევებლად თამამი თამამით, საოცრად მოხდენილი. ესენი ასე არიან შობილი, ასე ყოფილან, მხოლოდ ასე უნდათ...

ქართველებს ასე მოსდგამთ და ასე ყოფილან, რაც ქართველობა ახსოვთ - ოჯახში ქალიშვილი შედის, ბუნებრივი ბედნიერება. ასე იმიტომ დარჩა, რომ ჩვენში სინმინდე-სისპეტაკე განსაკუთრებული, ნამდვილი უნდათ. ქართველი ქალი სათუოს არ გაიხდის თავის ზნეობრიობას. მისთვის ოჯახის დედობა ბუნებრივად წმინდანობაა. აქედანაა თავი და თავი ყველა სიხარულის და ბედნიერების, რაც შეიძლება ჰქონდეს. დედა რომ არის სათაყვანო - დედამინა, დედაბოძი, დედა სამშობლო, რომ ამბობენ იმას, მხოლოდ ასეთი უნდა თავისი თავი თავის სამშობლო ქვეყანაში. მეუღლეს რომ დასდგომია მეუღლედ ქართული სიცოცხლის მკაცრ ისტორიაში.

ესე არ მოსწონდათ ჩვენი მათ, ვისაც თავი აროდეს შეუწუხებია ასეთობისთვის და აქეთ გვიკიჟინებდნენ, იცინოდნენ ამ „ჩამორჩენილობისთვის“.

„მძულს უგულო სიყვარული, ხვევნა-კოცნა, მტლაშა-მტლუში“ - რუსთაველმა იმიტომ თქვა, რომ მხოლოდ ხორციელი ვნება, მძუანობა ნუ

იქნებაო ეს, ადამიანს რომ გააჩნია მეტობა-ალმატებულება ყველაფერთან - პირველ რიგში ის მთავარი, სულიერი ადამიანური სიყვარულის ბედნიერება იყოსო საქართველოში. დღესაც ისევე უჯერებენ მათთვის ღვთისგან მოვლენილ რუსთველს - „ოდეს ტურფა გაიაფდეს“, „გული ერთსა დააჯეროს...“, კიდევ რამდენი - სულ ჩვენია!...

თავისთვის ყველაფრის უფლების მიცემა, უღელურ სიამეში გახვევა ერთხელ მოსულის ლამაზი, ღირსი ყოფნის წილი ბოლოსთვის უამური ეფემერაა. აქ გინდა, არ გინდა, ცხოვრება მაინც საკაცოდ, ძლიერისად მოწყობილა ამ ქვეყნად. ეს სიშიშვლე, წლანვნა-კლაკვნა ვითომ თავისთვის უხარიათ ქალებს?! საამისოდ ხომ ისევე კაცი აქეზებთ ამათ. მათთვის სულ უფრო მეტი უფლებების მომგონე-დამკანონებელი ამ კაბას მაინც როგორ აინევენ. ვინ არის დამშლელი თავისი ჭკუა ესა ჰგონიათ. მაგრამ ეს დამოკლება სადამდეს. წინ ხომ მთლა სიშიშვლეა!... გამოდის, ჩვენი წინსვლა-განვითარება ბუმერანგული ყოფილა, როგორებმაც დავინყეთ გამოქვაბულიდან, ისეთობამდე მივალთ-მივდივართ და აი, ამისთვისაც არ ამბობს უარს ის - გვარდება. გადაცემის მიმთავრებისთანავე გაშიშვლდეს! მონყალედ - უფასოდ!... გაგებულებისათვის!...

„სიმცირეს მივსტირით“ და ეს მსოფლიო პრობლემები ჩვენია. ნახეთ, როგორი ქუჩის გამოსვლები აქვთ ქართველ ფემინისტებს - ჩვენი ფიზიკური სხეული კაცებზე ნაკლებად გვეკუთვნისო!... (რალაც ამდაგვარი). (ახლა ხომ ყველაფერს ესაშველება საჯარო ძახილით!) (სწორედ ამის ნუთისოფელი გვაქვს ლუკმა-პურის მაძიებელ ქვეყანას!). ახლა ამ სულ უფრო და უფრო თამამ შოუებში კაცებთან ტოლ-სწორად როგორი გარჩევები აქვთ - მაინც-დამაინც აუცილებელი კი არ არის, შესმისას (ნიკაპის ახლოს ატკაცუნებით) რომ (ხელების ქვემოთ დაქნევით) მივცეთო.

რა ვქნათ, კაცების ბრალი, რომ ადვილად თვრებით? და ქალი დანებებისთვისაა ბუნებით?! რუსებმა რომ იცინან თქმა: „как бабка напѣтся...“

მთავრობა, ხელისუფლება არ არის ადრესატი ქალების ამ საპროტესტო შეძახილებისა - ამათი მოპასუხე ქართველობაა!... საქართველო რომ მოუყვანია აქამდე. ისევე ქართველობად. ვინცა ვყოფილვართ, ვინცა ვართ, ის თუ არ ვიქნებით - რა თვითმყოფობა! თავისუფლება, დამოუკიდებლობა იმიტომ მოვიპოვეთ, რომ ჩავიკარგოთ? თვითმყოფი, „ჩვენ“ თუ არა ვართ, ამხელა მსოფლიოს გინდა ვყოფილვართ და გინდა არა. „სიყვარულსა მალვა უნდა, ვითა ცხენსა ნაპარავსა“, „შორით ბნედა, შორის კვდომის“ მერე ქართველი ქალ-ვაჟი რომ სპეტაკ ოჯახს შექმნის, იმ ბედნიერებასთან რა მოვა... ოჯახი მთლიანობა, უღალატო, სულ თავისი... დიდი ცივილურობაა ვითომ, რომ არ უყურებენ, არად დაგიდევენ ქალი სხვებთან და სხვებთან განწყობებით როგორ თავისუფლებიანობდა?! თორე გაგებულება, თანაგრძნობა ამ საკითხში ჩვენ იქნებ უფრო ვიცით - აკაკი წერეთლის „გამზრდელში“ ნამდვილი ქართველი ვაჟკაცის ზნეობიანი ქმარი თავის ახალ შერთულ, „ედემს ალვად ასულ“ მთლად უცოდველ, უღვთოდ ნაძალადევ ნაზიბროლას კოცნით ამოუშრობს თვალბეში ცრემლებს.

ქართველი ქალი, ოდით ჭკვიანი, შეურაცხვენი მანდილიანი, მძლავრი-გაუტყუელი დღეს ოჯახის, შვილების, სამშობლოს სიცოცხლისათვის შინ თუ გარეთ უძნელეს (ჩვენთვის ხშირად უკადრებელ), დღევანდელობაში გასაყვან ჯაფას ეწევა, ის ამ ფრონტზეა დამდგარი და ამისთვის მოგვიხმობს ყველა მამულიშვილს. ჩვენთვის უპირველესია ერის დედის ხმა!...

### ია ეკელი

#### რა გითხრა, ქართველო?!

რა გითხრა, ქართველო, ბრძოლიდან მოვდივარ,  
 რა ვნახე? ტირილი, ცრემლი და ვაება.  
 გზის პირზე რომ გდია, ის ძველი ლოდი ვარ,  
 მანათებს, მამხნევებს ყოველთა ღვთაება.  
 რა გითხრა, ქართველო... ზუაში ვიყავი,  
 კლდეკარი ვიხილე კოლხეთში მზის შვილის...  
 სად არის თამარის საფლავი მითხარი  
 და მერე მელიროსო უეცრივ სიკვდილი.  
 რა გითხრა, ქართველო, ტაოში ვიარე,  
 ფრესკები ვიპოვე უკედლო ტაძარში...  
 წლებია ფიქრებით მთები მოვიარე,  
 მინდოდა მეცხოვრა ამ ლამაზ ზღაპარში.  
 რა გითხრა, ქართველო, „ურმული“ ხომ ისმის,  
 „ჩაკრულოს“, ხომ ისევ მღერის ბიჭები...  
 „სამშობლო ხევსურის“ ჯერ კიდევ ხომ ითქმის,  
 მაშინ ჩვენ არასდროს არ გადავჯიშდებით.  
 რა გითხრა, ქართველო, ეს გული ხომ გიცემს,  
 ზოსიმე ხომ ელის იესოს წლებია,  
 პატარა ვაჟკაცი გულმკერდზე მჯილს იცემს...  
 რაც არის, რაც არა...კვლავ დასაწყებია!  
 რა გითხრა, ქართველო...ქართველო,  
 რა გითხრა...

### ნანა დადიანი

*ედგენება ქალბატონ  
 ტატა ახალაია-დიოსკურელს*

თქვენ დედაცა ხართ  
 და მეგობარი ჩვენთვის,  
 შენ, კოლხო ქალო, წინ მიდიხარ  
 ჩვენს მომავალზე ოცნების ფრთებით.  
 როგორც მწერალი და მართლის მთქმელი  
 საქართველოში ბევრმა გალიარა.  
 აფხაზეთიდან გულდაწყვეტილი წამოხვედი,  
 თბილისში კი შენთვის ზეცა განკრიალდა.  
 თქვენ შეგიძლიათ გაგვიტოპოთ გული,  
 თქვენ შეგიძლიათ შეგვასახათ ფრთები  
 და ჩვენი ქვეყნის გადასარჩენად  
 ილოცოთ უფლისკენ აწვილილი ხელით.

### გელუკა ბუილიშვილი

#### ინაგეთ ღმერთი!

მოვა დრო, ქვეყნად იქნება ბნელი,  
 წყვდიადი შთანთქავს კოსმიურ სივრცეს,  
 მოხდება ყველა მოუხდენელი,--  
 რომ ეს სამყარო ერთხმად დაიქცეს.  
 დაიმსხვრევიან ცაში ვარსკვლავნი,  
 ჯანლი დაფარავს მზესა და მთვარეს,  
 დაირღვევიან მთანი მაღალნი,

ჩაინთქმებიან ზღვას და მდინარეს.  
 ატყდება გრგვინვა და ქარიშხალი,  
 შავ უფსკრულებში დაიწყებს ღმუილს,  
 და დედამინის გულის ფიცარი  
 შეეჭიდება ვაის და ვუის.  
 ორთქლადქცეული ბირთვული ლავა  
 ძარღვებს დააგლეჯს დალენილ ქაოსს,  
 იქ მეცხრე ცაზე ეშმაკი ავა,  
 ნგრევის პროცესი რომ გაათავოს...  
 და იქ, შორიდან ... ბე კოსმოსიდან  
 სინათლის სხივი წამოვა ერთი,  
 უსაზღვრო სივრცეს დაენერება:  
 ი-ნ-ა-მ-ე-თ ღ-მ-ე-რ-თ-ი!

### მიშიკო ხალიჩაშვილი

#### ინვა შემოდგომა

სარკე ანგელოზთა სუნთქვით დაიორთქლა,  
 ქარის ბაგეებიც მწარე გემოსია.  
 წვიმამ ფანჯარაზე ცრემლი შეატოვა,  
 ასე გამოხატა თავის ემოცია.  
 ბნელმა შეისრუტა მთელი დედამინა  
 ნათელს გარინდების მოხსნეს თაბაშირი.  
 ღამემ ცის თონეში მთვარე გამოაცხო,  
 მერე ჩაიტხა ხელში ლავაშივით.  
 ინვა შემოდგომა სევდის მაღაროში,  
 წინ კი იანვრების ჩანდა ყინულებით.  
 სადღაც, პარალელურ, ცისფერ სამყაროში,  
 ქარმა შეარხია ღმერთის სილუეტი.  
 ინვა შემოდგომა გველის ტყავიანი,  
 ჭრელი, თვალები კი - სევდით სავსეები...  
 ფოთლის ფირფიტები მინას მიაყარა,  
 როგორც ანგელოზთა ფრთების ნამსხვრევები.

#### გომოს, რომელიც მიყვარდა

ეს სტრიქონები ბევრჯერ დავხიე,  
 ის რასაც ვგრძნობდი, ვერ გეტყვი ენით,  
 მერე წარსული გადავახვიე  
 და ყველა ფიქრი დავიწყე შენით.  
 ჯობს, ოცნებაშიც რომ იყო ფრთხილი,  
 რადგან ოცნებაც ძვირად დავგიჯდა;  
 ჩვენ შეგვიყვარდა წინასწარ შვილი,  
 შვილი, რომელიც აღარ გავგინდა.  
 დღეს მოგონებას სიზმრებად დახრის,  
 შურისძიებით მიმზერს სიცოცხლე.  
 ჩვენ შევიჩვიეთ წინასწარ სახლიც,  
 სახლი, რომელშიც ვეღარ ვიცხოვრეთ.  
 ცრის შემოდგომის ყვითელ ძაძაში,  
 ბედი თუ დევნის, თავს ვინ დაიცავს,  
 ვეღარ გიხილავ მორთულ ტაძარში და  
 თეთრ კაბასაც ვეღარ ჩაიცვამ...  
 გულს ვისვირინებ ჩვენი წარსულით  
 ამ ფანტაზიის ყველა ნაყოფით.  
 სივრცეც ცივია და დათარსული,  
 მახრჩობს ოთახში ბნელი სამყოფი.

სევდის მაგივრად, ზეცას ვეშვილეთ,  
 არ დაგვარჩენდა ფსკერზე მარტოებს,  
 დღეს მეშინია წამის, როდესაც  
 ამ მოგონების ძალაც დამტოვებს.  
 ვერ გამოვდექი ბედთან არესი,  
 ყველა იმპულსი მინდა დაინვას,  
 ალბათ, მომინევს სხვისი ალერსი,  
 იმ თეთრ კაბასაც ის სხვა ჩაიცვამს.  
 მალე ვერ მივხვდი ფინალურ დრამას,  
 ვიცი, შენს ვარსკვლავს ვეღარ მივწვდები  
 ვგრძნობ, შენი შვილიც სხვას ეტყვის მამას,  
 შენც მის მკლავებში დაგავინყდები.  
 მე ვერ ავიტან ამ აპათიებს,  
 მძულს თვალთმაქცობის ჭრელი ხალათი.  
 ჩემი ბრალია და მაპატიე,  
 გთხოვ მაპატიე ბედთან ღალატი.

### შენ ჯოჯოხეთის ბინადარი უნდა გიყვარდეს

ქრისტეს მივდევი ეშმაკათვის ციდან ნამეხარს,  
 რწმენის ჯავშანი მეცვა, როგორც ზღუდე კლდისანი  
 და ვახტანგით მერე, როცა მკლავქვემ გამეხა,  
 სწორედ იქ დამკრეს მონამლული ეჭვის ისარი.  
 გაგიჟდა გული, მკერდს ტორი ჰკრა ცეცხლის  
 მფრქვეველი,  
 რწმენამ წონაში დაიკლო და ძალამ იმჩატა.  
 ქრისტეს მეომრად ვეღარ დავრჩი და გოლგოთაზე  
 ჯვრის სიმძიმისგან დაქლევილი მხრები მიჩანდა...  
 შენ კი... ბუმბულად იქეცი და ცისკენ მიფრინავ.  
 მზე შენს ფანჯრებზე იმედივით ტოვებს ჭიკარტებს.  
 მე სამოთხეში, არ მგონია, ბინა დავიღო  
 შენ ჯოჯოხეთის ბინადარი უნდა გიყვარდეს!  
 ზეცისკენ ნახვალ ანგელოზად გადაქცეული,  
 შეეხიზნები უფალს მკერდში გულის პარკუჭად.  
 მე პუშკინით დავეცემი ბედთან დუელში და შენი  
 რწმენით დაცლილ თვალებს ნელა დავხუჭავ...

#### ქალბატონი წვია

გამეღვიძა... ფანჯარაზე ხმაა ტოტის,  
 რა ხანია, დღეებს ვითვლი ღრუბლიანებს  
 დილის გზაზე ქალბატონი წვია მოდის,  
 ლამაზ ტანზე ქარის კაბა უფრიალებს.  
 სველ ხელებში იის კონა უჭერია,  
 ფიქრი – სევდის ფუტუროდან დამასია,  
 გაშლილ მხრებზე ნამოუსხამს გაზაფხული  
 და იმ ბერძენ თეტიდაზეც ლამაზია.  
 მაღალ ყელზე ვარსკვლავები მოუხსნია,  
 მანონ ლესკოს ვნება უგავს ოკეანეს ...  
 მოვა მერე მომინება თბილ ლოგინზე  
 და ჩემს სახლში სევდას მოიმობიარებს..  
 უკვე მღვიძავს... ფანჯარაზე ხმაა ტოტის,  
 რა ხანია, დღეებს ვითვლი ღრუბლიანებს  
 დილის გზაზე ქალბატონი წვია მოდის,  
 ლამაზ ტანზე ქარის კაბა უფრიალებს...

### გიული მურადაშვილი

ლამპიონების შუქზე ქოლგების  
 ჩრდილი ნანვიმარ ქვაფენილს ნაირ-  
 ფერად აელვარებდა; ულამაზესი,  
 მრავალფეროვანი შენობების ხიბლი  
 გამვლელს შემოდგომის ნოტიო სუსხს  
 ავიწყებდა.  
 მიუყვებოდნენ ფოთლების ნაშალით  
 აჭრელბულ ქუჩას, ქალ-ვაჟმა ერთმა-  
 ნეთს შთაბეჭდილება გაუზიარა:  
 – ნაწრობი ნიჭი ხელოვნებისა;  
 – ფერწერამ წარმოადგინა რუსთა-  
 ველის პოეზია. სიმრუდენი წუთისოფ-  
 ლისა, საგმირო საქმენი, მშვენიერების  
 გაელვება; ტრფობის ჰარმონია;  
 საუბარი დროდადრო ქუჩის ხმაურში  
 უჩინარდება;  
 ტრიალებს შემოდგომის ოხშივარი,  
 სურნელი, წვიმა მიდამოს აკამკამებს;  
 ამასობაში თავისი გააქვს იმასაც, რაც

ფერწერამ შეძლო, თუმცა ვერ ამონუ-  
 რა;  
 მძლავრობს ბინდი; გზად იშვიათია  
 გამვლელი; მიაცილებს წყვილადს აღ-  
 მართ-ალმართ შთაბეჭდილება:  
 – იდუმალია და ხან გამჭვირვალე  
 წყობა სახეთამოქნილი მოძრაობის  
 შთაბეჭდაობა; სვლა დრო და სივრ-  
 ცის ნიაღში, წარსულის და აწმყოს მა-  
 რადიული შეხვედრა-განშორება; მასში  
 მოარსე ზედროული.  
 ფერწერის ავტორია რუსუდან ფეტ-  
 ვიაშვილი.  
 ბრწყინავს სამხატვრო გალერიის  
 დარბაზი.  
 გარეთ, წვიმაში თავისებური ხიბლი  
 აქვს შემოდგომის პალიტრას – მზის  
 სხივებს თავი მოუყრიათ წითელ-ყვი-  
 თელ გიორგინებში.

### თბილისის ზღვაზე

დღე უცებ შეიცვალა, ხშირმა ღრუბელმა  
 შეცვალა მზის მწველი კიაფი. მინას შერჩენი-  
 ლი ოხშივარი ალღობდა. დიდრონ წვეთებად  
 წამოსული მეჩხერი წვიმა ზღვისქვა-ლორ-  
 ლიან ნაპირს ასკვებოდა მნიფე ხილვით.  
 ალანძული ღრუბელი იყო იმის მაუნყებე-  
 ლი, რომ მცირეოდენი ხნით გამოიდარებდა;  
 გამალეული მოძრაობა; გარბენ-გა-  
 მორბენა, აქა-იქ ქოლგები; ხმაურობს კაფე,  
 ბარი, რიტმი, მუსიკა; ტრიალებს სითბო, ოხ-  
 შივარი.  
 – ცხელი ყავა, ჩაი – მოკლედ ჭრის მიმტანი.  
 – წყალში ვდგავარ, ცეცხლი მიკიდა –  
 წაიმღერებს ვილაცა და ირინდება სითბოს  
 მინდობილი;  
 გადილო, გაიბნა წვიმა, გასხლიტა თვალ-  
 მარგალიტივით; მწუხრის უამია.  
 გზად ფერდობებია, ნაძვი, ფიჭვნარი, ტრი-  
 ალი ველი; ერთგან დაბურულ ნისლსა და

ღრუბელში ცა, ზღვა და დედამინა არ ჩანს  
 გარკვევით; მეორე მხარეს ცისარტყელა  
 ატანს ნაირფერ ნისლს; შორიხლო ფერ-  
 დობზე მოჩანს მრავალსართულიანი, ვრცე-  
 ლი დასახლება, მაგისტრალი, გზები;  
 მიდის მწყემსი ფერდობს შეფენილ ველზე  
 ლილინით:  
 „იელავდა, ზღვა ბიბინებდა;  
 ზღვის ნაპირზე კარავი იდგა,  
 შიგ ქალს ეძინა, ფარჩა ევინა“.  
 ფარა შარი-შურობს, ტალღად იშლება;  
 მისდევს ნაგაზი გარდი-გარდმო; უსწრებს,  
 ხან ჩამორჩა; და ხარის ცისარტყელას – გა-  
 უჩინა რებულს და ხან დედამინაზე ჩენილს  
 დატრიალებს, აქეწრდება სხარტად ელევა –  
 მისდევს ფარას.  
 მძლავრობს ბინდი; კიაფობს სინათლე  
 გაღმა-გამოდმა, აქეთ-იქით, დაბლობსა და  
 ფერდობს შეფენილ სახლებში.

ამირან ხეცაძე



\*\*\*

ლამე არის გასაოცრად წყნარი, დალილ მთვარეს უჩანს თავის ქალა, სიო უკრავს ბეთჰოვენის ქნართი, ვარსკვლავები თვალს უკრავენ ქალაქს, ნაპირს ჰკოცნის მოდუღუნე მტკვარი და უსველებს მზეზე გამშრალ კაბას.

ვერცხლის შუქი ეკონება გულში, აქ, მთანმინდას – მყუდროების მეფეს, მარმარილოს სხივი კალთას უშლის, სადაფივით თეთრი კბილნი ჰყეფენ, ჩამყვირიან კრულები ყურში – „ჰე პოეტო, მიდი იოცნებე...“

მთანმინდიდან ჩამოვდივარ დაბლა, თან მომყვება ლამპიონთა გუნდი, ტალღა მთვარეს უნანავებს აკვანს, დასციმციმებს ლალი იაგუნდი, გადმომყურებს მთვარის თავის ქალა და მახურავს ვარსკვლავების ქუდი.

რატომ გავჩნდით ქვეყანაზე, ანდა ვცოცხლობთ რისთვის, ან ძარღვები რად გვაქვს სავესე, წმინდა ქართულ სისხლით, რას გვეძახის მზე და მთვარე, ქარი რად ჰქრის რისხვით.

ჩვენს მიწაზე უცხო ტომის, ფეხის ხმა რად ისმის, რატომ შფოთავს დღეს დიდგორი, რად სწუხს ან კრწანისი, რას გვაუნწყებს წინაპრების, ძვლების ლაღადისი.

რომ შეგვეძლოს ხელის განვდა, ჩვენი ქართველ ძმისთვის, რომ ვიშრომოთ დაუღლელად, უკეთესი დღისთვის და ვიბრძოლოთ სანამ ვცოცხლობთ, საქართველოს ხსნისთვის.

\*\*\*

ქვეყანა ფასობს ენით და ხალხი კულტურით, გმირობით, ჩანჩქერი კლდიდან ხტომების, დაუნერელი პირობით, ნიავი ცელქი ქროლების, ესოდენ უნაპირობით.

ბულბული ტკბილი გალობით, გლეხი ხარით და უღელი, ქვევრები სავესე ბადავით, ბელელი ჭირნახულებით, ხმალი ვაჟკაცის მარჯვენით, კუნთმაგარით და უღლელით.

კაცი ქუდით და უღვაშით, ქალი თმითა და მანდილით,

პოეტი თავისუფლების, დაუოკებელ წადილით... ვის ქვეყნის ბედი აწვალებს, კაციც ის არის ნამდვილი.

\*\*\*

საქართველოვ ტანჯულო, მითხარ გენაცვალე, დაფლეთილი სხეულით, გაძარცვული ყანებით... ეს მათხოვრადქცეული, საით მიეჩქარები?!

სხვათა დანაპირებით, ნუგბარით და ქადებით, არა, არ მოიხიბლო, შენ კი გენაცვალე, არ გასწირო ადათი, ოდით სათაყვანები.

არცა არვის ცდუნებით, არცა ძალდატანებით, შენი მინა არ დათმო, ამას გემუდარები, თორემ ფერფლად გაქცევენ, „დემოკრატი მამები“.

\*\*\*

სულზე უტკბესო მამულო, მთებიან – ქედებიანო, მკერდგადაშლილო ველებო, ბიბინა ბალახიანო, ზეგანებო და ბორცვებო, ნარ – ეკალ – ვარდებიანო. ეზოებო და ბოსტნებო, ხეებო ხეხილიანო, ბალო, ყანებო, ვენახო – დაქარვულ მტევნებიანო, ხვავით ავისილო ბელლებო, ქვევრებო მაჭრებიანო. ლელებო და ჭალებო, კლდეებო ჩანჩქერიანო... ღვთისკურთხეულო მინაო, ნათელო, სხეულმზიანო, შენ გენაცვალე ნალკოტო, რომ საქართველო გქვიანო.

\*\*\*

მინას ლოკავს ხვლიკისფერი ხვატი, ფოთლის ჩრდილებს იმედებად ვისევთ, წყაროს წყალის მონკრიალე ხმაში, შეიცნობა იმედების სივრცე, ჯვარისა და სვეტიცხოვლის ხატი, გვფარავდა და დაგვიფარავს ისევ.

ქარი ფოთლებს ათამაშებს ვალსებს, შინდი მღერის სალამურის ყელით, საქართველოს სიყვარული გვავესებს, საქართველოს სიყვარულით ვტკბებით, გელათის და მონამეთას კარზე, გვესმის ნორჩი მლოცველების ხმები.

მწვანე ფერდობს შესევია ცხვარი, იქ მეცხვარე ჯოხით უდგას ფარას, ქვეყანაზე სანამ ვართ ცოცხალი ქართველ დაძმებს არ მოვექცეთ ავად, სიონის და ქაშუეთის ჯვარი, გვფარავდა და დაგვიფარავს მარად.

\*\*\*

ალარაფერი აღარ მახარებს... ელვა ურჩხულებს ღრუბლებში ძერწავს, ალგებმა თავი დაბლა დახარეს, ქარი ჯეჯილებს ქოჩორს უწენავს, გზად ყაყაჩოებს აახარხარებს, მამული ყელში უზის გარენარს და არაფერი აღარ მახარებს.

ცაზე არ ცხრება ნისლები ავი, მთვარეც არ ფიქრობს ახლა სამხარზე,

მწარე ფიქრები როგორც მეძავი, გულისკენ ლტოლვას აღარ ახანებს, მამულს მიფლითავს ყორანი შავი და არაფერი აღარ მახარებს.

სანამდე ზეცა მოინმინდება, ვარსკვლავი თვალს აახამხამებს, ვიდრე იმედი აბიბინდება ალბათ დარდები გულგვამს გახრავენ, მე საქართველო მთელი მჭირდება, და არაფერი აღარ მახარებს.

\*\*\*

დილას ხელებში ჩააკვდა მთვარე, მზემ მიმოფანტა ბაჯალლო სხივი, ნალკოტი არის ეს არემარე, გადაქარგული ზურმუხტის მძივით, ქორფა მინდვრები ახელენ თვალს, ალტაცებული მერცხალი ჭყივის.

ნახირს ღიღინით მიდენის მწყემსი, გარდაცვლილ მთვარეს უყეფს მურია, ცხოვრება არის პატარა ლექსი, ტანჯვა, ბრძოლა და სიხარულია, ზოგს წუთისოფლის ესმის ანბანი, ზოგიც ცოცხლადვე ხდება მუმი.

არა, არ მინდა მე სხვა ედემი, არა, არ მინდა მე სხვა ალაგი, მე ქართველი ვარ ჩემი ქმედებით, ჩემი აზრით და სიტყვის მარაგით, ამ მინას თავზე შემოვევლები, აქ არის ჩემი ძვალთშესალაგი.

\*\*\*

ლამაზია ეს მთა–ბარი, დალოცვილი, მადლიანი, აქ ისევ ჩანს ნაკვალევი, თევდორეს და დადიანის, ცოტა დადის მომღიმარი, უფრო მეტი დარდიანი.

სიტბო დედულ–მამულეთის, ყველაფერზე მეტი არის, დავალ ქვეყნის სიყვარულით, დამთვრალი და რეტიანი, არ მომაკლოს ზეციერმა, ამ მიწაზე ხეტიალი.

ველოდები საქართველოს, უფრო ლამაზ გაზაფხულებს, ვეხუტები მთებს, გორაკებს, მინდვრებს, ველებს გადახნულებს, დე, მამულო როცა მოვკვდე, შენი კალთა დამახურე.

\*\*\*

ისევ ძალიან მანუხებს ფიქრი, ისევ ძალიან მანუხებს დარდი, რაც სიმართლეა პირდაპირ ითქმის, ყველას დაგვეყვება სატანის ლანდი, კაცს ვერ იპოვნი ქუჩაში თითქმის უფლის კარნახით რომელიც დადის.

ჩვენ ქართველ დაძმებს: მაიას, ლელას, ლაშას, ირაკლის და ბევრ მეგობარს, ამპარტავნობა გვანუხებს ყველას, ვამბობ, თანაც ღმერთს შევთხოვ შენდობას, თითქოს ეშმაკმა დაგვმართა ბნედა, ქართველი ქართველს აღარ ენდობა.

ბავშვო, მოზარდო, ზრდილო, ხნიერო, ჩვენ წინაპრები გვყავდნენ ზღაპრული, ჩვენც მათებრ ცეცხლად უნდა ვივლოთ, რომ ჩვენც გმირობით ვიყოთ განთქმული... გემუდარები ყოვლადღიერო, გაგვისპეტაკე სისხლი ქართული.

შოთა ლეჟავა



არა, არ ვიცი სად მივდივარ და სად დავლევ სულს, ველარ ვხედავ მომავალში ზღვის, ცის გაზაფხულს. როგორ ვხედავ ზღვის ტალღისგან გამორიყულ გულს, ჩემო შოთა, სხვის მიწაზე შენ ნუ დალევ სულს. ვერსად ნახავ მსოფლიოში იმ შენს გაზაფხულს, ველარ ვხედავ კავკასიონს ლომ-ვეფხვებს და არწივიანს და ჩემი ზღვის თოლიები წიოდნენ და არ წივიან.

ჩემს მიწაზე ხომ ვცხოვრობდი, ახლაც მინდა ცხოვრებაო. თავისუფლებას ვუმღერდი, აღარ მომეცით ნებაო. ცის სამყაროს მოვაშურე, ქუსლი ვკარი ჯოხის ცხენსა, ურმის სიჩქარით მივდივარ, დაუბნელებ თვალებს მზესა. ურემზე დაბადებული იებს დედამიწის ხვრელსა დედაჩემის ხმა მომესმის, რომ მიმღერის ნანას დღესა. ღამით მიმღერს მთვარე-ვარსკვლავნი და დღისით კი ვხედავ მზესა.

თასით ხელში მთაწმინდაზე

თასით ხელში მთაწმინდაზე მე მუზებით ვიყავ მთვრალი, პოეზიის სიყვარულით მედებოდა ცეცხლის ალი. მთაწმინდიდან ხოხობ-თბილისს გადავწერე მე პირველად, თუ არ გჯერათ მოწმე არი ნარიყალა, მეტეხ-მტკვარი.

ეგ ცხოვრება სიზმარია, სამყარო კი ზღაპარი, მისტიური აუხსნელი იდუმალი რამ არი. დაიბნევი სით გასწიო იმ მასარით თუ ამ მხარით, მზეს შეხედე მალლა ცაზე წამოსულა სამხარი. შეიცვალე, შოთა, მხარი უკვე ნავი მზად არი.

გაუმარჯოს ჩემს იმერეთს!

იმერეთში ტაშს უკრავენ, მგონი სტუმრებს ელიან, არა, ბოშო, ხაჭაპურებს აცხობენ და მღერაინ. ცხელ კეცებზე ტაშის დაკვრით მჭადს აჯენენ შქერიანს, გაუმარჯოს ჩემს იმერეთს, ბუხრის კვამლს და კერიას.

წერე, შოთა, სიყვარულზე რა მესიყვარულება, ხდება ჩემი საქართველოს გამოსიყვარულება.

გალაკტიონი + ღვინო, გალაკტიონი + თუთუნი, გალაკტიონი + პოეზია, გალაკტიონი + სიყვარული, გალაკტიონი + სიზმარი, გალაკტიონი + სიცოცხლე, გალაკტიონი + სიკვდილი, გალაკტიონი + მზე.

რუსთაველზე გავლა მიყვარს და ყურება გოგონების, 16 წლის, 17 წლის... გოგმანებენ გოგონები. ცისფერთვალებიანების, თაფლისთვალებიანების, მაყვალთვალებიანების, ზღვისფერთვალებიანების, გიშრისთვალებიანების, მზისფერთვალებიანების, ცეცხლისთვალებიანების, სიზმარ – თვალებიანების, ირმის – თვალებიანების, ვარსკვლავთვალებიანების.

ცაში ვეძებ, ველარ ვნახე საძოვრები ხალხის და პლანეტებს მივაშურე, იქაც დამხვდა თალხი. ველარსად ვერ დავინახე ნაშიერი ხალხის, მომაგონდა ჩემი მიწის ცის ქვეშეთის ტევრი, მომაგონდა მამაჩემის ღვინით სავსე ქვევრი, ქვევრის ორგო რომ მოვხადე მამაჩემი დავინახე, სავსე ჭიქით ღვინოს სვამდა, მე პირველად გარდვისახე.



იროდი ასანაშვილი

გაზაფხულის საშინელი ქარი ქროდა, წამონახვეტი მტვრის ბუქის ქარბორბალა ტრიალებდა. თბილისის აეროპორტის გზაზე მიჰქროდა ავტომანქანა, როგორც იქნა მივუახლოვდი, გზად ტაძრის ბრწყინვალეობამ შემომანათა. პირველად გადავინერე. ის იყო შევედი აეროპორტში, ნიავეით დაქროდნენ ჩამოსული თუ წამსვლელი ადამიანები... თითოეული განიცდიდა წამსვლელი ადამიანის გაცილებას. ჩოჩქოლმა ჩემი ყურადღება მიიპყრო. ტირილნარევი ამოძახილი შემომესმა. - რა ვქნა ახლა? უკანასკნელი სახლიც დავუკარგე შეილებს. ბანკში ჩავდე, ისრაელში ჩასული კი დეპორტი უკან დამბრუნეს. კიდევ რამოდენიმე ადამიანის გოდება შემომესმა. ოჯახის წევრები ერთმანეთს ამხნეებდნენ, ცრემლები კი ღაპა-ღაპით სდიოდათ. ულამაზესი გოგონა საშინლად განიცდიდა დედის დიდ ტკივილს და განსაცდელს. ბანკში ჩადებული ბინის საშუალებით წავიდა დედამისი თურმე ისრაელში, რათა ემუშავა, რომ შეილებსთვის პურის ფული და სწავლის თანხა გადაეხადა, მაგრამ იქ ჩასული, დეპორტით უკან დაბრუნეს. არავის სტკენია მისი ტკივილი, არც კი უფიქრიათ რა უნდა ექნა მას და მის ოჯახს. ჩვენ, ქართველები მრავალი საუკუნეა, რაც ვცხოვრობთ დედამიწაზე. შევიფარეთ ერები, რომლებიც დაკავშირებულია სახლებით, სამსახურებით, წლების მანძილზე საშუალება ეძლეოდათ აქ აღეზარდათ შეილები. ქალბატონებით და ბატონებით ცხოვრობდნენ, უფრო მეტწილად ქალაქებში ცხოვრობდნენ უზრუნველად, ჩვენგან არგანსხვავებული, ოქროთი და ძვირფასეულობით ალვსილი, რომლებიც ჩვენი ხელშეწყობით თავისუფლად ცხოვრობდნენ, მაგრამ როგორც კი საზღვრები გაუხსნა ებრაელ ხალხს მოსეს ანდერძის თანახმად საბჭოთა კავშირმა, წავიდნენ იმედიანად, რომელნიც კეთილი სურვილებით გავაცოლეთ. მრავალს დავინყე-


გყლის წყნობა

ბიათ ჩვენი შეხვედრა და მასპინძლობა, გამახსენდა თამარ გვერდნითელის სიმღერებიდან სიტყვები: „ისრაელი ჩემი დედა სამშობლოა, საქართველო სულზე ტკბილი დედობილი“. დედობილი კი არა, საკუთარი შეილებით გალადებულნი ცხოვრობდნენ ჩვენს მიწა-წყალზე. ახლა? ახლა ვითომ გახსნეს საზღვრები... ჩვენთან ღმერთით მოდიან, ჩვენ ვმასპინძლობთ, ძმობას ვუნწევთ, ზოგ ქვეყანაში კი გაჭირვებით ჩასულ ქართველებს ადეპორტებენ და აეროპორტიდანვე უკან აბრუნებენ. რა ჰქვია ამას? აღარავის არ აინტერესებს, რა ბედი ელით დადეპორტებულ ქართველებს. ჩვენს ღამაზე დედებს, პურის ლუკმის საშოვნელად წასულ გაჭირვებულ ქართველებს მონობისთვისაც კი ნიხლს ჰკრავენ. იმისდა მიუხედავად, მადლიერების გრძნობით სახლის კარი გაეხსნათ, აეროპორტიდანვე უხურავენ კარებს... ქართველ ეკო-ემიგრანტებს მასხრადაც კი იგდებენ. ამ ყოველივეს სჯობია, კატეგორიულად აკრძალონ სავიზო რეჟიმი. ცოდვანი არ არიან ადამიანები, რომლებიც მომავლისათვის უკანასკნელ გროშებსაც კი სწირავენ. მაცხოვრის საფლავზე სალოცავად მისასვლელ გზას გვიკეტავენ. რა ჰქვია ამას? ეტლზე დასმული ახალგაზრდა დას მოჰყავდა დადეპორტებული დედის დასახვედრად. იგი თვალებიდან ცრემლებს იწმენდდა. რა ეწოდება ამას (სიხარულის ცრემლი)? უძღურმა გამწარებულ დედას შეაგება: - ნუ გემინია, დედა, უფალი დიდია, არ გაგვწირავს. ხელები გაშალა, დედა გულში ჩაიკრა და ატირდნენ. აგერ საბერძნეთიდან დადეპორტებული ქართველებიც, გავიხსენოთ ბერძენი ხალხი საქართველოს რომ მოაწყდა, თურქეთის ტყვეობიდან რომ იხსნა პატარა კახმა, ერეკლე II-ემ, დიდებულ მოსავლიან მიწებზე დაასახლა. მრავალი დღესაც ცხოვრობს საქართველოში და ღალად დააბიჯებენ ქართულ მიწაზე. ჩვენ კი როგორ მიგვიღო საბერძნეთმა? გადაპარვით და მალულად. ვაი, მე, ჩემო საქართველო! სად ხართ, ფარნავაზის სულის აღმზრდელი ქართველებო?! შეძლებულნო და დიდგვაროვანნო. დავითის, თამარის, გიორგის, ბაგრატის აღმზრდელი ერო, როგორ აგვცრემლებია თვალები, ჭრილობად გვექცა საკუთარი მართვეების აფრენა ქართული მიწიდან, ვინ გაგწირა? სად არიან ჩვენი ახალგაზრდები, მათი ძლიერი მხარ-მკლავები. დედებო, თქვენი შეძახილი სამყაროს ესმოდა, ახლა ქართველი ახალგაზრდები ჯანს და ენერჯიას სხვაგან ხარჯავენ, სხვის მიწაზე, ჩვენს მიწაზე სხვა შემოდის, სისხლსა

გვწოვენ, გვაწინააღმდეგებენ, ფულით და ღმერთით ყიდულობს უცხოელი ჩვენს მიწებს, ხვალ ჩვენსავე მიწა-წყალზე შეიძლება სტუმრადაც არ შემოგვივიან. ალსდექით, დედებო! ოჯახები იძირკვება, გაჭირვებისა და სიღუფის გამო. შიმშილის და გაჭირვების გამო უგზოუკლოდ დედის ახალგაზრდობა კალაპოტიდან ამოვარდნილნი. რამდენს აერია ცხოვრების გზა, საშუალებას არ აძლევენ მრავალთა პურის ლუკმა თავისუფლად გამოუგზავნონ დანატოვარ შეილებს. საქართველოს ხელი არავისთვის უკერია. ყველას ვლბულობთ, ბრყიყვულად იგებენ ჩვენს ტკივილს, გონება დარდმა მოიცვა, სხვას ჩვენი არ სტკივა. გატანჯული დედა გაჰკვივის... - არ გესმით? ალსდექით! ფარნავაზის, ქუჯის, დავით აღმაშენებლის ანდერძის თანახმად აღზრდილნი, დიდ თამარ მეფის ძლიერებით ალსდექით! ქართველნო! ქართველი ქალები დედოფლად დაბადებულნი, ვაქალბატონოთ ჩვენს მიწაზე, შეილებს დედები დავებურნოთ, ოჯახს დიასახლისი, სინმინდე და გმირობა ვამეფოთ ჩვენს მიწაზე. ჩვენი გამწარება და ტირილ-ვაება არავის ადარდებს, ჩვენს სანუკვარ მიწა-წყალს სხვას ნუ დავუთმობთ და ნუ ვამეფებთ ჩვენს მიწაზე. ქარბუქმა გაფანტა შავი ღრუბლები, დაბრუნდით, სხვის გავლენას ნუ დაემონებთ. ჩვენს უფლის ნალკოტს მოვუაროთ და შევიწარჩუნოთ, დედალეთისმშობლის ნილხვედრი გადავარჩინოთ. ჩვენ იმ უძღველი მუხის ფოთლები ვართ, რომელიც წელიწადის ოთხივე დროში მუდამ ჰყვავის, უწყლობით ნუ ჩამოვახმობთ ჩვენს მომავალთ! ქვეყნის მმართველნო, ერის კაცებო, ალსდექით და გაიზიარეთ დღევანდელი ჭირ-ვარამი საქართველოსი და ქართველი ერის! არ გესმით? ცათა ზედა ატეხილი ზარების ხმაური?! თუ შენთა საუნჯეს უპატრონოდ დასტოვებთ, გაიტაცებენ მტარვალნი ბოროტი ზრახვებით. დედამიწა ირწევა, დაფანტული ბავშვები ზოგი ოკეანეში იძირება, ზოგი ნიაღვრს მიჰყავს, ზოგს ქარიშხალი უფსკრულსკენ ერეკება, ზოგს მხეცად ქვეული სპობს! სულიერო მამებო, შემოჰკარით ტაძრის ზარები, ალსდექით ქვეყნის მმართველნო! ოდა-სახლ-კარში დააბრუნეთ გაფანტული ქართველები, ქართულ ედემ-ბაღარის ნალკოტში, უკვდავებაში და საოცრებათა სამყაროში. უსმინეთ უფლის ჩაძახილს: - გაერთიანდით, ქართველებო, გაერთიანდით!

ქ. სამტრედია (დიდი ჯიხიაში) 15.04.2017წ

იუზა ყაჭიუვილი – 80



80 წლისა შესრულდა ცნობილი ქართველი მწერალი იუზა ლევანის ძე ყაჭიუვილი. ამის გამო საქართველოს მწერალთა კავშირმა იუბილარს მისალმება გაუგზავნა. მისალმებაში ნათქვამია:

ბატონო იუზა!  
საქართველოს მწერალთა კავშირი, თქვენი მეგობარი ქართველი მწერლები გულმხურვალედ მოგესალმებიან ჩინებულ მწერალს და გილოცავენ დაბადების 80 წლისთავს.

თქვენი სამწერლო ნათლობა 1958 წელს შედგა, როდესაც ჟურნალ „ცისკარში“ გამოაქვეყნეთ პირველი მოთხრობა „ზღვის ლომი“. დებიუტი ფეხბედნიერი აღმოჩნდა და ამ მოთხრობამ მაშინვე მიიპყრო ყურადღება ლიტერატურულ და არამარტო ლიტერატურულ სამყაროში. ქართული კინოს დიდოსტატმა, რეჟისორმა რეზო ჩხეიძემ თქვენი ქმნილების მიხედვით კინოსტუდია „ქართულ ფილმი“ გადაიღო სრულმეტრაჟიანი მხატვრული ფილმი „ზღვის ბილიკი“ სწორუპოვარი სერგო ზაქარაიძის მონაწილეობით.

მას შემდეგ თქვენი ნაწარმოებები – მოთხრობები, რომანები, მხატვრული ნარკვევები, პუბლიცისტური სტატიები, მხატვრული თარგმანები სისტემატურად ქვეყნდებოდა ჩვენს სალიტერატურო პერიოდიკაში, გამოდიოდა ცალკე წიგნებად.

თქვენი მოთხრობები, ისეთები, როგორცაა: „გაქცევა“, „სოფლის გზაზე“, „ძახილი“, „თოვლი“, „მღვრიე ზოლი“, „პალადიონი“, „მზეო თიბათვისა“ გამოირჩევა ღრმა ფსიქოლოგიზმით, მხატვრული სიმართლითა და გულწრფელობით. თქვენ ერთ-ერთმა პირველმა გაილაშქრეთ იმ უმსგავსებელმა წინააღმდეგ, რომლებთანაც ასე გაჯერებული იყო წინარე საუკუნის საქართველოს ცხოვრება. ამის დასტურია თქვენი ყველაზე დიდი შემოქმედებითი გამარჯვება – რომანი „გამოცხადება“. ამ რომანმა შეიტანა წვლილი ქართველი ხალხის ეროვნული თვითშეგნების გამომწვევებში. რომანში დამაჯერებლად არის წარმოდგენილი ზნეობრივ-მორალური ხრწნის ის სიღრმისეული პროცესი, რომელმაც საბოლოოდ დაასამარა ერთი შეხედვით უძველესი საბჭოთა იმპერია. რომანის სიძლიერეზე ისიც მეტყველებს, რომ მის მიხედვით კინოსტუდია „ქართულ ფილმი“ შეიქმნა სამსერიანი მხატვრული ფილმი, რომელშიც გიორგი ხარაბაძის აქტიურულმა ტალანტმა კიდევ ერთხელ გააბრწყინა.

მრავალი საყურადღებო პუბლიცისტური სტატიისა თუ მხატვრული ნარკვევის ავტორი ბრძანდებით. მშვენივრად თარგმნეთ შერვუდ ანდერსონისა და ერნესტ ჰემინგუეის მოთხრობები...

სხვადასხვა დროს მუშაობდით საქართველოს მწერალთა კავშირის მხატვრული ლიტერატურის პროპაგანდის ბიუროს თავმჯდომარის მოადგილედ, საქართველოს შსს პრეს-ცენტრის ხელმძღვანელად, გაზეთ „კრიმინალური ქრონიკის“ მთავარი რედაქტორის მოადგილედ...

გვახარებს, რომ დაჯილდოებული ხართ დამოუკიდებელი საქართველოს ერთ-ერთი უპირველესი ჯილდოთი – ღირსების ორდენით.

ჩვენო იუზა!  
კიდევ ერთხელ გულითადად გილოცავთ საიუბილეო თარიღს ძვირფას თანამოკლამეს, გისურვებთ დიდხანს სიცოცხლეს, ჯანმრთელობას და ახალ შემოქმედებით მიღწევებს.

საქართველოს მწერალთა კავშირი

ბონდო პაპელაძე – 85



80 წლისა შესრულდა გამოჩენილი ქართველი მწერალი, მეცნიერი და ერისკაცი ბონდო ვალერიანის ძე არველაძე. ამასთან დაკავშირებით საქართველოს მწერალთა კავშირმა იუბილარს მისალმება გაუგზავნა. მისალმებაში ნათქვამია:

ძვირფასო ბონდო!  
საქართველოს მწერალთა კავშირი, თქვენი მეგობარი ქართველი მწერლები ღრმა პატივისცემით მოგესალმებიან დიდებულ მამულიშვილს, დიდი ილია მართლის გზაზე მავალ შემოქმედს და გილოცავენ ღირსშესანიშნავ თარიღს თქვენს ცხოვრებაში – დაბადების 85 და ლიტერატურულ-შემოქმედებითი

მოღვაწეობის 60 წლისთავს.

თქვენი ლიტერატურული დებიუტი 1957 წელს შედგა, როდესაც ჟურნალ „საბჭოთა ხელოვნებაში“ გამოაქვეყნეთ პირველი წერილები. მას შემდეგ ექვსი ათეული წლის განმავლობაში ერუდირებულ, ფართო თვალსაზრისის მქონე მკვლევარად ჩამოყალიბდით, რომლის ლიტერატურულ თუ მეცნიერულ თხზულებებს ვერავინ აუვლის გვერდს, ვისი ინტერესების სფეროს ქართული სალიტერატურო და არამარტო სალიტერატურო ცხოვრება წარმოადგენს.

ფართო საზოგადოებრიობა თქვენ გიცნობთ, როგორც ქართულ-სომხური ლიტერატურული ურთიერთობების სერიოზულ, მასშტაბურ მკვლევარს, რომელსაც ღრმა კვალი აქვს გავლენიანი ორი მოძმე ხალხის კიდევ უფრო დაახლოებისა და მეგობრობის განმტკიცების საქმეში. ამის დასტურია თქვენი არაერთი სტატია სომხური მწერლობის ისეთ კლასიკოსებზე, როგორიც იყვნენ საიათნოვა, ავეტიკ ისააკიანი, ხაჩატურ აბოვიანი, გაბრიელ სუნდუკიანი, ოვანეს თუმანიანი, ვაჰან ტერიანი, ელიშე ჩარენცი...

არც ის გახლავთ შემთხვევითი, რომ თქვენი სამეცნიერო მოღვაწეობა თითქმის მთლიანად სომხური მწერლობის შესწავლას შეაღიეთ. დიას, ქართულ-სომხურ ლიტერატურულ ურთიერთობებს მიეძღვნა თქვენი როგორც საკანდიდატო („ქართულ-სომხური ლიტერატურული ურთიერთობების ისტორიიდან (ავეტიკ ისააკიანი, ვაჰან ტერიანი და ქართული ლიტერატურა, 1966 წ.), ისე სადოქტორო („ქართულ-სომხური ლიტერატურული ურთიერთობა XIX-XX ს.ს. (ხაჩატურ აბოვიანი, გაბრიელ სუნდუკიანი, ოვანეს თუმანიანი და ქართული საზოგადოებრიობა, 1980 წ.) დისერტაცია. ქართველმა მკითხველმა ინტერესით მიიღო თქვენი ისეთი წიგნები, როგორცაა „გაბრიელ სუნდუკიანი და საქართველო“, „ელიშე ჩარენცი და საქართველო“, „ილია ჭავჭავაძე“ (სომხურ ენაზე), „საიათნოვა“, „ლეონ მელიქსეთბეგი: ცხოვრება და მეცნიერული მოღვაწეობა“.

ცხადია, სომხურ მწერლობას, ჩვენს მოძმე ხალხს თქვენი სახით ერთგული და ნაცადი მეგობარი ჰყავს. თუმცა ეს უნდა გავსაზრდოთ თქვენს პირუთენელსა და პრინციპულ მკვლევარს, ჭეშმარიტ მეცნიერს საქართველოსას, ხელს არ გიშლით სასაქარაოზე გამოიტანოთ ჩვენი მეზობელი სახელმწიფოს ზოგიერთი თავგახურებული ვიშნეციურის მართლაც რომ უზადრუკი, მაგრამ მიზანმიმართული ინსინუაციები, პროვოკაციები თუ ცილისწამებები, რომლებიც აშკარად ეწინააღმდეგება საღ აზრს, ისტორიულ ჭეშმარიტებებს და კონფორმაციასა და შულის ჩამოგდებას ემსახურება და მხოლოდ ჩვენი საერთო მტრების ნისქელებზე ასახამს წყალს. სწორედ ამ მტკიცებულ პრობლემამატიკას ეძღვნება თქვენი ისტორიულ-პუბლიცისტური წიგნები „ქვანი კვლავ ღალატდებენ“, „როცა უდავო სადავო ხდება“, „სომხური“ თუ ქართული ეკლესიები საქართველოში“, „ქართული ეკლესიების მიტაცება სომხური მეცნიერების მიერ გრძელდება“, „დამსჯელებს არც არაფერი დაეცემათ და არც არაფერი უსწავლიათ“, „ბაგრატიანის სომხური ბატალიონი და ქართველთა ეთნონიმენდა აფხაზეთში“ (თ. მიხრაიანი თანადა), „მარდის იოანე ნათლისმცემლის ეკლესია“, „ქართული ეკლესიები საქართველოსა და სომხეთში“ (გამოიცა ქართულ, რუსულ, ინგლისურ ენებზე), „დავიცვათ ქართული ეკლესიები. ვიცოდეთ ჩვენი ქვეყნის ნამდვილი ისტორია“...

თქვენს კალამს ეკუთვნის ძალზე საინტერესო წიგნები „ნამება მიხეილ ჯავახიშვილისა“, „იოსებ გრიშაშვილი“, „მწერლის ბედისწერა. # ПР-12028-508 (გიორგი შატერაშვილიზე)...


გულით გვახარებს, რომ კვლავაც ჭაბუკური ენერგიით ემსახურებით საქვეყნო საქმეებს. სწორედ ბოლო წლებში გამოაქვეყნეთ არაერთი მნიშვნელოვანი გამოკვლევა; თქვენი რედაქტორობით, ვრცელი შესავალი წერილებითა თუ მეცნიერული კომენტარებით გამოიცა კრებული „მიხეილ თამარაშვილი“, მიხეილ თამარაშვილის „როდის გადმოსახლდნენ სომხები საქართველოში“, პოლიევქტორ კარბელაშვილის „ქართული საერო და სასულიერო კილოები“ და „კათალიკოსნი და მღვდელთმთავარნი“, სიმონ ჯანაშიას „ისტორიული სიმაართლის დამახინჯების ერთი მაგალითის შესახებ“... დიდნაყოფიერი საზოგადო მოღვაწე ხართ. პროფესორი, აფხაზეთის მეცნიერებათა აკადემიის ნამდვილი წევრი ათწლეულების განმავლობაში მუშაობდით შოთა რუსთაველის სახელობის ქართული ლიტერატურის ინსტიტუტში წამყვან მეცნიერ-მუშაკად და თქვენი წვლილიც შეგქონდათ ქართული ლიტერატურის მცოდნეობის განვითარებაში.

თქვენი ღვაწლი ილია ჭავჭავაძის, ივანე მაჩაბლისა და მიხეილ ჯავახიშვილის სახელობის პრემიებით აღინიშნა.

ბატონო ბონდო!  
კიდევ ერთხელ გულმხურვალედ გილოცავთ სახელოვან იუბილეს ჩვენს ღვაწლმოსილ კოლეგას, ქვეყნის ერთ-ერთ გულანთებულ მეცნიერს, დიდხანს სიცოცხლეს, ჯანმრთელობას და მშობელი ქვეყნის გაბრწყინებას გისურვებთ.

საქართველოს მწერალთა კავშირი

ოთარ ხუციუვილი – 85



85 წლისა შესრულდა თვალსაჩინო ქართველი მწერალი და ჟურნალისტი ოთარ ივანეს ძე ხუციუვილი. ამის გამო საქართველოს მწერალთა კავშირმა იუბილარს მისალმება გაუგზავნა. მისალმებაში ნათქვამია:

ბატონო ოთარ!  
ჩვენი ძვირფასო თანამოკლამე!  
საქართველოს მწერალთა კავშირი, თქვენი მეგობარი ქართველი მწერლები დიდი სიყვარულით მოგესალმებიან მსცოვან, ღვაწლმოსილ შემოქმედს და გილოცავენ ღირსშესანიშნავ თარიღს თქვენს ცხოვრებაში – დაბადების 85 წლისთავს.

ქართველი მკითხველი თქვენ, უპირველეს ყოვლისა, გიცნობთ, როგორც ჩინებულ ჟურნალისტს, ობიექტურ, პირუთენელ, ქედუხურულ კალმოსანს, რომელიც ათწლეულების განმავლობაში ერთგულად და შურსსეველად იცავდა ქვეყნის სასიცოცხლო ინტერესებს და სამარცხვინო ბოძზე აკრავდა ყველას, ვისთვისაც ღვთისმშობლის ნილხვდომილი ქვეყანა მათი სამარცხვინო ვნებებისა და აზიციების დასაქმყოფილებელი ასპარეზი იყო და არა ის ღვთაებრივი ტახტი, სადაც მუხლმოდრეკილმა სული უნდა უბერო იმ უძვირფასეს სინძინდებს, აქამოდ რომ მოიყვანა ქრისტესავით ვეარც-მულე ერთი.

დას, თქვენ უკვე თვალსაჩინო, გამობრძნედილი ჟურნალისტი ბრძანდებით, როცა 1981 წელს პირველი ლიტერატურული ნაწარმოები გამოაქვეყნეთ გაზეთ „თბილისში“. მას შემდეგ თქვენი ნაკალმარი სისტემატურად ქვეყნდება ქართულ სალიტერატურო პერიოდიკაში, გამოდის ცალკე წიგნებად.

თქვენი უაღრესად საინტერესო პროზაული კრებულები, ისეთები, როგორცაა „ნიღბების დღესასწაული“, „სიბრძნე სიცილისა“, „რაფრა მოვიქცეთ ახლა ჩვენ“, „ელამი სარკე“, „ცხოვრება ღიმილით“ ქართველი მკითხველის ცხოველი ინტერესით სარგებლობს. ამ კრებულებში თავმოყრილია ერთი შეხედვით თითქმის მეტისმეტად ლალი იუმორით გაჯერებული ფელეტონები, ნოველები და მოთხრობები, რომლებშიც დაკვირვებული მკითხველი ჩვენი ნაცრისფერი ყოფის არსსაც ჩანვდება და იმ გაუგონარ სიმბინჯებსაც შეამჩნევს, რასაც ასე დაუნდობლად ებრძვი ქართული სულით, ქართული პატოსებით სავსე შემოქმედი. ეს ტექსტები მართლაც რომ ქვეყნის ჭირისუფლის სულის ქურამა ნაწრობი, მათში მხოლოდ ჯანსაღი და უბოროტო იუმორია დავანებული და მრავალფეროვნებით, სისხარტითა და უხადო, თავანკარა ქართულით გვხვდება ყველას...

ნაყოფიერი საზოგადო მოღვაწე ბრძანდებით. მთელი ცხოვრება ერთგულად და მუხლჩაუხრელად ემსახურებოდით თქვენს საესე სამშობლოს. იყავით თელავისა და ახმეტის რაიონული გაზეთების მთავარი რედაქტორი, გაზეთ „თბილისის“ განყოფილების გამგე, გაზეთ „რესპუბლიკის“ ლიტერატურული მუშაკი, გაზეთ „საქართველოს რესპუბლიკის“ განყოფილების გამგე...


თქვენი ღვაწლი და რუდუნება სათანადოდ დაფასდა. მონიჭებული გაქვით დამოუკიდებელი საქართველოს ერთ-ერთი უპირველესი ჯილდო – ღირსების ორდენი. ლაურეატი ბრძანდებით ისეთი უპრესტიჟულესი პრემიებისა, როგორცაა ნიკო ნიკოლაძის და სერგეი მესხის პრემიები.

ძვირფასო ოთარ!  
ყოველთვის გვხვობავით პირდაპირობით და სიმართლის თქმის უნარით. ამის საუკეთესო ნიმუშია თუნდაც ის ფაქტი, რომ შემდგენელი და რედაქტორი ხართ ცნობილი სახელმწიფო მოღვაწის მედია მეზრინიშვილისადმი მიძღვნილი მოგონებების კრებულისა, რომელშიც თვალნათლივ გამოჩნდა, რომ საბჭოთა ეპოქის არაერთ პარტიულ მუშაკთან ახლოსაც ვერ მია თანამედროვე საქართველოს ზოგიერთი მესვეური...

კიდევ ერთხელ გულითადად გილოცავთ საიუბილეო თარიღს საყვარელ კოლეგას, ულაღატო ძმასა და მეგობარს, დიდხანს სიცოცხლეს, ჯანმრთელობას და კვლავაც სამშობლო ქვეყნის უებრო სამსახურს გისურვებთ.

საქართველოს მწერალთა კავშირი

თეატრალური—70



70 წლისა შესრულდა თვალსაჩინო ქართველი მწერალი თემურ იოსების ძე აბულაშვილი. ამის გამო საქართველოს მწერალთა კავშირმა იუბილარს მისალმება გაუგზავნა. მისალმებაში ნათქვამია:

ძვირფასო თემურ!  
საქართველოს მწერალთა კავშირი, თქვენი მეგობარი ქართველი მწერლები გულთადად მოგესალმებიან მრავალწინაგოვან შემოქმედს და გილოცავენ ღირსშესანიშნავ თარიღს თქვენს ცხოვრებაში – დაბადების 70 წლისთავს.

სალიტერატურო სამყარო ამ ოთხი ათეული წლის წინ გაგიცნოთ. თქვენი დებიუტი ხომ 1974 წელს შედგა, თელავში ჩატარებულ ახალგაზრდა მწერალთა სემინარზე, სადაც ყველას დაამახსოვრეთ თავი, როგორც თვითმყოფადმა, ორიგინალური ხელწერის მქონე პროზაიკოსმა. მას შემდეგ თქვენი ნაწარმოებები – მოთხრობები, ნოველები, პიესები, ლიტერატურული თუ პუბლიცისტური წერილები, მხატვრული ნარკვევები პერიოდულად ქვეყნდებოდა ჩვენს სალიტერატურო პერიოდიკაში, გამოდიოდა ცალკე წიგნებად.

თქვენი პროზაული კრებულები, ისეთები, როგორიცაა „ჩიტები უფასოდ“, „ველის ხარი“, „გზა ვარსკვლავებისაკენ“, „მდინარეს მიაქვს ამბავი“, „1992 წლის ფეხბურთი“ შეიყვარა ქართველმა მკითხველმა, შეიყვარა იმიტომ, რომ თქვენი სახით თანამედროვე ქართულ პროზას ძარღვიანი და დაფიქრებული შემოქმედი ჰყავს, რომლის ნახელავს ცხოვრების ღრმა ცოდნა, ორიგინალური ხელწერა, ლიტერატურულ პერსონაჟთა სულიერი პორტრეტების სიღრმისეული ჩვენება, ფრაზის მოქნილობა, ენის ლექსიკური სიმდიდრე გამოარჩევს სხვათაგან.

ამავე დროს მართლაც რომ ჩინებული დრამატურგი ბრძანდებით, რომლის პიესები წარმატებით იდგმებოდა ქართული თეატრების სცენაზე. ეს პიესები („წეროს გუთანი უბა“, „სიცოცხლისმიწვევა“, „ფრინველების საქორწინო ცეკვები“, „თოჯინების სოფელი“, „დღესასწაული თეთრი მაიმუნის სამეფოში“) თქვენი მრავალწინაგოვანი ნიჭიერების ერთი მშვენიერი გამოვლინებაა. თქვენ, დრამატულ ხასიათთა შექმნის ოსტატს, უაღრესად გამძაფრებელი გაქვთ თეატრალური ხედვა და ალლო, რელიეფურად ძერწავთ პერსონაჟთა სახეებს, ძერწავთ მხოლოდ მათთვის დამახასიათებელი მეტყველებითა და ქცევებით – აი, თქვენი წარმატებების საიდუმლო.

თქვენს კალამს ეკუთვნის არაერთი მხატვრული ნარკვევი თუ პუბლიცისტური სტატია.


ათეული წლები მუშაობდით გაზეთ „ლიტერატურული საქართველოს“ პასუხისმგებელ მდივნად და ქართული მწერლობის წინსვლასა და განვითარებას ემსახურებოდით.

გულით გვახარებს, რომ თქვენი მრავალწლიანი მოღვაწეობა საქართველოს მწერალთა კავშირის, საქართველოს თეატრის მოღვაწეთა კავშირის (სამგზის), გამომცემლობა „ლომისის“, გიორგი შარვაშიძისა და რევაზ ინანიშვილის სახელობის პრემიებით აღინიშნა. მონიჭებული გაქვთ დამოუკიდებელი საქართველოს ერთ-ერთი უმთავრესი ჟილდო – ღირსების ორდენი.

კიდევ ერთხელ გულმზურვალედ გილოცავთ საიუბილეო თარიღს ჩინებულ შემოქმედსა და მოქალაქეს, დიდხანს სიცოცხლეს, ჯანმრთელობას და ახალ დიდ შემოქმედებით წარმატებებს გისურვებთ.

საქართველოს მწერალთა კავშირი

ავთანდილ ხაკიუშვილი



დედაკაცი უნდა სწავლობდეს მღუმარებაში ყოველგვარი მორჩილებით (დაბ. 3,16) დედაკაცს არ ვაძლევ სწავლის ნებას, არც ქმარზე ბატონობისას, არამედ იყოს მღუმარედ. (ახალი აღმა, გვ. 450, სტოქჰოლმი, 1993).  
როსტევენი მეფე – თინათინს: „ხარმცა ბრძნად მქმნელი საქმისა, იყავ წყნარი და ცნობილი...“ (ვეფხისტყაოსანი სტრ. 48).  
მოყვარეს პირში უძრახე, მტერს – პირუკანაო (ილია) სუყველას პირში ვუძრახავ, არავისთან არ ვარ უძრახად. (ა. ხ.).

ვარ ფიქრი! მიუსაფარი! არა ფარვანას ფარფარი...  
არც ღამის ქოთან-საქნარი, ქალთა მარაქის ქარქარი...

სულის სავანეს მინათებს ქართული ლექსის ლამპარი...  
ულაყი სიტყვით ვჭიხვინებ!! არ ვარ ჭაკების ჭარტალი...  
წინკანას წრიპინს მირჩვენის, ყორანის ყიალყრანტალი!!!

\*\*\*  
წამებულებს არ ვიხსენებთ!! კუბოსაფლავდაკარგულსა!!!  
უხსენებლებს ნუ მიხსენებთ!!! გამჩენისგან გზაკვალკრულსა!!!

\*\*\*  
ბოლშევიკების ბადიშთა ორდენითა და ორდერით!  
ბარგიბარხანით! ბადრაგით! კისერში! – ურონამავალით!!!  
კოლექტიური სამკალით, კრული! მზაკვრული გზაკვალით!!!  
სატანის ტვინით ორსულებს! შტერ თავით გონხვერმოსულებს!!!  
წყალგალმა ვერგალნულებს! იოლად ფონსვერგასულებს...  
ავსულებს! ცოცხალმკვდარსულებს! მყვარსულებსა და მყარსულებს!!

ნითელ წყულთა წინილებს!! მარილზეც ველარ წასულებს...

სუკის კალამის კანკალით, წყალწყალა, მწირი ნამკალით, პროლეტარული ყაყანი!! წყალს ნავაყოლებ ყანყალით...

\*\*\*  
ვარ მყარი სიტყვის საყდარი! მკვიდრი საქმისთვის თავმკვდარი!!  
ქველი ლექსების ამქართით! ქალაღდით, კალამფანქართით,  
რითმების ფრთებით მიფრინავ!! ვაფრთხობ ფრინველებს!  
თვითფრინავს!!

მშვილდისრით ვისვრი სტრიქონებს!! გულში დარდს ლექსით ვიფოფინებ...

ნუ მეტყვით სიტყვას ლაყვას! ნაყბედარს! ბრიყვას!  
ნაყველფარს!!

\*\*\*  
შოთა! ვაჟა და აკაკი! რჯულჯიგარში მაქვს გამჯდარი!!  
მარგალიტები მისხია ლექსის ლურჯასა! აბჯარით!!  
ქველ სტრიქონების ლაშქართით!! ჩოხაახალუხხანჯარით!!!  
ვეფხისტყაოსნის ტაიჭით!! რითმების აღვირავშარით!!  
გაირყვნა სიტყვა! უტვინო! უქმი! უქნარა!! არჯალი!!!  
შორს! – სიტყვა შაირისაგან! შაირანი და აშარი!!  
დროა! დამშვენდეს შაირი!! ყოჩაღკოჩრი შარვალით!!!  
ვერ შობს ფშაველის შაირსა! ძუძუგამშრალი თავშალით...

დიაცს ვინ მოგცა უფლება, საქმე აკეთო მამრისა!  
დევიკაცის დევისიტყვა! ცეცხლია ამირანისა!!


\*\*\*  
ქვეყნად ცეცხლის მოტანისთვის, გულს ცეცხლი არ ნელდებოდა...  
სულმნათი სიტყვა აკაკის არასდროს არ ბნელდებოდა...

\*\*\*  
ვაბიჯებ მარჯვე ნაბიჯით! ჯგირი! ჯგირიან ძმაბიჭით!!  
ურყვენელი სულის სიტყვითა თავისგატანა არმიჭირს!!  
ბევრჯერ ცივ ქვაზეც ვიჯექი! უჭკუო სიტყვით ნაბიჭვრის!!

\*\*\*  
მშობლურ სიტყვის ვარ მამრალი, არა სხვის ხურდანაშალი,  
ურამერანით მიფრინავ!! არა ფაშატის ფამფალით...  
სიტყვაა სულის სანთელი, სულის უფლავი საფლავით...  
ღმერთია! დაუსამარი! უფლის უფლავი სამართით...  
სიტყვა! ძალაა! ღმერთია! მძლეთამძლე!! მამაღმერთია!!!  
სიტყვა! ადამის ჟამისად!!! სამყაროს დასაბამისად!!!!  
სიტყვა კაცია! კაცური!! არა ფაცვის ფაცური...  
გენდერ გოიმებს თავსაფრით თავზე დავასხი თავსლაფი...

\*\*\*  
ფიქრი ვარ! მიუსაფარი!! ქარი ვარ! მიუსაფარი!!  
სული ვარ! მიუსაფარი!! ლექსი ვარ! მიუსაფარი!!  
სიტყვა ვარ! მიუსაფარი!! მართალი! ალაღმართალი!!  
ყველა ავსული! ავთვალი! უფალთან არამართალი,  
წესის აგებისგარეშე, მოუსაკლეთში დავფალი...

სანდრო ბერიძე – 60



60 წლისა შესრულდა ცნობილი ქართველი პოეტი და საზოგადო მოღვაწე სანდრო ნიაზის ძე ბერიძე. ამის გამო საქართველოს მწერალთა კავშირმა იუბილარს მისალმება გაუგზავნა. მისალმებაში ნათქვამია:

ნათქვამია:  
ბატონო სანდრო!

საქართველოს მწერალთა კავშირი, თქვენი მეგობარი ქართველი მწერლები ღრმა პატივისცემით მოგესალმებიან ქართული მწერლობის აჭარული ფრთის ერთ-ერთ უღირსეულეს წარმომადგენელს და გილოცავენ ღირსშესანიშნავ თარიღს თქვენს ცხოვრებაში – დაბადების 60 და ლიტერატურულ-შემოქმედებით მოღვაწეობის 30 წლისთავს.

პირველი ნაბიჯები სამწერლო სარბიელზე 1987 წელს გადადგით, როდესაც ჟურნალ „ცისკარში“ პირველი ლექსები გამოაქვეყნეთ. მას შემდეგ თქვენი ლექსები, ლიტერატურულ-კრიტიკული წერილები, პუბლიცისტური სტატიები პერიოდულად ქვეყნდებოდა ქართულ პერიოდიკაში, გამოდის ცალკე წიგნებად.

თქვენ საქართველოს იმ ძირძველი და უმშვენიერესი კუთხის შვილი ბრძანდებით, რომელმაც სამასწლოვანი უმძიმესი მონობის პირობებშიც შეინარჩუნა ქართული სული, ქართული სულიერება და თუ რამ ასულდგმულზედა იმ ჯოჯოხეთური საუკუნეების განმავლობაში, დედასამშობლოსთან დაბრუნების დაუოკებელი სურვილი იყო მხოლოდ და მხოლოდ.

ეს ყოველივე თქვენს პოეზიაშიც აისახა. თქვენი პოეზია ხომ ფიქრიანი კაცის პოეზიაა, სამშობლოს ბედსა თუ უბედობაზე ღრმად დაფიქრებული შემოქმედის პოეზია, შესაბამისად დარდიანიც და ტკივილიანიც. თქვენი პოეზიის ლირიკულ გმირს კარგად მოეხსენება ბიბლიური სიბრძნე-ამაოება ამაოთა და ყოველივე ამაო არს. სწორედ მის თვალწინ გრძელდება სიკვდილ-სიცოცხლის მარადიული დუელი, რომელშიც სიკვდილი – ეს თავზარდამცემი რაინდი დაუნდობლად მოითხოვს თავის არჩევს და მკვდარ-ცოცხალს ბნელში, არარსებობისკენ მიერეკება. გული უკვდება იმის შემხედვარეს, რომ ამ ბალღამითა და ღვარძლით სავსე სამყაროში უფასურდება და ბანალური ხდება სიყვარული. სწორედ ამიტომ მოსწონს მკითხველს თქვენი პოეტური კრებულები („თეთრი ქორწილი“, „სიკვდილ-სიცოცხლის სიმღერები“, „უფლის ოქროს ჭურჭელი“, „დღეები და ღამეები“, „ჰოდა, იმას ვამბობდი“, „სანთლის ხომალდი რავა პოეტი...“). მოსწონს ქედუხრელობისთვის, ვაჟკაცური შემართებისთვის, სათქმელის ცხადად და ნათლად გამოხატვისთვის...



თქვენს კალამს ეკუთვნის ლიტერატურულ-კრიტიკული წერილების კრებული „უნაპირო ხილვები“, რომელშიც პროფესიონალურად განიხილავთ ზურაბ გორგილაძის, ჯემალ ჯაყელის, შოთა ზოიძის, დავით თედორაძის, ვახტანგ ლლონტის, ზურაბ ფირცხალაიშვილის, ბადრი თევზაძის შემოქმედებას.

სხვადასხვა დროს მუშაობდით სკოლის პედაგოგად, ქედის რაიონული გაზეთის განყოფილების გამგედ, გაზეთ „აჭარის“ ლიტერატურულ მუშაკად, ქედის რაიონის პრეფექტად. არჩეული იყავით აჭარის ავტონომიური რესპუბლიკის უზენაესი საბჭოს წევრად. 1995 წლიდან კი ჟურნალ „ჭოროხის“ მთავარი რედაქტორი ბრძანდებით და თქვენი წვლილიც შეგაქვთ აჭარაში ლიტერატურულ-კულტურული ცხოვრების აღორძინებასა და წინსვლაში.


დაჯილდოებული ხართ აკაკი წერეთლისა და ზურაბ გორგილაძის სახელობის პრემიებით.

კიდევ ერთხელ გულითადად გილოცავთ საიუბილეო თარიღს ჩვენს უღალატო ძმასა და მეგობარს, გისურვებთ დიდხანს სიცოცხლეს, ჯანმრთელობას და ახალ შემოქმედებით წარმატებებს.

# წარდგენილია ნობელის პრემიაზე



ჟურნალისტ!



რევაზ მიშველაძის რომანი „ციყვი ბორბალში“ (გამომცემლობა „მაცნე“. 2016 წელი) წარდგენილია 2017 წლის ნობელის პრემიის მოსაპოვებლად.

რომანი უკვე გამოქვეყნდა რუსულ ენაზე და ამჟამად ითარგმნება ინგლისურ, შვედურ და სომხურ ენებზე.

## ზვიად გამსახურდიას მემორიალური კაბინეტი

1918 წლის 26 მაისს საქართველომ დამოუკიდებლობა გამოაცხადა და რუსეთის 118 წლიანი ოკუპაციისგან გათავისუფლებულმა სახელმწიფოებრიობა კვლავ აღიდგინა.

დამოუკიდებლობის ქარტიას ხელი მოაწერა ეროვნულ-განმათავისუფლებელ ბრძოლაში დამამტვრალ ქართველთა თითქმის ყველა ღირსეულმა წარმომადგენელმა.

ცოცხალთა შორის აღარ იყვნენ ილია, აკაკი და ვაჟა, თორემ მათი ხელწერაც უსათუოდ დაამშვენებდა დამოუკიდებლობის სანუკვარ ქარტიას.

რუსმა მხოლოდ სამი წლით დაგვაცადა დამოუკიდებლობის ნიავეთ ტკობა.

1921 წლის 25 თებერვალს მოდერნიზებულმა ნითელმა იმპერიამ ცეცხლითა და მახვილით დაიპყრო საქართველო.

მეოცე საუკუნის 90-იანი წლების ბოლოს საქართველოს კვლავ მიეცა სახელმწიფოებრიობის აღდგენის შანსი.

დაიშალა ბოლშევიკური რუსეთი და 1991 წლის 9 აპრილს საქართველომ მეოცე საუკუნეში მეორედ მიიღო დამოუკიდებლობის აქტი. თავისუფლების ქარტიას პირველი აწერდა ხელს იმდროინდელი საქართველოს ეროვნული ლიდერი ზვიად გამსახურდია.

დიდი ქართველი მწერლის კონსტანტინე გამსახურდიას ღირსეულმა შვილმა იტიერთა უმძიმესი მისია. იგი ახლად აღორძინებული ქართული სახელმწიფოს საჭესთან მაშინ დადგა, როდესაც ნითელი რუსეთი აღორძინებას ცდილობდა და არც დასავლეთს ჰქონდა „საბჭოთა კავშირიდან“ ნაწილობრივ თავდაღწეული ყოფილი „მოძმე რესპუბლიკების“ მიმართ მტკიცე, მიზანმიმართული პოზიცია.

საქართველოს ახალბედა პრეზიდენტის ზვიად გამსახურდიას ბედი მაშინ გადაწყდა, როცა მან საჯაროდ გამოაცხადა, რომ საქართველო რუსის უღელს აღარ შეიღამადა კისერზე და არც ევროპა-ამერიკის ვასალის როლს ითამაშებდა.

„დინების სანინალმდევოდ მიცურავსო“, დააბრალა ზვიადს ამერიკის პრეზიდენტმა და საქართველოს წინამძღოლისგან პასუხიც მეყვესეულად მიიღო: „დინებას მხოლოდ მკვდარი თევზები მიჰყვებიანო“.

ზვიად გამსახურდიას და შესაბამისად თავისუფალი საქართველოს ბედი უკვე გადაწყვეტილი იყო.

დანარჩენი ტექნიკის საქმე გახლდათ და 1992 წლის ბოლოს რუსთაველის პროსპექტზე რუსული ტანკები დადგნენ.

ზვიადი საქართველოდან გაიქცა და მალე რუსეთშივე იზრუნა სა-

ქართველოს პირველი პრეზიდენტის ფიზიკურ აღსასრულზეც.

რა პარადოქსულიც უნდა იყოს ზვიად გამსახურდიას ირგვლივ ისტორიკოსთა, პოლიტოლოგთა თუ ჟურნალისტთა ვენბათაღლევა, ერთი რამ ცხადია: მეოცე საუკუნის ბოლოს საქართველოს დამოუკიდებლობის აღორძინება, ანუ ყოველივე ის, რაზეც ახლა ჩვენი სახელმწიფოებრიობა დგას, ზვიად გამსახურდიას სახელს უკავშირდება.

მორჩა! ამ ისტორიულ როლს მას უკვე ველარავინ ჩამოართმევს.

გარდა მამაცი და თავდადებული პოლიტიკური მოღვაწისა, ზვიადი იყო ნიჭიერი მწერალი და მეცნიერი, ჩინებული პოეტი, მთარგმნელი და რუსთველოლოგი.

2017 წლის 31 მარტს ზვიად გამსახურდიას დაბადების დღეს საქართველოს სახელმწიფო ტექნიკურ უნივერსიტეტში (VI კორპ. VI სართ.) საქართველოში პირველად გაიხსნა ზვიად გამსახურდიას მემორიალური კაბინეტი.

კაბინეტის გახსნის იდეა ეკუთვნით სამართლისა და საერთაშორისო ურთიერთობების ფაკულტეტის დეკანს პროფესორ ირაკლი გაბისონიას და სოცურთიერთობათა დეპარტამენტის თავმჯდომარეს პროფესორ იგორ კვესელავას.

ირაკლი გაბისონია ახალშექმნილი ფაკულტეტის ღირსეული დეკანი, რომელმაც არაერთ ეროვნულ ღონისძიებას მისცა დასაბამი, ხოლო იგორ კვესელავა თანამედროვე ისტორიის (განსაკუთრებით ზ. გამსახურდიას ცხოვრებისა და მოღვაწეობის) გამოჩენილი მკვლევარია.

იდეას მხარი დაუჭირა უნივერსიტეტის რექტორმა, აკადემიკოსმა არჩილ ფრანგიშვილმა და სწორედ მან გახსნა მემორიალური კაბინეტი შთამბეჭდავი შესავალი სიტყვით.

გამოვიდნენ ზვიად გამსახურდიას შვილი კონსტანტინე გამსახურდია, პირველი პრეზიდენტის მეგობარნი, თანამებრძოლნი და მიმდევარნი: ზვიად ძიმიგური, ირაკლი გაბისონია, იგორ კვესელავა, რობერტ პეტრიაშვილი, გურამ პეტრიაშვილი, რევაზ მიშველიძე, ანზორ აბრალავა, სოსო სიგუა, ნინო ნიშნიანიძე, გიორგი გაჩეჩილაძე, ნუგზარ შავთვალაძე და სხვები.

კაბინეტში დაიდგა მოქანდაკისა და პოეტის მერაბ მებრეველის მიერ შესრულებული ზვიად გამსახურდიას მშვენიერი ბიუსტი.

კაბინეტს სხვათა შორის ორი მემორიალური ნივთიც ამშვენებს: ისტორიული მრგვალი მაგიდა და ზვიად გამსახურდიას მიერ რევაზ მიშველაძისათვის ნაჩუქარი განუყრელი სვანური ქუდი.

## მონაპოვარი

დიას, მონაპოვარია, თანაც მონაპოვარია მთელი საქართველოსთვის და არა მარტო მისთვის, გამოჩენილი ლიტერატორისა და მწერლის, სოსო სიგუას ორტომეული: „ქართული კულტურის ისტორია“. მონაპოვარია იმიტომ, რომ საქართველოში ასეთი გამოცემა არ არსებობდა, თანაც სად, ქვეყანაში, რომელსაც პრეტენზია აქვს, რომ მასთანაც დაირწა მსოფლიო ცივილიზაციის აკვანი. მონაპოვარია იმიტომ, რომ აქ გაშლილი მასალა სრულყოფილ შთაბეჭდილებას ტოვებს (და ასეც არის), ქართული კულტურის გენეზისზე, მის ფესვებზე ანიდან-ჰომერამდე მოყოლებული. მონაპოვარია იმიტომ, რომ ეს ყოველივე განხილულია და წარმოდგენილია მსოფლიოს ცივილიზაციის ქრილში. მონაპოვარია იმიტომ, რომ იგი წერილ არს უმაღლესი პროფესიონალიზმით და საგნის უზადო ცოდნით! მონაპოვარია...დანარჩენს თავად მიხვდები, მკითხველო, როცა მას გაეცნობი! ვულოცავ საზოგადოებას ამ უსერიოზულესი ნაშრომის გამოცემას, ხოლო სოსო სიგუას უღრმესი მადლობა ასეთი საჩუქრის გაკეთებისათვის!



სოსო სიგუა

სოსო სიგუა

ნოდარ კობაქიძე



25 მაისს 13 საათზე მწერლის სახლში (მარჯაბლის 13) გამართება პოეტ თენგიზ სვანიძის საიუბილეო საღამო.

## განცხადება

ძვირფასო მეგობრებო,

გაზეთი „ლიტერატურული მესხეთი“ გამოსაცემად ამზადებს კრებულს – „მესხეთი ქართულ პოეზიაში“.

ვთხოვთ ყველა დაინტერესებულ პოეტს, – თუ სურვილი გაქვთ თქვენი ლექსები, მესხურ თემატიკაზე, შეტანილი იქნას ამ კრებულში, მოგვანოდეთ შემდეგ მისამართზე:

lit-meskheta@yahoo.com ან lit.meskheta@gmail.com

(რაოდენობა შეუზღუდავია).

სასურველია ლექსები წარმოადგინოთ ამა წლის სექტემბრამდე.

წინასწარ გიხდით მადლობას თანამშრომლობისათვის.

გაზეთი „ლიტერატურული მესხეთის“ რედაქცია



გამოვიდა თამარ გაბროშვილის პოეტური კრებულის „ქრიზთა“ სომხურ ენაზე. ნიგნი გამოიცა ქართული ნიგნის ეროვნული ცენტრის მხარდაჭერით სომხეთში (ერევანში) გამომცემლობა „ჰიასტანის“ მიერ. ნიგნის მთარგმნელია მაცვალა გეურქოვა-საკაკიანი. კრებული გაფორმებულია თამარ გაბროშვილის ნახატებით.

თამარ გაბროშვილი (ლიტერატურული ფსევდონიმი „ქრიზთა“) ლიტერატურულ ნაწარმოებებს აქვეყნებს 1983 წლიდან.

თამარ გაბროშვილი 4 პოეტური კრებულის ავტორია: „ახალწლის ღამე“, „სიყვარულის თილისმა“, „გაიმეორე სიცოცხლე“ და „ქრიზთას ანთოლითები“.

